

MAMELLO



Kea u leboha, Moena Neville. Morena a u hlohonolofatse.
Kea u leboha.

Hoseng, metsoalle. Ke monyetla ho ba mona hoseng hona ka pel'a Sefahleho sa Morena, ka hara tabernakele le batho. 'Me kantle ke letsatsi la pula, 'me ke sa tsoa khanna ke nyoloha hona joale, 'me kamoo le neng le bina le opa liatla tsa lona, ba tlameha ho fumana lipula tsa mahlohonolo ka hare. Kahoo ho hotle haholo. Ka hona re leboha haholo ka letsatsi lena. Ke e . . . Re tlameha ho fumana pula. Haeba re sa fumane pula, Monghali a ke ke a bokella litholoana tsa Hae. Kahoo re na le e—e pula ka hare, ea moea, kapa ho ke ke ha fumanoa litholoana tsa kotulo. Re tlameha ho fumana pula kantle ho seng joalo re ke ke ra fumana kotulo ea tlhaho. Ke hantle.

² 'Me, le a tseba, bobeli ba tsona, ho hlokoa ntho e shoeleng re tle re phele. Kotulo e hlahisa bophelo, 'me bophelo bo tlameha ho hlahisa lefu. Ka lefu rea phela. U a tseba, letsatsi ka leng, ka bophelo ba hau ba tlhaho, ntho e tlameha ho shoa hore u tle u phele. U tlameha ho . . . ntho e a shoa. Ka hona u—u a ja 'me u phela ka lintho tse shoeleng. Ha u ja nama ea kolobe, kolobe e shoele. Ha u ja nama ea namane, khomo e shoele. Ha u ja poone, e shoele. Ha u ja bohobe ba koro, be, bo shoele. U ja k'hale, e shoele. U phela ka ntho e shoeleng, ka tlhaho. Hape, na ha se bopaki hore Ntho e ne e tlamehe ho shoa re tle re phele ka Bosafeleng? Krete o shoele, Mora Molimo, re tle re phele ka Bosafeleng. Ka baka leo ke thabetse hoo hohle hoseng hona, ho tseba hobane linako tse kholo tsena tse nyarosang tseo re phelang ho tsona joale, le ho tseba hobane Krete o shoetse baetsalibe, 'me e ne e le 'na, hore O nchoetse.

³ Joale, kea kholoa Sontaha se fetileng le sa hopola Morena o buile le 'na matsatsi a 'maloa a fetileng a re re tla . . . Le lemohile teiping ea Sontaha se fetileng ho ne ho tla hlaha likotsi. Ha ke theoaha feela ke ne ke mametse khaso, 'me Jeremane e na le moroallo o mobe ka ho fetisisa oo ba kileng ba o fumana sechabeng. O bolaile makholo, 'me batho ba bile ba iphanyeha. Ke ngotse taba ena fatše, ha ke theoaha. 'Me marako a pshatlehile, le ntho e 'ngoe le e 'ngoe, Jeremane. 'Me Engelane e fumana lifefo tse tšabehang ka ho fetisisa tsa moea, ho pheutsoe, ke a lumela, matlu a likete tse mashome a supileng, le hona. Le a bona? Be, re nakong ea qetelo. Jesu o tla hlaha le leng la matsatsi ana, 'me re nakong ea qetelo. Hopolang feela, ena ke qalo feela, e tla lula e tsoelapele le ho tsoelapele. Le a bona? Re qetellong.

⁴ Joale, hosane, hantle ka mora molaetsa kajeno, re itokisetsa ho fallela Arizona hape, ka hona re kopa kereke ho re rapella, le

ha re ntse re tsamaea. 'Me ke tlameha ho etsa liqeto tse khōlō, metsoalle, 'me nke ke ka li etsa ke le mong, hoba ha ke tsebe seo nka se etsang. 'Me ke tla kopa kereke ena, joaloka sehlopha sa balumeli ba jakileng le 'na mona, hore le nthapelle, hore liqeto tsa ka e be nqalo e nepahetseng ho ea ho eona. Metse e ka bang makholo a mararo mose ho maoatle, ke a kholoa, e a letsa, le—le—le Switserlane, Jeremane, le—le Afrika, le hohle. Ka hona re rapela Molimo ho re thusa ho etsa ntho e lokileng moo A ka re sebelisang teng. 'Me le nthapelle. Ke tla be ke le rapella kamehla, le tseba seo. Ka hona le nthapelle hore Morena Molimo a tle a ntataise.

⁵ Joale, ho khutleng ho tsoa Arizona, ha Morena a ratile, ke—ke batla ho hulela maikutlo 'me re tla e tsebisa kerekeng, ba tla etsa joalo mona, 'me ke rata ho fumana nakoana e teletsana ho bua le phutheho mona. Ke tšoere Molaetsa, 'me ke rata ho rera lihora tse robeli kapa ho hong, ua bona, ka mokhoa oo. Ha re . . .

⁶ Mofumahali e mong o ne a qoqa le 'na, Mof. Wood mona oa kereke, Ke ne ke qoqa le eëna, 'me ke le Milltown kerekeng ea Baptise mono re tšoere tšebeletso, 'me hape ke lumela e 'ngoe ea litšebeletso tsa bona tsa pele, ha thoe, “Ke kene ka hora ea leshome, Moena Branham, u ne u rera.” Le ho re, “U rerile ho fihlela motšoare o moholo, e ntoo ba thapama eohle, eaba ba fumana nako ea metsotso e leshome le metso e mehlano, e mashome a mabeli ho ja tinare.” Le ho re, “Re tsamaile bosiuung boo ka hora ea leshome, u ntse u rera.”

Ka—ka re—ho re, “Be, u a tseba ha ke tsebe hakaalo, empa, u a tseba, ha ke suthisa seo ke se tsebang tseleng, 'me ke Mo lumella ho bua, ke . . . O tseba haholo.” Ka hona, 'me ke rata ho e utloa, le 'na, ka hona ke . . . Empa ke ne ke e bua ka mokhoa o potolohang.

⁷ Empa, ho khutleng, ha Morena a ratile, ke rata ho qala ka nako le ho tsoella ka Molaetsa oo Morena a o beang pelong ea ka. 'Me ke rapela hore O tla mpha botlalo ba eona kantle lehoatateng, bakeng sa kereke letsatsing la ho qetela joale. Ua bona, khato e 'ngoe feela ea ho qetela ea Moea, kea lumela, e atametse. 'Me re lumela Morena Jesu a itokisetša ho lokolla maholimo ka matla a Molimo, hore e tla petsola maholimo, hoo re lumela hore O tla e etsa. 'Me re tšepile A tla hlahisa molaetsa o tletseng ho feta ka eona ha re khutla. Le ho ba le . . . ho qala ka hora ea borobong hoseng, 'me, kapa mashome a mararō ka morao ho robong, le ho e mathisa ho fihlela hora ea bobeli kapa ea borarō, kapa nako efe ha ke fumana nako ho e qeta, lea bona. Mohla . . .

⁸ Hape ke nahana mohlomong ho ea Afrika ho tloha moo, ka hona, ha Morena a ka tsoelapele ho etella pele ka tsela eo, kapa, Switzerland pele, e ntano ba Palestina le Afrika, likopanong. Ka hona, lulang thapelong. Sohle seo le se etsang, le lelale feela

kajeno le rapele, le rapele. Ke phetho, ke eona feela tšepo eo re nang le eona, ke thapelo.

⁹ Re fetile . . . Ke a tšepa ha ke utloahale eka ke thunthetsa borapeli, kapa joaloka e—e motho ea sa tsebeng seo ba buang ka sona, empa ke lumela sechaba sa rona, joaloka sechaba, se se se tlotse topollo. Ho na le hoo . . . Holane ho le Bakreste ba lekaneng kapa ba lekaneng ho e hula hammoho ho e kopanya, empa leha ho entsoe khulo e kana, baevangeli ba baholo le litšebeletso tse kholo hohle, 'me se ntse se tsoelapele ho kena tšenyehong. Ka hona ke—ke lumela joalo feela ka lichaba tsohle tse khōlō, ua bona, tsohle li tlameha ho oa. Tsona, litsamaiso tsena tsohle le lintho tse joalo li tlameha ho oa.

¹⁰ Ho nahana ka banna ba nehelang maphelo a bona bakeng sa demokrasi. Eo ke—eo ke ntho e tšepelang sechabeng. Ke botle boo. Ha ho letho khahlano le hoo. Empa ho ka thoeng ka maphelo a rona bakeng sa Kreste? Le a bona? Monna e be mohale; ho ema, thaka le lecha le sa tsoa kena palesa bophelo, 'me hlooho ea lona e thunngoe hantle mahetleng a hae, le ho ba mohale, 'me mohlomong ha ho utloele ka eona haese lelapa la la'bo lapeng, kapa motho e mong tikolohong ea ha'bo ea neng a mo tseba. Empa koana re tšaba ho tsoa le ho nka khato e ruileng bokhoni-bohle bakeng sa Kreste, le a bona, moo, "Ea bolokang bophelo ba hae o tla timelloa ke bona; ea timelloang ke bophelo ba hae ka baka la Ka o tla bo boloka, a boloke bophelo ba hae." Ka hona ha re—ha re beheng sohle seo re se ruileng hantle ho Morena Jesu 'me re ikoalle hole le lintho tsa lefatše, le ho talima ho Eena le ho lumela Lentsoe la Hae le ho tsoelapele hantle le Eena.

¹¹ Joale, pejana feela . . . Joale, kajeno, ntšoareng, ke . . . Sontaha se fetileng ke le tšoareletse nako e telele ka temana eo ea bonngoe pakeng tsa Molimo le batho ba Hae. 'Me joale kajeno ke hopotse ho le lokolla pejana kajeno, hobane Sontaha se fetileng ho rapeletsoe ba bangata 'me ha kea fumana nako ea ho tšoara mola oa thapelo ka mora—ka mora hoba re qete ho rera. 'Me—'me ke kholoa ba ntšitse litlankana Sontaha se fetileng kapa ho hong bakeng sa batho, kapa e ka bang eng, re tla li bitsa haeba ba le ka mohahong, 'me, haeba ba le sieo, re tla rapela leha ho le joalo.

¹² Joale, kajeno ke batla ho bua ka temana e batlang e haha tumelo. U tlameha joalo. Haeba u haha letho . . . Haeba bareri ba le teng mona bao etsoe ntle le pelaelo ba teng, ba a tseba hore ha u bua le batho u fumana atemosefere ea ho rerela pholoso, ebe u batla ho etsa pitso eo ho bitsa seo. 'Me haeba u batla atemosefere ea pholiso, u—u fumana tlolo ka bo-uena, ka Lentsoe la Molimo, le ho e tlisetsa batho, 'me hoo ho kenya sehlopha sohle tlotsong bakeng sa ntho e itseng. Ka mantsoe a mang, tlasa litebello tsa lintho tse itseng. Ua bona, re shebeletse ho hong.

¹³ 'Me le a tseba, ke a lumela ke hona, ho e phahamisetsa holingoana, hore Molimo o beile Kereke ea Hae eohle joale, ba

bitsitsoeng, masalla a Kereke ea Hae, tlasa litebello tsa ho Tla ha Hae, le a bona. Ke sa hopola khorong ho tleng ha Hae, e tsoanetse ebe ebile Labohlano le Molemo le leholo mohla ba Mo tsebileng a tla tla moketeng, le litebello. Bongata ba bona bo ne bo Mo lebeletse ho fihla mono, ho bona mohlolo oa mofuta A tlang ho o etsa. Kapa, 'me ba bang ba ne ba batlile ho 'Mona. Ba bang ba batlile ho Mo soma. 'Me e batla e le e—e paseka e fapaneng le e kileng ea hlaha ka nako e telele, mohla A neng a kena motseng. Re mpe re Mo lebele feela hore O tla tla ho re isa Hae, 'me re tla . . . mohla A tlang nakong ena.

¹⁴ Joale ha re inamiseng lihlooho tsa rōna re sa bua le Eēna. Joale holima letšoele lena la batho, haeba kopo e le teng mona e ratang ho tsebjoa ke Molimo, na u ka Mo phahamisetsa letsoho la hau, 'me, joaloka, “Molimo, nkhouhele. Ke—ke hloka pholoso, ke hloka pholiso, ke batla ho tsamaea haufi le Uena.” Molimo a le hlohonolofatse. Ke hohle ka mohahong.

¹⁵ Ntata rona ea Maholimong, re sa atamela terone ea Hau ea mohau, ka Lebitso la Morena Jesu, Eo Ea re tliselitseng mohau o hlollang ona, re U leboha hakakang ka lipelo tsa rona tsohle ka Eo Ea neng a se na sebe 'me a theoha a re rekela poloko, ba se nang tokelo, hore rona ba se nang tokelo koana re tle re atametsoe ho Eena ka tšollo ea Mali a Hae, A tle a re hlatsoe ka metsi a Lentsoe le ho re hlahisa ho Ntate oa Hae re le moroetsana ea hloekileng, ho hlatsuo, ho halaletsoa ka Mali a Hae, le ho amoheloa mahlong a Molimo, ho hlatsuo le ho itokisa. Re sa hopotse hlatsuo ea Sehlabelo, ho nahana mohla Johanne a 'Monang a kena metsing, a bua a re, “Ke hloka ho kolobetsoa ke Uena, 'me U tlela'ng ho 'na?”

¹⁶ A re, “E lumelle, Johanne, ho ba joalo.” Oh, ke rata seo. Ka mantsoe a mang, “Johanne, u moprofeta, 'na Ke Molimo oa hau. Rona re banna ba eteletse pele ba letsatsi lena. Ke a tseba u a utloisisa, le 'na Ke a utloisisa. Empa, hopola, Johanne, re loketse joalo, re loketse ho phetha ho loketseng hohle.” Johanne, ka ho tseba Sehlabelo se tlameha ho hlatsuo pele Se nyeheloa, 'me E ne e le Sehlabelo, ka hona a Mo kolobetsa, Ea se nang sebe, ho hlatsoa Sehlabelo pele Se hlahisoa.

¹⁷ Molimo, hlatsoa lipelo tsa rona hoseng hona. Re hlatsoe ka metsi a Lentsoe, re tle re itlahise ho Uena. Re hloekise, Morena, ho se lumeleng hohle, re tle re huleloe haufi le Uena joaloka sehlabelo se phelang, se halalelang se amohelang ho Molimo, hobane ena ke tsebeletso ea rona e molemo. Re U leboha ka lintho tsena. Re U leboha ka motho e mong le e mong ea leng teng. Ho U rapela ho hlohonolofatsa Kereke e kholo ea Molimo o phelang e ka lefatšeng lohle, lichabeng tsohle le lefatše ho pota. Hoseng hona, moo bareri ba emeng sefaleng, ke U rapela ho tšela Moea oa Hau, Morena, ka tsela e mohlolo holim'a molisa e mong le e mong ea tšepehang temeng ea mosebetsi oa hae, holim'a baevangeli, holim'a baromuoa. Oho Molimo, ha ke nahana ka bona kantle

mono, ba bang ba sa roala para ea lieta, ba apere borikhoe ba khale bo shoabaneng, ba feta sekhoeng, ho tlisetsa ba leng hole le Kreste khotso le tokoloho.

¹⁸ Molimo, re re, “Romela Jesu kapele. Tloo, Morena Jesu.” ’Me joale re bona tlhaho, eona pontšo e kang naleli e isitseng banna ba bohlae Bethlehem, e boela e nka khato. Jesu o boletse ho tla hlaha nako e bohloko, khohlano pakeng tsa lichaba, lipontšo leholimōng le lefatšeng, leoatle le a rora, lifefo tse kholo le maqhubu a leoatle le lithothomelo tsa lefatše libakeng tse ngata. Lintho tsena li mpa feela . . . ke melumo e lemosang lipelō tsa rōna, Morena, re tle re tsebe ho itokisa. Ha re tsebe motsotso kapa hora eo A ka hlahang ka eona.

¹⁹ ’Me re sa tla kajeno, re U rapela ho hlohonolofatsa lekunutu ka mora letsoho le leng le le leng le phahameng. Molimo, U tseba tsohle ka eona. Ke U rapela ho ba hlatsoa, Morena, le sehlabelo sa bona le takatso, le ho ba abela seo ba se hlokanang. ’Me re sa tla kajeno, Morena, ke rapela ba sa U tsebang joaloka Mopholosi ha ba le teng mona, e tle e be letsatsi leo, letsatsi le leholohali leo la bophelo ba bona, mohla ba tla re “e” ho Morena Jesu. Aba sena, Morena.

²⁰ Hlohonolofatsa bao joale, Ntate, re sa leka ho itokisetsa ho hahela batho tumelo, ka ho bala Lentsoe la Hau. Molimo, romela Lentsoe la Hau ka matla, kantle ho haola le mohaho mona, le kantle linaheng tseo liteipi li tla ea teng, le linaheng lisele, e ka bang kae, ’me bongata bo bolokehe bo folisetsoe khanya ea Molimo kajeno. Re e kopa ka Lebitso la Mora oa Hae ea ratoang ea Halalelang, Morena Jesu Kreste. Amen.

²¹ Re rapela Molimo ho eketsa mahlohonolo a Hae a maholo joale re sa bala Lentsoe la Hae. Hopolang, mantsoe a ka a tla hloleha, ke lentsoe la motho, empa Lentsoe la Hae le ke ke la hloleha. “Maholimo le lefatše li tla feta empa Lentsoe la Ka le ke ke.” Ke tšepo e kakang eo kajeno! Eka nka bina le Eddie Perronet, “Bohle ba rorise matla a Lebitso la Jesu, mangeloi a ke a khumame; tlisang moqhaka oa borena, le Mo roese moqhaka e le Morena oa bohle. Holim’a Kreste, Lefika le tiileng, ke eme; litša tse ling tsohle ke lehlathathe le tebang, mobu o mong kaofela.”

²² Joale, ho bongata ba lona ba balang le rona ’me le rata ho tšoea mohlolithero, ’me ka linako tse ling ke lebisa ho Mangolo ao ke a ngotseng fatše mona lintlheng, re tla qala, ho bala hoseng hona ho Santa Mattheu 15:21.

Eaba Jesu o tloha teng, a ea naheng ea Tire oa Sidone.

’Me, bonang, mosali oa Mokbanana a tsoa naheng eo, a hooeletsa ho eena, a re, Nkhauhele, oho Morena, uena mora Davida; morali oa ka o hlasetsoe ke liabolosi hampe.

Empa a se ke a mo arabela letho. Barutuoa ba hae ba tla ba mo rapela, ba re, Mo tlose; hobane o a re llela.

Empa a araba a re, Ha ke a romeloa haese ho linku tse lahlehileng tsa ntlu ea Iseraele.

Eaba o a tla 'me a mo khumamela, a re, Morena, nthuse.

'Me a araba a re, Ha ho a tšoanela ho nka bohobe ba bana, le ho bo lahlella lintja.

'Me a re, Morena, 'Nete: empa lintja lija . . . makumane a oeleng tafoleng ea beng ba tsona.

Jesu a araba a re ho eena, Mosali, tumelo ea hau e kholo: u etsetsoe ka ho rata ha hau. 'Me morali oa hae a folisoa ho tloha horeng eo.

²³ Joale, hoseng hona re batla ho bua ka tumelo. Joale, sehlooho sa ka hoseng hona ke: *Mamello. Mamello* e bolela “ho—ho phehella, ho finyella pheo.” Joale, “Tumelo ke kholiso ea lintho tse lebeletsoeng, bopaki ba lintho tse sa bonoeng.”

²⁴ Re na le 'mele oa rona, 'me botho ba rona mona bo tšoana le peo. 'Me peo ka ntle e na le khaketla; ka hare ho khaketla ho na le lekhapetla, kapa nama ea tholoana, ntšoareleng; 'me ka hare ho nama ea tholoana ke kokoana-hloko. Ke kamoo re leng kateng: 'mele, soule, seperete. Joale, 'meleng ho na le likutlo tse hlano: bona, latsoa, ama, fofonela, le ho utloa. Ho soule ho na le letsoalo, le joalo-joalo, mechoporo e mehlano ho eona.

²⁵ Bokahare bo bong, mochoporo o mong. 'Me mochoporo oo eo ke moo Molimo o beileng motho ka mong ho qala ka Adama le Eva, boithatelo. U tla phela kapa u tla shoa, efe eo u e batlang. Ke hore, u theiloe holim'a boikhetlo bo lokolohileng, 'me moea ofe oo u o lumellang ho u busa o tla beha litholoana, bophelo ba hau bo tla busoa ke bokahare. 'Me tumelo . . . Batho ba bangata ba itšetleha ka lithokutlo tsena tse hlano tse kantle. Li itoketse, ha ho letho khahlano le tsona, ha li lumellana le kutlo ena ea botšelela. Soule ena . . . seperete sena se ka ba mefuta e 'meli feela, o mong ke Moea oa Molimo, o mong ke seperete sa liabolosi. U ke ke ua sebeletsa benghali ba babeli ka nako. U inehetse ho e mong ka botlalo kapa u inehetse ho e mong ka botlalo. 'Me ha Moea oa Molimo o ahile ka ho uena, u na le tumelo, 'me u tla lumela Lentsoe le leng le le leng leo Molimo o le ngotseng. 'Me haeba u se na eona, u ka ba . . .

²⁶ Joale, liabolosi ha a joalokaha batho ba bang ba nahana, “o sehloho le sohle,” empa o a thetsa. Liabolosi o etsa hore u nahane hoba u lokile. Empa ha u hanana le Lentsoe, hoo ho supa e se Moea oa Molimo, hobane Moea o Halalalang o ngotse Biblele. 'Me o tlameha ho lumellana le Lentsoe. 'Me le hopole Sontaha se fetileng, ho se lumele ho le hong feela Lentsoeng la Molimo. Eva, Satane o 'moleletse 'nete, 'me ha a ka a latola Lentsoe e

le 'nete, empa karoloana e le 'ngoe eo ea Lentsoe e hlahisitse bothata bona bohle. Mosali ha a Le lumela kahobane a ne a batla bohlale sebakeng sa ho tiisetša Lentsoe. Ha Molimo a bua taba, maholimo le lefatše li tla feta empa Lentsoe la Hae le ke ke la feta. Lentsoe la Molimo le tšoanela ho phethahatsoa ho fihla letereng. Ho fihla lethebeng le jota feela, Le tšoanela ho phethahatsoa.

²⁷ Joale, mamello, ho phehella, ho leka ho finyella pheo, ho leka joalo, u tsepamisitse kelello ea hau nthong e itseng, 'me u a—u a phehella hobane u lumela e le seo u se batlang, 'me u lumela hore u ka se fumana. Joale, [Moena Branham o hlakisa 'metso oa hae—Mohl.] (Ntšoareleng.) ho phehella, u ents'e qeto le monahano oa hau joale seo u tlang ho se etsa. Joale, u ke ke ua ba le tumelo ho Molimo u sa tsebe Lentsoe la Molimo kapa ho tseba ho hong ka Molimo.

²⁸ Joale, motho o u boleletse, “Ha u ka ama thupa eo, u tla fola. U a kula.” Nke ke ka lumela seo. U ka e etsa. Empa e batla e le matla haholo tumelong ea ka. Ha—ha ke lumele matla a le teng thupeng eo, ho feta kamoo ke lumelang hoba matla a teng ka hara seemahale kapa sefika kapa sefapanong, kapa ntho e kang eo.

²⁹ Ke lumela hoba matla a ka ho Krete, 'me Krete ke Lentsoe. “Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha har'a rōna.” Joale, Lentsoe ka Bolona le khutla ka sebopeho sa Moea o Halalelang, ka ho rōna, 'me Ke Lentsoe ka ho uena. Molimo ka ho uena. Ba bangata ba batla ho supa Molimo nthong e mohlolo e hole koana, kapa hole hoo ba tlolang holimo. Molimo o ka ho lona. Tšepo ea Khanya, Krete, mohopolo o neng o le ka ho Krete, ka ho lona. U nanabela hole le eona koana, u leka ho fumana seo u se filoeng. Molimo, ka hara motho! Tsohle . . .

³⁰ Krete, mehleng ea Hae lefatšeng, e ne e le 'mele oa Molimo. Molimo o bopile 'mele ona. E ne e le 'mele o fapaneng, koana e le 'mele oa motho. Le a tseba, Salomone o Mo hahetse ntlu. Empa Setefane a re, “Empa Ea Holimolimo ha a ahe matlung a entsoeng ka matsoho, empa U Ntokiselitse 'mele.” Joale, Molimo o Itokiselitse 'mele ka sebopeho sa Morena Jesu, e neng e le Krete, ho bolelang Motlotsuoa. 'Me, joale, sohle seo Molimo o nong o le sona, se ne se le ka ho Krete, E ne e le botlalo ba Bomolimo ka 'mele. Ke seo Lengolo le se bolelang. Joale, 'me sohle seo Molimo o nong o le sona, O se tšetse ka ho Krete. E ne e le Emmanuele, Molimo o na le rōna!

³¹ 'Me sohle seo Krete a neng a le sona, O se tšetse ka har'a Kereke. Ke eng? Motlotsuoa, ho ntšeletsa mosebetsi oa Hae hore Lentsoe la Hae le phele kamehla. O phetse ka Lentsoe la Ntate. “Motho a ke ke a phela ke bohobe feela, empa ka Lentsoe le

leng le le leng le tsoang molomong oa Molimo.” ’Me Kereke ha e phele ka bohobe feela, empa ka Lentsoe la Kreste. ’Me Moea o Halalalang o a kena o nka Lentsoe la Kreste le ho Le etsa khato e phelang kajeno. “Mehlolo e tla tsamaea le ba lumelang ke eona ena.”

³² Le a bona, Molimo o ke ke oa fetoha. Ha Molimo o etsa qeto le ka mohla, e tlameha ho itulela e le joalo. Haeba A fetoha, e tla ba Ke motho joaloka ’na, Ke—Ke motho feela ea ka etsang phoso. Empa Ke mohlokapholetso! Ka baka leo, ’me Ke mohlokapholetso ’me O—O matlaohle, ’me A ke ke a etsa phoso e ntoo ba Molimo. Ka hona qeto ea Hae e pele. . . Mohla motho a ne a etsa sebe O—O mo tsoaretse holim’a motheo oa ho lumela Lentsoe la Hae. Motho oa bobeli ea tlang, O tlameha ho itsoara ka ho tsoana ho seng joalo O sebelitse ka phoso mohla A neng a sebetsa khetlo la pele. Haeba motho a folile ka pholiso ea Khalalalelo, ka tumelo ho Molimo, O neile motho oa pele seo, ha monna ea latelang a etla, Molimo o loketse ho sebetsa ka mokhoa o tsoanang haeba e phethisoa holima motheo o tsoanang. Haeba A sa etse joalo, O ea ka tšobotsi ea motho le ho bontša leeme, e leng se neng se ke ke sa Mo etsa Molimo. Le a bona?

³³ U tlameha ho ba le tumelo ho seo u se etsang. “’Me ekare ha pelō ea hau e sa re ahlole.” Haeba re tseba Bible e re ruta ho hong ’me re hloloa ho etsa hoo, joale ho na le seo re ke keng ra ba le tumelo ho sona. Ua bona, u—ha u khone ho ikopana, hobane u tseba lintho tse itseng tseo Molimo o li rutang, tseo u ke keng oa khemisana le tsona. ’Me ha u etsa joalo, u hokae? U a bona, u—u ke ke ua ba le tumelo ho seo u se atamelang. U ke ke ua nyalohela mona ua re, “Ke—ke—ke, maobane bosiu ke ne ke tsoile ke tahilo, ’me, Morena, ke batla hore U mpholise hoseng hona. Ke—ke, ke tla—ha ke sa tla noa haholo ho feta moo.” U tlameha ho inehela, ho inehela Molimo ka botlalo. U tlameha ho mamela karoloana ka ’ngoe ea Lentsoe. Ithekise ka botlalo u ntano nka Lentsoe. Lentsoe leo le ka har’a kereke. Ke Lentsoe le phelang.

³⁴ Bible e itse, “Lentsoe ke peō eo mojali a tsoileng ho e jala.” Joale, u ke ke oa lebella ho jala hlabahlabane ’me oa fumana koro. Ha u jala koro, u kotula koro. Ha u jala hlabahlabane, u kotula hlabahlabane. Ka hona, u tlameha ho nka Lentsoe la Molimo.

³⁵ ’Me ha ho molumeli ea ka chechisetsang Lentsoe la Molimo kae-kae morao koana, le ka mohla o se Mo etse mofokoli kapa rahistori—rahistori Molimo. Ke Molimo oa histori, ehlile, empa “E sa le Eena,” Bible e boletse, Baheberu 13:8, “eena maobane, kajeno, le kamehla.” Ka baka leo, joalokaha A ne a le nalaneng, O joalo le kajeno. A ke ke a lahlehelo a ke matla a Hae. ’Me bofokoli ba eona bo oetse likerekeng tsa rōna, tšimolohong, kerekeng ea mesong ea boapostola. ’Me re entse’ng? Re qalile ho nka kereke eo ra pshatla botsoalle le ho etsa batho ka lihlopha tsa bora-seng le mekhatlo, ho fihlela re e theoletse tšenyehong e kholo ea

letho. Morao Lentsoeng! Morao ho Molimo! Morao Lentsoeng le phelang!

³⁶ Bibe le eo ha e sa hlahise sohle seo E bolelang E le sona, tšepisong ka 'ngoe, ha ke na tumelo ea letho ho Eona. Empa lona Lentsoe la pele le itseng, "Tloong ho 'Na lona bohle ba khathetseng ba imeloang," mohla ke ne ke e leka, e ne e le 'nete. Na ebe Lena ke Lentsoe kapa na ha Se Lentsoe? Haeba E le Lentsoe, Le tlameha ho hlahisa sohle seo Le se tšepisitseng. Haeba ho se joalo, e tla ba e. . . Ho lokileng le ho phoso ke hofe? Ke Lentsoe la Molimo lohle kapa, ho 'na, ha ho letho la lona. Ha ho letho kapa lohle, e 'ngoe. Ka hona ke a Le lumela, molao o mong le o mong, mola o ka mong, khutlo ka 'ngoe, tlhaku ka 'ngoe, tlami ka 'ngoe, Ke lumela ntho eohle e le Lentsoe la Molimo. Fanyeha moea oa ka holim'a Lona!

³⁷ E seng ho ama thupa, ho ama ntho e 'ngoe esele, kapa thupa ea totem, kapa monna ea itseng kapa mosali ea itseng; Ke lumela ho ama Molimo ka ho lumela Lentsoe la Oona, ka tumelo. Ha u etsa joalo, Lentsoe leo le fetoha bophelo ka ho uena, Lentsoe le melisitsoeng. 'Me Lentsoe le leng le le leng la Molimo le melisitsoe. Ntho feela, ha u nka koro e tlang seatla u e tšoare mona kalaneng, e ke ke ea etsa letho ka ho lula mona. E tlameha ho kena mobung. E seng mobu feela, empa mobu o lokileng ho e tšehetsa. Ha Lentsoe le lokileng le oela mobung o mobe, le tla hlahisa sejalo se sebe. U nka lithollo tse ntle u li sunye mobung o motle, malulong a nepahetseng li tla beha halekholo. Lentsoe la Molimo le joalo ha Le kenngoa pelōng ea motho, ka tumelo, tumelo e sa shoeng ho Morena Jesu Kreste, ka Moea o Halalelang le matla a Molimo mono ho Le nosetsa, Le tla melisoa 'me le hlahise sohle seo Le boletseng Le tla se etsa. Ke Lentsoe. Ke—ke Lentsoe la Molimo.

³⁸ Jesu o itse, Johanne 14:12, "Ea lumelang ho 'Na, mesebetsi eo Ke e etsang o tla e etsa le eena." Khele, ruri! Ke lumela seo. "Mesebetsi ena eo Ke e etsang," phetolelo e nepahetseng ea eona, "le tla etsa le e mengata ho ena." E re, "Le tla etsa tse fetisang ena ka boholo." U ke ke ua etsa tse kholoanyane; O emisitse tlhaho, O tsositse bafu, O entse tsohle. Empa, ka mantsoe a mang, Molimo o bonahalitsoe ka ho Monna a le mong, Kreste, joale O bonahatsoa ka lefatšeng lohle ka Kerekeng ea Hae. "E mengata ho ena," mesebetsi e tšoanang.

³⁹ Motho o mpoleletse nakoana e fetileng, a batla a nyatsa, ho re, "Mesebetsi e mehola,' O boletse, 'le tla e etsa.' Re etsa mesebetsi e mehola."

⁴⁰ Ka re, "Etsang e menyenyane pele le etsa e mehola. Mpontšeng feela mesebetsi e menyenyane." U ka Le etsa, oa Le sotha 'me oa leka ho Le buisa ntho e 'ngoe, empa leha ho le joalo Le lula le tšoana. 'Me u shebe mang ea nang le tumelo e lekaneng ho lumela seo, Le tla Iponahatsa kamoo Molimo o e entseng. Joale

kajeno re fumana lintho tse ngata tlasa maikutlo, le joalo-joalo, hoo, le lintho, Ha ke bue letho khahlano le eona, e lipakeng tsa motho le Molimo.

⁴¹ Empa, ho 'na, lentsoe le leng le le leng, khato e 'ngoe le e 'ngoe e tlameha ho tsoa Bibeleng ena. E tlameha ho ba Lentsoe la Molimo, ke tla tseba hobane ke 'nete. Haeba Molimo, Bibehe, e e tšehetsa 'me e re ke 'nete, ka tšepiso, e tla ba ke 'Nete. Ke motho ea fumaneng tumelo, ea emang mono Lentsoeng leo 'me a Le phelisa hape. “Jesu Kreste eena maobane, kajeno, le kamehla.” Ha re bona hoo tšepisong ea Molimo, ke moo re ka bang le mamello. Re ka lumela ruri, ra lula mono hobane ke tšepiso ea Molimo. Lula le eona ho sa tsotelehe e nka nako e kae, e tla e hlalisa.

⁴² Le a tseba, O kile a bua ka peō ea mosetareta, kapa tumelo e kang peō ea mosetareta, e nyenyane ka ho fetisisa. Peo ea mosetareta e hara lipeo tse nyenyane ka ho fetisisa tse lefatšeng kajeno. Empa ke eng? E ke ke ea tsoakana le letho. Peō ea mosetareta e ke ke ea tsoakana le letho lesele. U ka nka kale le spinach, oa etsa rapa le joalo-joalo, 'me u ka hlalisa lintho tse fapaneng ka ho tsoaka lipeō. Empa mosetareta ha o tsoakane, ha ba mpoella ho thoe u ke ke oa o tsoakanya le letho. Ke mosetareta, 'me o lula e le mosetareta.

⁴³ 'Me ha motho a nka Lentsoe la Molimo, ho sa tsotelehe kamoo tumelo eo e leng nyenyane kateng, empa ha e sa tsoakane le ho se lumele hofe, e tla mo ntša ho mo isa Leseling. Ba bang ba rona ba na le tumelo e kholo e tla etsa mehlolo feela. Ba bang ba na le tumelo ea ho tiisetša ho fihlela e etsahala. Empa haeba e le tumelo ea makhonthe, hang ha e itšoarella, ha ho letho le tla u sisinya ho eona. E ke ke ea tsoakana. Ebe moo motho eo a phehlang. O na le mamello. Ho sa tsotelehe batho ba bakae ba reng, “Matsatsi a mehlolo a fetile,” ha a e lumele. O a itšoarella hoba a phethile litlhoko 'me a tebisitse Lentsoe leo pelong ea tumelo e Le lumelang. O lula mono.

⁴⁴ Ke a e tseba. Ke bone mofetše oa sarcomas o tloha bathong, le litholo, limumu, le lifofu, ka bokahohle, lefatše ho pota, bafu ba tsositsoe, 'me ke a tseba hore ke 'nete. Hantle! Ho sebetsa holim'a pono, ehlile, joale u a tseba ke hona. Ebe u tseba seo thato ea Molimo e leng sona. U ka se sebetse ho fihlela u tseba thato ea Molimo. Tšepiso e ka Bibeleng e u bolellang ntho e itseng, eo e leng Lentsoe la Molimo. Ebe moo A khutlisetsang Moea oa Hae kerekeng ka lineo, ho Iponahatsa ho phophotha liphapang tse nyenyane le lintho tse joalo, ho Iketsa 'nete hara rōna. Oh, eng, re ka kōpa ntho e fapaneng joang, lea bona? athe O tla ho rōna a Itsebisa hakana, O ikentse motho hakana, Molimo hara batho ba Hae.

⁴⁵ “Ho se ho se hokae 'me lefatše,” lefatše, lentsoe la Segerike le teng, *kosmos*, le bolelang “tsamaiso ea lefatše.” E tla teba.

Tsamaiso ka 'ngoe ea lefatše e tlameha ho teba, sechaba ka seng se laoloang ke Satane. Esale ho le joalo 'me ho tla ba joalo kamehla, kante ho Iseraele, mohla ba fetohang sechaba. Satane a nyollela Jesu thabeng, ho re, ho Mo bontša mebuso ea lefatše, tshole tse neng li le teng le tse tlang ho tla, ho re, “Ke tla—ke tla U fa tsona ha U ka itihela fatše oa nkhumamela.”

46 A re, “Tloha mona, Satane.” O tsebile E tla ba mojalefa oa eona Lilemong tse Sekete. Empa e mong le e mong. . . Nkile ka ema moo bo-Faro ba kileng ba busa lefatše, le tsejoang, 'me u tlameha ho cheka maoto a mashome a mabeli tlas'a lefatše ho fumana mebuso ea bona, litulo tsa bona tseo ba kileng ba li lula, boSesare ba Roma le—le boFaro ba Egepeta, lintho tsena tshole. 'Me ha lefatše le ka ema, le litemokrasi tsena li tla ema joalo. Empa ho na le. . . tshole li bua ka'ng? Ntho e ka pelong ea motho e lekang ho fumana bonngoe boo.

47 'Me ha u ka lelala feela, bonngoe bo tsoa ho Molimo, matla a Molimo. Ha molumeli, popo e bopiloeng ke Molimo mona lefatšeng, e kōpana le Molimo, ke moo ho fihlang kopano le ho nehela tumelo. 'Me motho ha a bona seo, o a phehella, ha ho motho ea tla mo sisinya.

48 Jesu o boletse mono, “Mesebetsi eo Ke e etsang le tla e etsa le lona. Ho se ho se hokae 'me lefatše, *kosmos*, ha le sa tla Mpona.” Ke tsamaiso ea lefatše eo, “Ha ba sa tla Mpona.”

49 Litho tse ngata tsa kereke, batho ba khabane ba eang kerekeng, ba phela tlasa mohopolo oo oa hore ba itoketse. Khele, ha u a loka joaloka setho sa kereke. U moahi. U ka leka ho etsa hantle, empa, motsoalle, e re ke u bolelle, u tšoanela ho tsoaloe labobeli. Ha u kene Kerekeng, ha u kene Kerekeng ka ho tsukutla matsoho, ha u kene Kerekeng ka lengolo la botho ba kereke. U kena Kerekeng ka tsoalo.

50 Ke qetile lilemo tse mashome a mahlano a metso e 'meli lalapeng la Branham, ha ba eso nkope ho ingolisa lalapeng ho fetola lebitso la ka Branham. Ke tsoaletsoe lalapeng la ma-Branham. Ke Branham ka tsoalo.

51 'Me u Mokreste joalo, ka tsoalo, ha u tsoetsoe ke Moea oa Molimo. Ho phehella! E, ke ha u ka fihlela ntho e itseng. Batho bohle ho theoha le mengoaha esale ba khona ho sibolla eng. . . Ba phehella haeba ba—haeba ba na le tumelo ho seo ba lekang ho se finyella. E maloka le seo phihlello ea hau e leng sona. E maloka le seo u lekang ho se etsa, hore u a phehella kapa che, u na le tumelo e kae ho seo u se etsang. Re tšoanela ho ba le tumelo ho Molimo. Re tšoanela ho lumela Molimo.

52 Ke ngotse Mangolo a mangata mona ao ke batlang ho lebisa ho ona. Joale, ha motho a leka ho phehella, 'me o—o tlameha ho fumana ntho e tla mo fa tumelo ho seo a se etsang. Joale re a hopola, le ho qaleng, Bibe e re bolella hoba Jesu Krete esale eena maobane, kajeno, le kamehla. Joale, hopolang seo. Molimo,

mohla Kreste a neng a le lefatšeng, O itse, “Mesebetsi eo Ke e etsang le tla e etsa le lona.” Mareka 16, e itse, “E-eang ka lefatše lohle.” Puo ea ho qetela eo Jesu a e fileng kereke. Mamelang.

⁵³ Thomo ea pele eo A e fileng Kereke ea Hae, ebile, ho kena metseng pele A fihla, Mattheu 10, le ho “folisa bakuli, ho hloekisa balepera, ho tsosa bafu, ho leleka matemona, ’me le fuoe lefeela, le nehele lefeela.” E ne e le thomo ea Hae ea pele ho Kereke.

⁵⁴ Thomo ea ho qetela, kapa mantsoe a ho qetela a tsoileng melomong ea Hae mohla A nyolohang, ho fihlela A khutla hape ka mohoo, Lentsoe la Arekangeloi, O itse, “E-eang ka lefatše lohle, le bolelle ’mopuo e mong le e mong Evangeli. Ea lumelang a kolobetsoa o tla bolokeha. Ea sa lumeleng o tla tsuo, ’me . . .” ’Me ke lekopanyi, le tlamang polelo ea hau ’moho. “Me mehlolo e tla tsamaea le ba lumelang ke eona ena. Ka Lebitso la Ka ba tla leleka batemona, ba bue lipuo tse ncha. Ha ba tsoara linoha kapa ba noa lintho tse bolaeang, li ke ke tsa ba etsa hampe. Ha ba bea matsoho holima ba kulang, ba tla fola.” Bibe e itse, “Ba khutlile ba nyakaletse, Morena a sebetsa le bona, a tiisa Lentsoe ka lipontšo tse latelang.” Ua bona? Ba ne ba e-na le . . . Ba ile ba phehella ho eona hoba ba bile le ntho eo ba neng ba lokela ho e finyella. Ba ne ba tsoere thomo e otlohohileng. Thomo eo e tsamaile bohole bo bokae? Lefatšeng lohle, ho ’mopuo e mong le e mong. Meloko e mekae? Moloko o mong le o mong, ’mopuo e mong le e mong.

⁵⁵ Petrose o itse, ka Letsatsi la Pentekosta, “Bakang, e mong le e mong oa lona. Le kolobetsoe ka Lebitso la Jesu Kreste tsoarelong ea libe ’me le tla amohela neo ea Moea o Halalelang. Hobane pallo ena e etselitsoe lona le bana ba lona le ba leng hole kaofela, bao Morena Molimo oa rona a tla ba bitsa.” O ka bea joang Moea o Halalelang le matla a Kreste morao koana nthong e itseng (mohlomong pele ho histori) motšeo koana molokong o itseng morao mono? Molimo o ba tsebile ba tla rialo. Ke ka baka leo A itseng, “Nke ke ka le tlohela la ba likhutsana. Ke tla rapela Ntate ho le romella Moemeli e mong, Moea o Halalelang. Ho se ho se hokae ’me lefatše ha le sa tla Mpona, empa lona le tla Mpona hoba Ke . . .” ’Me Ke ke leemeli la motho. “Ke tla ba le lona, le ka ho lona, ho isa pheletsong.” Amen. Jesu Kreste eena maobane, kajeno, le kamehla. Molimo o phelang ka hara Kereke ea Hae, ka hara batho ba Hae.

⁵⁶ “Mokhatlo ofe oa bolumeli, Moena Branham?” Ha A ikamanye le mokhatlo oa bolumeli. Molimo o sebetsana le batho ka bomong. Monna e mong le e mong, mosali e mong le e mong, moshanyana kapa ngoanana ea tlang ho lumela ho Eëna. Ho sa tsotelehe ke setho sa mokhatlo ofe oa bolumeli, O tsoma lipelō tse lapileng.

⁵⁷ Joale, ho phehella, ho leka ho finyella ho hong. Esale ho le joalo batho bohle mengoaheng eohle. Joale re nka, ho tea

mohlala, Nohe. Nohe o ile a phehella haholo hoba a fumane thato ea Molimo.

⁵⁸ U tlameha ho fumana thato ea Molimo pele. Joale, u tlameha ho fumana thato ea Molimo hoseng hona, ha u tla rapelloa, u tlameha ho fumana thato ea Molimo, hore ke thato ea Molimo ho u folisa kapa che. 'Me ntho e latelang eo u tlamehang ho e etsa, haeba u tlela pholoso, u tlameha ho fumana haeba e le thato ea Molimo ho u pholosa kapa che. Ntho ea pele eo u tlamehang ho e fumana, thato ea Molimo ke efe. 'Me hape, haeba u hlile u amohetse peō pelōng ea hau, ke moo u ka phehellang. Ha ho letho le tla u sisinya. Ho sa tsotelehe bohlae ba motho bo lekang ho re, "Ha ho joalo, 'me ha se *sena* le se *seng*," ha e u sisinye le ka jota e le 'ngoe, hobane u tseba seo thato ea Molimo e leng sona. O e buile pelōng ea hau, tumelo ea hau e lutse mono 'me e tla tiisetse ho sa tsotelehe haeba ho se letho haese thollo ea peo ea mosetareta. E tla u ntša hantle ho ea e—e tulong eo. Thato ea Molimo. Ee.

⁵⁹ Nohe, hoba a utloe Lentsoe la Molimo le 'molella hore ho tla fihla moroallo, tloo, ntšoarele, o neng o tla timetsa lefatše, tlhaho e ne e tla khaoha. Na Jesu ha a re, "Joaloka matsatsing a Nohe, ho tla ba joalo ho tlang ha Mora motho"? Tlhaho e ne e tla hlafahala, 'me re a e bona kajeno.

⁶⁰ Ke batla ho khafutsa mona motsotso. Ha ke kena Bombay, moo re . . . Morena a re fa letsoele le leholohali leo re kileng ra le fumana, likete tse makholo a mahlano ka nako e le 'ngoe, ho rera. Ke ne ke bala seratsoana pampiring, ho itsoe, "Eona, be, thothomelo ea lefatše e tsoanetse e be e fetile." Ho re, "Matsatsi a 'maloa pele ho tšisinyeho ea lefatše, tsohle . . ." Koana India ba futsanehile, ba futsanehile haholo. Ba haha marako a bona ka mafika, le joalo-joalo. 'Me linonyana tsa fofa li tsoa mafikeng li tsoa lihlaheng tsa tsona tsa tsoela naheng tsa lula lifateng. Likhomo tse neng li eme pel'a marako le litora, tsa tsoela naheng letsatsing le chesang, li sa eme moriting. Tsa ema letsatsing kantle mono. Ba sa tsebe seo ntho e makatsang ena e neng e le sona. Joale, hang-hang, tšisinyeho ea lefatše ea heletsa marako, litora tsa heleha. Hola linonyana tseo tsa lula ka mono, li ka be li shoele. Hola likhomo tsa ema tlasa hoo, li ka be li shoele.

⁶¹ Na ha le bone oona Molimo o lemositseng linonyana le liphoofolo matsatsing a Nohe? 'Me hobaneng le batla ho e bitsa bolepi, kapa sohle seo le batlang ho se bua, kamoo Molimo o sebelitseng le linonyana tsena? A li fa tlhaho ea ho fofa ho tsoa lerakong leo le ho sutha nthong eo pele e otl'a. Le nahana Molimo o tsotella serobe le ho se ntša lerakong, le fetisa serobe le hakakang? O tseba ho hlokomela ba Hae ka Sebele.

⁶² Khaitseli ea robetseng mona moalong ona, seterechara, haeba A fepile serobe le a apesa tšimo ka joang, O nahana'ng hakakang ka uena! Lona le fetisa serobe le hakakang? Eba le

tumelo ho Molimo ho sa tsotelehe maikutlo kapa ntho efe esele. Ke Lentsoe la Molimo. U Le tšoare 'me u itšoarelle ka Lona. Hantle! 'Me u phehelle, ho Le lumela, ho itšoarella Lentsoeng la Hae.

⁶³ Hoba thothomelo ea lefatše e fete, linonyana tsa fofa tsa khutla, tsa fofela libakeng tsa tsona 'me tsa etsa mafika a tsona li tle li itšoarelle, kapa litulo mafikeng hape, 'me tsa haha sehlahla sa tsona; likhomo.

⁶⁴ Oona Molimo o nong o le matsatsing a Nohe. Nohe! Be, le nahana mahlale a ka be a itse ho eena . . . Ba ne ba ruile mahlale a maholo ho feta joale. Ba khonne ho sibolla litšibollo tse kholo ho feta tseo ba ka li etsang joale. Ba—ba ne ba ritela ferefe e etsang hore lintho li shebehe li phethahetse ho fihlela tsatsi lena. Ba e-na le mokelikeli o tlotsang setopo oo ba neng ba noka litopo. Re ka sitoa kajeno, ha ke bolelloa. Hape ntho e 'ngoe, ba hahile piramite. Ke mang ea ka hahang piramite kajeno? Majoe a maholo ao a eme mono le ho sheba holimo mono le ho bona sefinksi, 'me, khele, ho ka qosa makoloi a laishang a mangata ho beha leoto le le leng mono. Ba nyolotse lipitla tseo joang mono? Ba e entse hokae? Matla a peterole a ke ke a etsa joalo. Ha re na ho letho, haese matla a athomiki, 'me ekaba eona ntho e timelitseng tsoelopele ea pele ho moroallo e fapotseng lefatše ho le lahlela hole le letsatsi, ea le sutumeletsa morao 'me la hlahisa pula.

⁶⁵ Haeba Molimo a boletse pula e tla na, pula e tla bana ho sa tsotelehe hore e kile ea ba teng kapa che. Ho sa tsotelehe bopaki ba mahlale bo bongata ho Nohe, Nohe o utloile Puo ea Molimo, ho re, “Pula e tla na.” 'Me pula e ne eso ne lefatšeng. Le a bona?

⁶⁶ Joaloka ha A nyolletse Abrahamama hlorong ea thaba, 'me teng a 'molella ho nyehela mora oa hae ka sebele. 'Me mohla Abrahamama a neng a hlophisa Isaaka, 'me Isaaka e monyenyanane a botsa lipotso. Ke papiso ea Molimo le Mora oa Hae. A mo tlamella matsoho ka morao. A re, “Mollo ke ona, le patsi ke ena, le lintho tse joalo, majoe ke ana, aletare ke ena, empa sehlabelo se kae?”

⁶⁷ 'Me ntate eo oa leqheku, joale a ka ba lilemo tse lekholo le leshome le metso e mene, ka mora esale a mo emetse lilemo tse mashome a mabeli a metso e mehlano, hara mathata le lintho tse joalo, le kamoo a ileng a itšoarella Lentsoeng leo le sa shoeng la Molimo, le neng le lenngoe pelong ea hae, o ne a tla fumana leseba leha ho le joalo. E ne e le eng? Ho phehella. A re, “Ke mo tšoere ho fihlela mona. Kea tseba haeba Molimo a 'neile eena ka ho lumela ho Eèna, O tla mo tsosa bafung.” Ke moo. Ho phehella, ho tšoara Lentsoe leo la Molimo pele.

⁶⁸ 'Me, hoo, eitseha a itokisetsa ho tlosa bophelo ba hae, Lengeloi la tšoara letsoho la hae la khutlisa thipa. 'Me pheleu e ne e tšoasitsoe ka linaka tsa eona, nahathote ka mora hae. Pheleu eo e hlahile kae? A le leetong la matsatsi a mararo, 'me monna ofe letsatsing leo a ka tsamaea limaele tse mashome a mabeli

a metso e mehlano habonolo. Ke tsamaea mashome a mabeli a metso e mehlano le mashome a mararo nako le nako ha ke tsoma kapa ke hlahloba, kapa ntho efe, ke tsamaea habonolo. 'Me re na le ho bitsoang maoto a mafura. Monna eo o tsamaile leeto la matsatsi a mararo, 'me a ntoo sheba hole 'me a bona thaba. Khele, liphoofole tse hlaha li ka be li bolaile pheleu eo. 'Me ntho e 'ngoe, o ne a le qhoeng ea thaba moo metsi a leng sieo kapa letho. Ha ho makatse a bitsitse tulo eo *Jehova-jire*, "Morena o tla Itlhahisetsa sehlabelo."

⁶⁹ "A ka etsa lintho tsena joang, Moena Branham, matsatsing a mahlale, matsatsing a lefatše le leholo la mahlale? A ka etsa sena joang? U nahana O tla e khona joang le ka mohla?" E sa ntse e le Jehova-jire, Morena. Re boloka Lentsoe la Hae 'me O khona ho phethisa seo A se buileng. Amen. A ka nka kereke e shoeleng, e batang e fofo, A ka ntša setho kerekeng eo a kenya Bophelo ba Molimo ka ho mothaka eo, a mo hotetsa ka Evangeli. A ka tlosa seotsoa seterateng, A ka nka letaoa ho tsoa diforong koana, a ba fetola monna le mofumahali, hobane Ke Jehova-jire, "Morena o tla Itlhahisetsa sehlabelo." Amen.

⁷⁰ Re theolela Molimo fatše hakaakang motheong oa rōna! Re nahana ka motheo oa rona. Re lumela motheong oa rona. Lokollang ntho eo. Ke sona se kentseng Eva mathateng, o ne a nahanne ka motheo oa hae. Nahana ka motheo oa Molimo, seo Lentsoe la Hae le se buang. Iphahamisetse ka holimo ho moo, ka tumelo, ho lumela Lentsoe la Hae.

⁷¹ Nohe o itse, "Ha ke tsotelle mahlale a ka kholisa metsi a le sieo holimō mane, Molimo o khona ho tšela metsi holimō mane. O tla e etsa hobane A e tšepisitse. Haeba A e tšepisitse, O tla e etsa."

⁷² 'Me eèna—eèna, o entse'ng? O ne a sa tsamaee feela a re, "Be, O mpoleletse joalo. E, ke—ke lumela e tla etsahala." O entse ho hong ka eona. Oh, moena, khaitseli, na le bona seo ke se bolelang? Ha a ka a lula mono feela 'me a re, "Molimo o itsalo," a etsa ho hong ka eona. Ha u batla ho pholoso hoseng hona, Molimo o tšepisitse pholoso. Etsa ho hong ka eona, se lule mono feela. U se ke ua ingolisa kerekeng e 'ngoe oa tlosa lengolo la hau kerekeng ho ea kerekeng. O tšepisitse pholoso, tokoloho.

⁷³ Haeba u kua, "Ke hobane'ng ha u lutse mono?" Joaloka ha molepera a boletse tsatsing leo mohla motse o ne o thibeletsoe, "Hobaneng re lula mona ho fihlela re shoa?" Mohla Samaria e ne e thibeletsoe ke Basiria, ba itse, "Ha re lula mona ho fihlela re eshoa, re tla—re tla lula mona kamehla. Re tla shoela hantle mona. Ha re kena motseng, ba bolaoa ke tlala ka mono. Ha re theoheleng setšeng sa sera." Oh, khili, mofutsana hakakang. . . Ke tumelo e nyenyane hakakang eo ba ka bang le eona. Nthoana e kakang. . . Ba ea lihahelong tsa sera se neng se leka ho ba bolaea. Empa ho re, "Ha re ka shoa, re tla shoa leha ho le joalo. Ka hona

haeba re pholosa . . . re tla pholosa bophelo ba rōna, khele, re tla etsa hantle.” ’Me ba theohela mono, ’me Molimo oa hlompaha thojana eo ea tumelo e tetemang. ’Me ha ba lokolloa feela, empa ho lokolotsoe le Iseraele.

⁷⁴ Seo re se hlokang kajeno ke banna le basali ba tla nka Molimo Lentsoeng la Oona ’me ba phehelle ka Lona. Molimo o tla lihela lithothomelo tsa lefatše le litšisinyeho ho theohela lihahelong pele. Molimo o tla hlokomela le haeba pula e tla na holimo mono kapa che.

⁷⁵ Ho re, “Be, Moena Branham, ngaka e mpoletse ke a shoa. Ke tšoeroe ke mofetše.” Ho ka ba joalo. Monna eo o u bolella sohle seo a se tsebang. Empa, ntho feela eo a ka e etsang, o na le likutlo tse hlano ho sebetsa ka tsona, a ka sebelisa tse peli tsa tsona. Ke eng? Thusakutlo e ’ngoe ke maikutlo, nqalo e latelang ke—ke pono. Ho bona le ho phopholetsa, a ka phopholetsa ho hong, kapa ho bona ho hong ka ekeserei. Ke phetho seo motho a tlamehang ho sebetsa ka sona. Ke phetho seo a se tsebang, empa o etsa ka bokhoni ba hae bo khabane. Empa le se shebe seo, o fihlile pheletsong ea hae. Shebang holimo mona hore Sena se tšepisitseng eng! Ho re, “E ka etsoa joang?” Molimo o itsalo. Ke phetho ha Molimo o e buile. Ke phetho, e batalalitsoe ka Bosafeleng Leholimong, Lentsoe la Hae le joalo. ’Me Mantsoe a Hae a ne a etsoe nama, ’me Ke nama kajeno ka ho uena, ha u ka Le lumella ho etsoa nama. “Ha le lula ho ’Na le Mantsoe a Ka ho lona, kopang seo le se batlang ’me se tla etsoa,” Santa Johanne 15. Ua bona, re batla feela ho lumella Mantsoe ao ho lula ka mona. Le e lumele, ke ’nete. Ke peō, ’me e tla—e tla phethisa sohle seo A se tšepisitseng.

⁷⁶ Joale, lemohang, boramahlale ba ka be ba tsoile mono, sehlopha sa boramahlale, ba re, “Mongh. Nohe, u moreri ea khabane. Re—re a u ananela. U na le phutheho e ntle mona, lelapa la hau, empa, leha ho le joalo, haeba u . . . ha re lumellane le uena, ’me rea tseba hore u—u fapane. Ke uena—u mpa u jala bohlanga hara batho, ’me u bile u tšosa batho ba bang, u ba bolella hore lefatše le tla fihla pheletsong. Re batla ho u bontša le ho u kholisa ka mahlale a saense.”

⁷⁷ Oh, liabolosi eo ha a eso shoe. O—o sa ntse a leka ho etsa hoo. Eena ea itseng, “Ha U le Mora Molimo, e re ke bone mohlolo. Etsa mohlolo ’me u fetole bohobe bona, sena. U lapile, fetola majoe ana bohobe, ke tla U lumela.” Eena liabolosi ea ka hara baprista bao ba rutehileng, o itse, “Ha U le Mora Molimo, theoha sefapanong ’me u re pakele eona.” Le a bona? Liabolosi eo ha a etse joalo, o mpa a sa shoe feela. Le a bona, liabolosi kamehla o nka monna oa hae empa moea oa hae o salla e mong mona. Empa e reng ke le bolelle khotatso: Molimo o nka motho oa Hae empa Moea oa Hae o salla e mong mona, hape. Ee. Motho e mong o tla amohela Lentsoe leo. Motho e mong o tla tlotsoa ka tsela e ’ngoe kapa eane. E itšetlehile ka seo uena, moea o leng kahare ho thollo

ena. Ke eona eo, u tlil'o E lumela kapa ho se E lumele. Hoo, be, ha u joalo. . .

⁷⁸ Motho o mpoletse nakoana e fetileng, moreri. U ka hlolloa. 'Me ke ne ke le ofising ea ngaka mohla a e buang. 'Me ke le bolella 'nete, ke fumane lingaka tse ngata tse lumelang pholiso ea Khalalelo ho feta bareri. Ke hantle. E, monghali. Ke bile tlas'a . . . Ke ile ka hlongoa lipotso, le a tseba, mono, ka baka la makasine oa *Look*, kapa e seng *Look*, empa . . . Makasine oo o ngotseng hoo "Mohlolo oa Donny . . .?" *Reader's Digest*. Yaa. 'Me mohla ba ne ba mpotsisa mono ha Mayo Brothers, le tseba seo ba se buileng? "Ha re ipolele re le bafolisi, re mpa re ipolele re thusa tlhaho feela. Mofolisi o mong feela, ke Molimo." Oh, khili! Ke moo. Ke monna ea ka nahanang. Motho ea ka shebang koana le lekola ntho eohle. Re batho. Re tlas'a lefu, liphoso le ntho eohle. Eena Ke Molimo, mohlokaphetso.

⁷⁹ Re tsoanela ho e lumela. Ha nka e hlalosa, ha e sa hlola e le tumelo. Ha ke khone ho hlalosa horeng khomo e ntšo ho e ja joang bo botala e ntša lebeso le lesoeu, empa e a e etsa. Ke hantle. Le uena u ke ke ua e hlalosa. Che, monghali. Ha ke khone ho hlalosa kamoo Molimo o etsang lintho tsena, empa O itse O tla e etsa. Nke ke ka e tseba le ka mohla, u ke ke ua e tseba le ka mohla, empa rea e lumela. Le bolokehile ka tumelo. Le folisitsoe ka tumelo. Ntho e 'ngoe le e 'ngoe e tlang, le eona, ho tsoa ho Molimo, e loketse ho tla ka tumelo.

⁸⁰ Nakoana e fetileng, ha ke eme khasong, mothaka o ne a soma kopano, a sa ntsebe na ke mang. A re, "Ha ke lumele Hoo." Ho re, "E ke ke ea etsoa. Nke ke ka E lumela joalo feela." A re, "Ke tlameha ho . . . E tlameha ho kholisoa ho 'na ka mahlale."

⁸¹ Ka re, "U ke ke ua ba Mokreste le ka mohla. U ke ke ua khona le ka mohla."

A re, "Oh, ke Mokreste."

⁸² Ka re, "U ke ke ua khona. U ke ke oa khona." Ka re, "Nkholisetse moo Krete a leng teng ka mahlale." Ka re, "Na u monna ea nyetseng?"

A re, "E."

Ka re, "Na u rata mohatsao?"

A re, "E."

Ka re, "Mpakele seo lerato le leng sona ka mahlale." Eena, ka re. . .

"Be," a re, "nke ke ka etsa joalo."

⁸³ Ka re, "Etlaba ha u na seo ke se bitsang lerato. U a bona? Joale, u mpa feela . . . uena, ke boipeho-tumelo kelellong ea hau. Ua bona? Haeba u sa khone ho e kholisa ka mahlale a saense. Mpoelle eng. . . Thehela koano u nthekele lerato la boleng ba kotara. Nthekele tumelo ea boleng ba daeme. U ke ke ua khona."

84 'Me lihlomo tsohle tsa Molimo ke tumelo, lerato, thabo, khotso, mamello, molemo, bonolo, mosa, tiisetso. Lihlomo tsohle tsa molumeli ke tumelo. Re lumela Molimo ka tumelo, hobane, Molimo o itsalo. Ka hona ke eng? Abrahamama o belioe ea lokileng, ke Pauluse, ka tumelo; empa, ka Jakobo, ka mesebetsi. Abrahamama o ne a bua ka seo Molimo a se boneng, 'me Jakobo o ne a bua ka seo motho a se boneng. "Mpontše tumelo ea hau ka mesebetsi ea hau," "kantle ho mesebetsi ea hau," le joalo-joalo. Ua bona? Haeba u se na mesebetsi ka tumelo ea hau, e u supa u se na tumelo, u mpa u bua ho tsoa molomong oa hau. Empa ha u hlile u ena le tumelo, u a e lumela 'me u itšoara joalo. Ke hantle, e nke khato!

85 Nohe o entse joalo, a e kenya khatong. A tsoelapele ho haha areka. Ho sa tsoetelehe seo mahlale afe a se buileng, "Joale, sheba mona, re tla u pakela ka mahlale hoba ha ho pula holimō mane."

86 "Ha ke tsotelle hore u ka mpakela hakae, hore u ka bua joalo hakae ka lipatlisiso tsa mahlale, kapa seo u batlang ho se bitsa eona, Molimo o mpoleletse 'Pula e a tla, 'me ke lumela Molimo." Ke eona. "Pula e tla na."

87 "E tsoa hokae? Mongh. Nohe, ke rata ho u botsa, mong'aka, moruti, na ebe pula eo e tsoa kae? E hokae?"

88 "Be, Molimo o khona ho e beha holimō mane haeba A mpoleletse e tla ba teng." Hantle!

89 'Me kajeno ba re ntho ena e ke ke ea etsoa. Ba bona temoho ea moea kopanong. Ba re, "E tlamehile e be e le ho bala mohopolo." Ho bala mohopolo, ho bala mohopolo? Temoho ea moea, ea lipono tsa Morena! Ke ho balamohopolo hofe hoo bapofeta ba neng ba ho tsoere? Jesu o ne a tsoere eng mohla A emeng mono tsatsing leo?

90 'Me Filipi ke enoa a nyoloha, 'me a pholoso a tloha a ea lata Nathanaele, a mo tliša pel'a Jesu, 'me Nathanaele a re, "Ah, joale ha ho letho le molemo le tsoang—le tsoang Nazarethā."

91 Eitse ha a fihla moo Jesu a leng teng, Jesu a mo sheba a re, "U—u Moiserāele. Ha ho mano ho uena."

92 'Me a re, "Rabbi, U ntsebile neng? U ntsebella kae?"

93 Ho re, "Le pele Filipi a u bitsa, u sa le tlasa sefate Ke u bone."

94 Joale, ka nama, e ne e le . . . Haeba u kile ua fihla mono, ke limaele tse leshome le metso e mehlano ho potela ka thaba. Libaka tse peli, leeto la letsatsi ho pota thaba. Ebe O 'mone joang? Eaba ho thoeng? Ka ho ba monna oa tumelo, ka ho ba monna ea batlileng ho bona Lentsoe la Molimo le bonahatsoa, a batlile ho tseba hobane Molimo o itse, "Morena Molimo oa lona o tla le hlahisetsa, mohla Messia a tlang E tla ba Moporofeta," joaloka ka eena feela. 'Me o bone seo, 'me o tsebile. O itse, "Rabbi, U Mora Molimo." Ke hantle. Lebitso la hae ha le shoe.

95 Empa mono keha ho eme baprista ba baholo bao ba sataletseng ba manehileng DD., Ph.D., LL.D e lekaneng ka sekotlong sa bona, mohlomong, ho feta moleng oa bareri ba emeng mono, ba hopotse ba tsebile Lentsoe. Ba entse joalo, lentsoe, empa ho na le bongata bo sa... Ha ba tsebe Lentsoe la Hae, empa ho Mo tseba, ho tseba Ea leng ka Lentsoeng. Ke hantle. Ho Mo tseba, Bophelo bo ka hara Lentsoe. Joale, ba ne ba eme mono 'me ba re, "Monna enoa ke Belsebule. Ke senohe-ramahlohonolo. O bona lintho tseo. Ke—Ke senohe. Hoo ke..."

96 Jesu a reteleha a re, a tseba. Joale emang, ha ba se bua seo ka lentsoe le utluoang, ba ne ba e hopotse pelong tsa bona. 'Me O tsebile mehopoloe ea bona. Na Bibe le rialo? Santa Luka. Eya, O tsebile mehopoloe ea bona. Le a bona, ba hopotse A ne a bala kelello ea bona. Mehopoloe ea bona tsebiloe. A re, "Ha le bua lentsoe khahlano le 'Na, Ke tla le tšoarella hona. Empa," ka mantsoe a mang, "tsatsi le leng Moea o Halalelang o tla fihla ho etsa hona hoo, 'me ha u bua lentsoe khahlano le eona, ha le bua khahlano le hoo, le ke ke la tšoarelola hona lefatšeng lena, leha e le lefatšeng le tlang ho tla." Ua bona?

97 Le a bona, Moea o Halalelang, ba ne ba sa O utloisise. Ba ne ba loketse ho arabela phutheho ea bona, hoba phutheho ea bona e ne e eme mono. 'Me ba itse, "Be, O—O tšoanetse a be a bala mehopoloe ea bona. O na le bokhoni ba ho bala kelello. Ke Belsebule, senohe-ramahlohonolo." 'Me mang le mang o a tseba senohe ke sa liabolosi. 'Me ba bitsitse mosebetsi oa Molimo "liabolosi," ho bitsa mesebetsi ea Molimo.

98 Na ha le tsebe hobane ntho efe eo liabolosi a nang le eona ke ntho e khopamisitsoeng ho tsoa nthong ea sebele? Leshano ke eng? Ke 'nete e khopamisitsoeng. Bofebe ke eng? Ke ketso e lokileng e khopamisitsoeng. Sebe sohle ke—ke 'nete le ho loka ho khopamisitsoeng. Lefu ke'ng? Bophelo ho khopamisitsoeng. Ruri, ho joalo le Lentsoeng la Hae. Ho joalo, 'me batho ba leka ho e khurumetsa, ho e sira, ho e buisa lintho hobane ba sa tsebe, ha ba tsebe. Ha ba na tumelo ea ho nka Lentsoe. Empa Nathanaele o entse joalo.

99 Ho ka thoeng ka Simone mohla a nyolohelang mono? Ho utloa ntae eo oa leqheku la Mofarisi, a re, "Simone, mora oa ka, pele nako ea qetelo e fihla, mohlomong ho tla ba le... Esale ke Mo shebeletse ho fihla matsatsing a ka, empa ha A ka a tla. A ka fihla nakong ea hau. 'Me ha A ka etsa, Simone, se tla etsahala ke sena: Ho tla hlaha ntho eohle, mora, 'me ho tla hlaha lintho tsa bohata tsa mefuta eohle hohle. Empa u hopole sena, tiisetse Lentsoe. Ua bona? Joale, Messia enoa ha a hlaha, E tla ba Moporofeta. 'Me Messia enoa e tla ba Moporofeta joaloka Moshe, hobane Lentsoe la rōna la Molimo le re E tla ba Moporofeta ea joaloka eena. Joale, u tla tseba e tla ba Ea fetisang le Moporofeta, E tla ba Molimo-Moporofeta. Empa liketso tsa Hae le mantsoe e tla ba Moporofeta, hoba u ke ke ua nyolohela holiangoana ho feta

moo pele u ea ho Molimo. Ua bona?” Ka hona a re, “O tla, E tla ba Molimo-Moporofeta. Mesebetsi ea Hae mona lefatšeng e tla bontša Moporofeta, ka hona rea tseba, e tla be e le Molimo. Hopola seo.”

¹⁰⁰ 'Me kea kholoa mohla Andrease a tlileng a 'molella bosiuung boo, “Oh, re bone Messia,” kea kholoa Simone o itse, “Sutha, sutha. Sutha. Ah, tsoelapele, u se ke ua ntlhopa.”

¹⁰¹ Empa tsatsi le hlahlamang ha a etela kopano, a kena ka pela Sefahleho sa Morena Jesu, 'me A re, “Lebitso la hau u Simone, 'me u mora oa Jonase.” Hoo ha mo monya seteisele. O ile a etsa'ng? Eena, Jesu. . . Motšoasi eo oa lihlapi ea sa balang a sa khone le ho saena lebitso la hae, Bibe e mo tlalehile a sa bala a sa ruteha. Empa ho khahlile Molimo, ka tumelo eo, ho mo etsa Petrose, lejoana, ho mo nea linotlolo tsa 'Muso, “Holim'a lejoe lena Ke tla haha Kereke ea Ka.” Eng, holim'a lejoe joalokaha Katolike e bolela? Che. Holim'a eng, ke eng? Holim'a tšenolo ea moea. Le a bona, “Ha se nama le mali tse u senoletseng hona, empa ke Ntate oa Ka ea Leholimong ea u senoletseng eona. Holim'a lejoe lena, holim'a Lentsoe le ngoliloeng la Molimo le senotsoeng ka moea, Ke tla haha Kereke ea Ka, 'me likhorro tsa lihele li ke ke tsa E hlola.” Hobaneng? E fetisa peō ea mosetareta. Ke matla a Molimo a tsamaeang har'a batho ba busoang ke lefu holim'a Lentsoe, Lentsoe le phelisoeng.”

¹⁰² Ke se neng se le ka ho Nohe. O itse . . . Lentsoe ke Bophelo ka ho eena. “Me ke tla e hlophisetsa.”

¹⁰³ “Be, pula ha e a na maobane. U itse pula e tla na. Pula e tla na neng?”

“Ha ke tsebe, empa pula e tla na.”

“U tseba joang hore e tla etsa joalo?”

“Molimo o itsalo.”

¹⁰⁴ Joaloka ha ba boleetse Abrahama, khele, lilemo tse mashome a robeli, eena; le mosali oa hae, lilemo tse mashome a robong. Mosali e monyenyanane oa khale a ntse a matha mono, esale a jere lipetele le lintho tsa libutšu tsa lese, lilemo tse mashome a mabeli a metso e mehlano; ke enoa o mashome a robong, o ikokotlela ka lerenyana, ka mokhoa ona, o a likoloha. Abrahama, ea lekhutla, matšoala a lepeletse. “U reng ka eona, Abrahama? Hela, u tlohetse—u feletse motseng oa Ure khale koana. U itse u tla fumana lese. Ho ka thoeng ka eona joale?”

“Khanya ho Molimo, re tla le fumana leha ho le joalo!”

“Hobaneng?”

“Molimo o itsalo!”

“Khele, ke lilemo tse mashome a mabeli a metso e mehlano tse fetileng.”

¹⁰⁵ “Molimo o itsalo! Ha e etse phapang ea letho haeba e le lilemo tse lekholo le mashome a mabeli a metso e mehlano, O tla e etsa leha ho le joalo!” Ua bona? Ho mamella, phehello, ho hahamalla, ho hahamala. U e tsoere!

Joaloka moshanyana ea fofisang khaete. Ho re, “E hokae?”

¹⁰⁶ A re, “Ha ke tsebe, empa e teng kantle mono kae-kae, nka e utloa qetellong ea thapo.”

¹⁰⁷ Ke eona. Monna kapa mosali ea nkang Lentsoe la Molimo, u tsoere ho hong. Anhora ea hau e tsoere ka hara lesira. Lifefo le likhohola li ka hatella 'me tsa sisinya kahohle, empa u ankoriloe. O ntse a nyolohela sebakeng seo hantle. U a phehella. U tla E lumela.

¹⁰⁸ Nohe o E lumetse, ehlile, 'me o phethile morero oa Molimo oa bophelo ba hae. Na u batla ho finyella morero oa Molimo bophelong ba hau? Ha ho le joalo eba le mamello ha u . . . mamello ha u fumana Lentsoe. Itsoarelle ho Lona, tšepiso, ke ea hau.

¹⁰⁹ Moshe. Nka ea ho baphetoa ba hona joale! Ke re mona Moshe, koana ho Exoda, Moshe, e ne e le moithuti, molipomate, lesole. E seng lesole feela, e ne e le mogenerale. Ha se mogenerale feela, empa e ne e le Faro ea tlang. Amen. Ke ikutloa ke halalela hona joale, le ntšoarele ke hona. E, Faro ea tlang. Haeba a batlile ho loela batho ba habo, be, Egepeta e ne e le letsohong la hae. E ne e tla ba Faro ea latelang, o ne a tla etsa seo a se batlileng mohla e bang Faro. Empa Molimo oa bua le eena, uh-huh, tsatsi le leng koana sehlahleng se tukang.

¹¹⁰ Oh, a baleha joaloka lekoala, ka thuto ea hae eohle. Thutamolimo ea hae eohle, a hloleha. Lintho tsa hae tsohle tse kholo, a hloleha. Empa ka tsatsi le leng, sehlahleng se tukang, Molimo oa kopana le eena. Mohla Molimo o tlileng ho eena sehlahleng se tukang sena, mo shebeng, a tsoere molamu letsohong la hae, mohatsa'e a kaletse mulete, 'me Gershome e monyenyanane a lutse lethekeng la hae, tseleng ea hae e eang Egepeta. E ne e le eng? Ho theoaha ho ea hapa. O ne a le joalo, a na le mamello, a phehella haholo.

¹¹¹ “Moshe, u nahana uena, lilemong tse mashome a robeli, le ka molamu o khopameng letsohong la hau, o omme ka moo ho ka khonehang?” Hum! Lere le khopameng, tllhaselo ea monna a le mong, a theohela Egepeta joaloka monna a le mong ea eang Rashiya ho hapa. Re hloka feela. . . Molimo o hloka monna a le mong feela. Ke phetho, O hloka monna a le mong feela letsohong la Hae ka botlalo. Monna a le mong, ke phetho seo A se hloka. A ka reketlisa Rashia likotoana ka monna a le mong eo.

¹¹² O nkile Nohe, kapa Moshe, ntšoareleng. A nka Moshe a sa matha ka tsela *ena*, a ituletse hamonate, ngoanana e motle e mocha, a mo nyala, a fumana lesea, e le mojalafa oa linku tsa ratsalae, Jethro, moprista oa Midiane. O ne a lokisitse tsohle. A theile le lelapa le letle, sebaka, a phela ka boiketlo kantle mono,

le ho tsoma hang ka nako ka seqha sa hae, mohlomong, le ho bolaea khama, le menokotšoa e mengata le linku tse ngata, le boea le khoebo, makoloi a ne a feta. Khele, o ne a e hlophisitse, a sa tlameha ho tauta ka letho. Empa tsatsi le leng, tsatsi le leng mofehelo oa batho, batho ba habo ba imetsoeng a se a ba lebetse. Ba ne ba le tlase Egepete. O ne a hlolehile, ka hona Molimo o ka etsa ho hong ka eona. Empa ka tsatsi le leng mohlala Molimo o kopanang le eena sehlahleng se tukang, le bua ka pheello, ke enoa a tloha!

“Lebotho la hau le kae?”

113 “Ha ke hloke letho. Lebotho la ka ke lebotho le sa bonoeng.” Joaloka Dothane hoseng ho hong, mohlala moporofeta. . . “Lebotho la ka ke lebotho le sa bonoeng.” Ke enoa a tsamaea, ho ka bonoa feela thupa ea khale e khopameng, a hula mulete ona ka morao, ’me litelu li fokaela. “Ho bokoe Molimo!” Mahlo a hae a tsepame nqa Leholimō, a theo ha ho ea hapu.

114 Ka linako tse ling tumelo e u etsisa bosaoana, kelellong ea nama. Empa haeba e le Lentsoe la Molimo, e tlameha ho etsahala. Eba le mamello, bona Molimo o e phethahatsa.

115 O ile a theo ha, a phehella haholo. A tloha a kena ka pel’a Faro, eka o tla hloleha. A re, “Ke tla u bontša haeba ke romiloe ke Molimo kapa che.” A lahlela molamu fatše ka mokhoa oo, eka ho thoe. . . ’me oa fetoha noha; eena le Aarone. ’Me a bitsa balepi ba linaleli ba babeli feela, kapa banna ba babeli ba hlohluoeng ke liabolosi ba kang bao re ba fumanang matsatsing a qetelo, ho etsisa bona Bakhethoa, hola ke ntho e ka etsoang. Ke hantle. Ho theo ha, ba lahlela melamu ea bona fatše, ea fetoha ntho e tšoanang. Joale, Moshe o tsebile ntho e le ’ngoe ena, hore Molimo o mo romileng o khona ho mo hlokomela. Joale, a sa tsebe seo a ka se etsang khetlo le latelang.

116 U fihla moo u sa tsebeng seo u ka se etsang, ’me batho ba re, “Ha a fola. Khele, ntho eo e sa le teng mono.” Haeba Molimo a e behile pelōng ea hau, u eme ka khutso. U tsoelepele ho pakela khanya ea Molimo. Tsoelapele!

117 Moshe o itse, “Kea tseba Molimo o nthomile.” Ha etsahala’ng? Noha ea bululoha hararo kapa hane, boholo bo kana, mohlomong tlhoare kapa se seng, ea phahama ’me sa metsa tse ling. Na le kile la nahana se hlahetseng lithupa tse ling tseo? Ba thonakile e le ’ngoe feela. Ea li ja kaofela ha tsona. Li ne li le sieo. ’Me le Molimo o tla sebetsa joalo ka le leng la matsatsi ana ka matla a Oona. E.

118 Moshe o ne a mameletse. Eaba, ntho ea pele lea tseba, O mo roma kantle, le ho re, “Etsa sena, Faro.” ’Me a re, “Ha u sa etse joalo, re tla etsa *hore-le-hore*.” ’Me a bitsa Molimo, ’me A romela lintshintsi, matsetse, ntho eohle lefatšeng. E ne e le eng? O ne a ikemiselitse. Molimo oa ’molella, “Khutlisetsa bana bao thabeng ena, morao mona.” O itsebile a tšoare thato ea Molimo, o itsebile

a tšoare pono ka pel'a hae. O tsebile maholimo le lefatše li tla feta, empa pono eo e ke ke ea hloleha. Eaba o theohela mono, a pheheletse.

¹¹⁹ Mamela, moena, ha u ka tla hoseng hona ka pono ea thato ea Molimo, ha u ka tla ka Lentsoe la Molimo, ha ke tsotelle se etsahalang, “Ke tla phehella. Ke na le . . . pelong ea ka, esale ke lutse mona, ke fumane pono ea Molimo. Ke a phehella. Ke tla—ke tla ba le mamello. Ke a theoha, ke tla hapa. Ntho ena e tlameha ho ntlohela.” E tla u tlohela, moena. U se ke ua tšoenyeha, e tla u tlohela.

¹²⁰ Davida, ea emeng mono ka pel'a Goliathe, khele, a phehella. A re, “Le re le tla ema le lumelle mahlale ao a sejoale-joale, boramahlale kantle mono?” Joale e utloahala e thunthetsa borapeli, empa ke tšepa le tseba seo ke se boelang. Le re boramahlale ba mehla ena ba ka ema mono ba re matsatsi a mehlolo a fetile, athe Lentsoe la Molimo o phelang le a e hanetsa? Le re le tla lumella mahlale a sejoale-joale a re ntho e kang pholiso ea Khalalelo ha e eo, 'me Bibehe, lipheresente tse mashome a tšeletseng le ho hong tsa tšebetso ea Jesu e ne e le Khalalelo . . . e-ea, lipheresente tse mashome a robeli a metso e tšeletseng, kea kholoa, e ne e le pholiso ea Khalalelo? 'Me tšepiso, le litšepiso tsa ho qetela!

¹²¹ Le batla ho mpoellela, baena ba ka ba baruti, hore le tla ema le lesa bora-seng bona bo bitsoang malumeli ho kena Selekaneng sa Likereke mona, kapa Lekhotleng la Likereke, 'me le mpoellela le tla ema mokhatlong oo le ba lesa ho bipetsa Lentsoe la Molimo ka ho lona, le ho le bolella matsatsi a mehlolo a fetile? U mang le hona? Na u kile ua fumana boiphihlelo? Na u kile ua tsoaloa labobeli ke Moea oa Molimo? Uena, haeba u entse joalo, moena, ruri u tla nka Lentsoe la Molimo la eona. Ntho eohle e be leshano. Ruri!

¹²² Lemohang, Davida o ne a fumane boiphihlelo. A nka letjeketjane. A se na letho le kaalo. E ne e le letjeketjane, empa a tseba hoba Molimo oa Leholimo o na le eena. 'Me a tsoela mono a bolaea bere le tau, 'me a tseba seo le tlang ho se etsa. 'Me a re, “Na le mpoellela, efela ha Molimo o ka nehela bere le tau matsohong a ka, hakakang O ka nehela Moflista eo ea ithorisang, ea sa bollang kantle mono?”

¹²³ Lefatše lena le iphafang la kajeno, le reng matsatsi a mehlolo a fetile, 'me mona Rashia e hlaha, ho phatlola likereke le ho li hlabisa lihlolong. Ha ho letho ka ho tsona ho li sebeletsa. Hobaneng e le Castro e monyenyanane oa khale tlase mono, thakanyana leo le kenoeng ke liabolosi . . . Joale, ke—ke a mo tseba, ke mo tsukutlile ka matsoho le ho kopana le eena, le joalo-joalo, mohla ke leng mono. 'Me a bua le 'na hantle, le ntho e 'ngoe le e 'ngoe joalo; o itse o lumetse ho tla fihla Lilemo tse Sekete le Krete, le joalo-joalo, empa o ithekisitse ho liabolosi. Empa o ile

a etsang? O entse lintho tse ling tse molemo. O entse ntho e le 'ngoe, a qopitsa chelete eo eohle a boela a qala chelete bocha. Ke se tla tlameha ho etsahala mona le leng la matsatsi ana, moo likolobe tse kholo tsena tsa liratholi tsa wiski, le likhampani tsa koae tse ka nkang lekhetho la bona la lekeno 'me tsa le beha thelebisheneng kantle mona. Ke a tseba ke bua liteiping. Empa e reng ke le bolelle, ke 'nete, leha ho le joalo. Ke chelete e tlamehang ho ea 'musong. Empa ba khona ho e koekoetla. Empa ako qale, o hlolehe ho lefa la hau hang 'me u bone se etsahalang. Ba tla u hlobolitsa eona.

¹²⁴ Le re mphi eo ea Baflista ba maqai e ka ema kantle mona ea nyelisa makhotla a Molimo o phelang? Re tsehetsa ntho e kang eo. Seo kereke e se hlokang kajeno ke ho khutlela ho Molimo, ho khutlela Lentsoeng la Hae, ho khutlela Matleng, ho khutlela Pentekosta, e seng mokhatlo oa Pentekosta, morao boiphihlelong ba Pentekosta. Mathaka ao a tsoile taolong ha ba bua ka mokhatlo oa Pentekosta. Pentekosta ke boiphihlelo, bo fihlela Methodise, Baptise, Presbeteriene, kapa mang ea E batlang. Ke hantle. Molimo ha o sebetse le sechaba, le batho, le phutheho e hlophiloeng, O sebetsa le motho ka bomong. Kamehla, le Balichaba, ho nka batho ho Balichaba bakeng sa Lebitso la Hae. Le a bona? Ke kamoo A sebetsanang le bona. Joale, ka potlako, ke tsoanela ho potlaka.

¹²⁵ Davida a re, “Le re le tla e lumella hoo ho etsahala?” A re, “Letjeketjane lena!” A ile a sala tau eo morao. Eng? Le ho e bolaea. Le ho sala bere morao le ho e bolaea. A re, “Molimo o tla mpha Moflista eo ea ithorisang kantle mono ea reng matsatsi a mehlolo a fetile?”

¹²⁶ A mo tšeha a re, “Ke tla u tšoara kantlha ea nalete ena ea molohi, lerumo, ho u fanyeha, le ho u nehela linonyana ho ja nama ea hau.” A ka be a e entse.

¹²⁷ Saule a 'molella, ho re, “Monna eo ke . . . khele, menoana ea hae e bolelele ba li-inchi tse leshome le metso e mene.” A re, “Khele, monna eo ke mohlabani ho tloha bocheng ba hae, athe uena ha u letho u moshanyana ea mokhubetsoana.”

¹²⁸ “Oh, empa,” a re, “Ke na le seo ke batlang ho u bolella sona. Ke na le seo u sa tsebeng letho ka sona.”

¹²⁹ “Khele, ha u letho,” moena oa hae a rialo, “khutlela hae. U setlokotsebe. Ke tla re ntate a u shashare ha u khutla.”

¹³⁰ O ile a reng? A re, “Ke ne ke alositse. Mohlanka oa hau, ntate oa ka, ke ne ke alositse linku tsa hae kantle mono tsatsi le leng. Ke tšepetse ho Morena Molimo. 'Me tau ea kena 'me ea nka e 'ngoe ea likonyana, 'me ka e sala morao.” Hobaneng? O ne a laetsoe, a tsamaisoa ke ntatae. “Me ka e lahla fatše. 'Me eitseha a e tsoha, ka e bolaea, hobane ke ne ke laetsoe ke thomo.”

¹³¹ Oh, moena oa moreri, re siiloe le thomo. Tau e a kena 'me e tšoara e mong oa bahlanka ba Hae e tsoe le eena, ke tla ka

letjeketjane hoseng hona. Letjeketjane la thapelo ea tumelo le tla pholosa mobabi, 'me Molimo o tla mo tsosa. Seo A se buileng! Re mo sala morao, ho khutlisetsa konyana eo mohlapeng. Re a le hloka, Mokreste e mong le e mong, re hloka e mong le e mong oa lona. Rea u hloka, re tlameha ho u fumana. Ntate o re file thomo, tloong re e late. Ha re baballeng thomo.

132 A re, "Me haeba A etselitse nku eo hoo, hakakang ho ema mona ho nyelisa makhotla a Molimo o phelang! Ke lihlong ka moena oa ka le ka ba bang bohle," a rialo, ka puo e 'ngoe. "Ke hlajoa ke lihlong ka bona, bofokoli ba lona."

133 'Me ke soabela sehlopha sa ka sa bareri tsatsi le leng ha ke ba utloa ba ema 'me ba lumellana, ba emela bomosalumele ka ho re, "Oh, ntho e joalo ha e eo. Ha e eo. Ha u—u—u a lebella lintho tseo ho etsahala."

134 Petrose o itse, ka Letsatsi la Pentekosta, "Pallo ena e etselitsoe lona le bana ba lona, le bana ba bana ba lona, le ba leng hole kaofela, bao Morena Molimo oa rona a tla ba bitsa." Haeba A sa ntse a bitsa, O sa ntse a tšela Moea o Halalelang. Haeba Moea o Halalelang o sa phela ka ho uena, O tlameha ho phela bona bophelo boo O bo phetseng morao koana ka ho Krete Jesu.

135 Ha u bona lekala le nyoloha, 'me le hlahisa apole, hantle, le latelang le ke ke bea pere 'me le latelang ebe plum. Haeba ho le joalo, le hlomathisitsoe. Ke hantle. Empa ha motso oa mantlha oa sefate o hlahisa lekala le leng, e tla ba apole. Ka hona, kajeno, re fumana mekhatlo e mengata le malumeli a entetsoeng. Lifate tseo li tla phela. E, monghali.

136 Ke bone sefate tsatsi le leng se behile litholoana tse robong tse fapaneng tsa sitrase ho sona, 'me se behile le garanate, 'me se behile, ke a kholoa e ne e le tholoana ea morara, lemone le tsohle ho sona, empa ruri e ne e le sefate sa lamunu. 'Me ka re ho monna eo, Mongh. Sharrit, motsoalle oa ka, ka re, "Be, ho tla joang, athe ke sefate sa lamunu?"

137 A re, "Be, u petsola sefate 'me u sunya ntho ena e thefutsoeng ka mono mono."

138 Ka re, "Be, ha se beha tholoana, na e tla beha lamunu?"

A re, "Che, se hlahisa sa mofuta oa sona."

139 Ke moo he! Moena, ha ke u bolella, ha likereke li entetsoe ka ho Krete, ntho e kang eo, kapa ho leka, eo ho thoeng ke eona, ba sunngoa ka mono feela ka lebitso, ba ipitsa likereke tsa Krete, ha ba etsa joalo, ba hlahisa eng? Litholoana tsa mokhatlo oa bolumeli. Empa lekala leo ha le ka hlahisa lekala le leng, le tla tšoana le la pele. Empa e re ke u bolelle, moena, haeba Moea o Halalelang e le 'nete ka hara Kereke kajeno, mofuta oa Kereke ea Oona e ngotse Buka ea Liketso ho E latela, haeba Kereke ea Molimo o phelang, Kereke ea Jesu Krete e boela e phela ka oona

Moea o Halalelang o theohileng ka Letsatsi la Pentekosta, E tla ngola Buka ea Liketso ka mora Eona. Hantle. E tla phehello, ho tiisetsa ho fihlela ntho eo e etsahala. Oho Molimo, re hauhele. E, monghali. E, monghali.

¹⁴⁰ Samsone, Samsone, o mameletse ha feela a phopholelitse mangetse ao a supileng a mo teetseng hare. O tsebile hoba eo e ne e le tšepiso eo Molimo o mo neileng eona. 'Me monna e mong le e mong le mosali a ka phehella joaloka Samsone, ha feela u utloa matla ao a tšepiso a u teetse hare, a Molimo. Lentsoe ke lena, Lentsoe le itsalo. 'Me u ka ba le mamello ha feela u tseba tšepiso eo e lutse pelōng ea hau, tumelo eo e re, "Ke folile. Ke folile." Le a bona? Ha u ikutloa joalo, lula u tsamaea feela. Moena, Molimo o tla hlokomela Baflista, u se ke ua tšoenyeha.

¹⁴¹ Na le kile la nahana kamoo Samsone, ka mohlaare oo oa khale oa mulete. . . Na le tseba botenya ba liheleme tseo? Tse ling li batla li le inchi, kapa inchi le halofo ea borase bo tiileng. Ho tšoara sabole e leolitsoeng ka nqa tse peli ho mo otlā hloohong ka eona, e ke ke ea mo lematsa. 'Me Samsone a nka mohlaare oo oa khale o bolileng, ntšoarelang, mohlaare oo oa khale o omeletseng oa mulete, 'me a o thonaka 'me a otlā sekete sa bona. Khele, petso ea pele holima hlooho e 'ngoe ea tseo, mohlaare oo o ka be o phatlotsoe likotoana tse milione. Empa, le a bona, mohlolo o no o le kahara mohlaare joaloka ho Samsone. A phopholetsā, "Ha nka phopholetsā tšepiso eo mono," a re, "ba tliseng koano." 'Me, moena, a qala a batolaka Baflista ho le letona le ho le letšehali. Hobaneng? O ile a phehella ho fihlela Moflista oa ho qetela a robetse mobung. Amen! O ne a tšoere'ng? E seng ho hokaalo. A tšoere mohlaare oa mulete ho loantsā lisabole le marumo le banna ba koetlisitsoeng. Empa matla a Molimo le na a lutse holim'a hae. Le lemohe, matla a Molimo a theohetse holim'a hae, pele.

¹⁴² Oh, moena, loana ho fihlela letšoao ka leng le nyametse. Alleluia! Loana ho fihlela pelaelo ka 'ngoe—ka 'ngoe e nyametse.

¹⁴³ Ho re, "Be, bothata ba ka bo fapane." Nka mohlaare oo 'me u bo batole ho bo ntša mono.

¹⁴⁴ Enoa o itse, "Empa, u a tseba, ke batla ke fapane, ke tsofala haholo." E khothole. Abrahama o ne a le lekholo. Tsoela pele.

¹⁴⁵ "Be, empa bothata ba ka bo bobeha haholo." Jonase o ne a le mpeng ea leruarua, matsoho a tlamiloē ka morao, a robetse mahlatšeng a leruarua. Hohle moo a shebileng e le mpa ea leruarua. A ena le matšoao a mangata, empa a retoleha 'me a re, "Hang hape ke tla sheba tempeleng ea Hau e halalelang, Morena." U ke ke ua Mo pata. Ke eona, ho phehella! Pheello, lula hantle le Lentsoe la Molimo. Hobaneng Jonase a ile a lula joalo? Hobane o tsebile mohla Salomone a ne a khakola tempele, o rapetse 'me a re, "Morena, ha sechaba sa Hau se le mathateng

kae kapa kae 'me se sheba nqalong e halalelang ena, u ntano utloa ho tsoa Leholimōng, arabela thapelo ea bona." 'Me o tsebile ntho e le 'ngoe ena, hore Molimo o tla utloa thapelo eo.

146 'Me haeba Jonase, tlas'a maemo ao, a ne a ka ba le tumelo e kaalo ho Molimo, ho ka thoeng ka uena? Ha ho le a mong oa lona mona ea tlasa maemo a mabe hakaalo. Joale hakakang! Ho sheba tempeleng athe monna eo qetellong o bile a oa mohaung, Salomone, ea rapetseng thapelo, empa e ne e le khethelo ea Molimo mohla Moea o Halalelang o e pakang ka Topallo ea Mollo e keneng 'me ea theohela kahare ka morao? Eona Topallo ea Mollo eo le nang le setsoantšo sa eona kajeno, e tsamaea har'a rōna, e etsa tsona lipontšo le meeka. Molato ke'ng? Mamelang ka khutso. Mamelang. Re ka khona joang, athe ha re shebe tempele ea lefatše, kapa mokhatlo o itseng kapa bolumeli bo itseng, empa letsohong le letona la Molimo, moo Jesu a lutseng teng ka liaparo tsa Hae ka Sebele tse mali, amen, Mali a Hae ka Sebele pel'a Ntate, ho buella maipolelo a hau! Amen. Baheberu 3, e boletse hore Ke—Ke Moprsta e Moholo, ea phelang kamehla ho etsa bobuelli, oh, khili, ka pel'a Ntate hoseng hona. Moprsta e Moholo! Efela ha Jonase a shebile kantle, a hana ho bona mpa ea leruvarua, hakakang re ka hana ho bona ho opa ho ho honyenyane le bohloko bo bonyenyane, kapa nthoana efe eo re nang le eona! "Ke shebile tšepisong ea Hau e halalelang, Morena." U ke ke ua pata mohalaleli thapelong ea hae, ke phetho se leng teng, ehlile. Oh, o ne a . . .

147 Ke tlameha ho potlaka, metsoalle ea ka, ke tla siuoa ke nako hape. Ha re qotseng tse ling hape, mohlolitheroniyana mona.

148 Johanne, o ne a kholisehile haholo, hobane Molimo o 'moleletse. Le a tseba, joale ntatae e ne e le moprista, le a tseba, empa, ho a makatsa, ha a ka a theohela ho ba moprista, o ile felleng. O ne a sa batle ho itsoaka le mohopolo oa motho. A kena lefeelleng ho fumana, lilemong tse robong. Ntatae le 'mae ba tsofetse, ba tsebile ba ke ke ba bona mora oa bona oa moporofeta a lula boholong letsatsing leo.

149 'Me, hopolang, re tšepisitsoe oona Moea oo letsatsing lena la ho qetela, Elia.

150 Hopolang, Jesu ha a lebisa ho eona mohla A itseng . . . O buile ka Johanne Mokolobetsi. Haeba u hlokomela, "Ke roma lenqosa la Ka pela sefahleho sa Ka," Mattheu 3. Hobane, ha u sa etse joalo, u tsoere khohlano Lengolong.

151 O itse, "Pele letsatsi lena le fihla, la letsatsi le leholo le le tšabehang la Morena ho chesa lefatše ka mollo." Lefatše ha lea chesoa ka mollo morao matsatsing ao. Lefatše le tla chesoa ka mollo ka mora ho fihla hona. O ne a tla romela Elia ho otlolla lintho le ho khutlisetsa batho poelanong. 'Me seo Elia enoa, oa pele ea tšileng, a tlang ho se khutlisetsa, o ne a tla busetsa tumelo ea bontate ho bana, empa oa matsatsing a qetelo o tla

ba khutlisetsa morao Tumelong ea bontate. Le a bona? Le a bona, morao ho bontate ba mantlha ba pentekosta, Molaetsa o nepahetseng, tšimoloho. Elia! “Molimo, mo romele,” ke thapelo ea ka. “Mo romele, oho Morena, mo romele kapele.” Re tla mo rapella, a tle a hlahe temeng. ‘Me kamehla Molimo o na le moemeli oa Oona nqa e ’ngoe lefatšeng. Ha A eso hloke paki kae-kae, kamehla o na le paki e emeng e tiile. ‘Me ke lumela a . . . Ke lumela re le moriting oa ho Khutla ha Morena hona joale. Nako ea matla a Molimo ho boela a hlaha ka sebopeho sa moporofeta Elia, le ho romela tlase mona le ho otlolla batho, le ho ba tlisa, sehlotšoana seo. Joaloka matsatsing a Nohe, joaloka matsatsing a Lota, ho tla ba joalo, paloana feela, Kereke e tla ba joalo.

¹⁵² Ho lokile, re fumana Johanne a sa theoaha ho fuoa koetliso ea hae ea bokereke, empa a kena lefeelleng ho fumana boiphihlelo. Eitse ha a khutla, a bua senahathote. “Malinyane a marabe,” linoha tseo a li fumaneng nahathote. “Selepe se beiloe motsong oa sefate.” Lithero tsa hae li ne li theiloe holim’a tse joalo. Empa, shebang, ba tiile, a re, “E Mong o eme har’a lōna joale eo le sa mo tsebeng.” O tsebile seo a buang ka sona.

“Na u Messia?”

A re, “Che.”

¹⁵³ “Na u Moporofeta eo, Messia-Moporofeta ea neng a tla hlaha?”

“Ha ke eèna,” a re, “empa O eme har’a lōna joale.”

¹⁵⁴ Mohlomong Kaiafa, moprista e moholo, o ne a le teng mono. Etsoe, ke kholoa a ne a le sieo, a hlompheha haholo ho thehela tulong e joalo. Empa eèna, e mong oa baprista a ka be a itse, “Monghali, Moena Jones ke enoa. Ke mothaka ea lokileng. Moena *Sekete-kete* mona, Moena John Doe, eèna, ke—ke lumela eèna, Morena o mo etsa Messia.”

¹⁵⁵ Johanne o itse, “Ke tla Mo tseba. Pontšo e tla Mo latela.” O tsebile eng. Ho lehlohonolo batho ba moea ba utloisisang. Ho lehlohonolo ba nang le mahlo ‘me ba bona, litsebe tse utloang. Ho re, “Ke tla Mo tseba. Molimo o tla tsebahatsa, ho Mo tsebahatsa.” Molimo o netefatsa bahlanka ba Hae. E, monghali. ‘Me ka mora nakoana A fihla, a lelala holimo mono ‘me a bona, a re, “Bonang Konyana ea Molimo e tlosang sebe sa lefatše.” A phehella hore ha ho Ph.D., LL., bo-L ba babeli, e ka bang eng, e tlang ho kena, moprista e mong, monna e mong ea ratoang oa hora ka fandango ea mofuta. O ne a . . . Monna eo o theohtse mono ‘me o tsebile hoba E ne e le Mang hobane pontšo e ne e Mo latetse. O tsebile hore E ne e le Mang.

¹⁵⁶ “Mehlolo e tla tsamaea le ba lumelang ke eona ena.” Kereke ea Molimo e ntse e tsosoa ‘me e kenngoa matleng. E. Joale, ho theoaha ho fihlela ke qeta thero joale. Johanne, ea pheheletseng. ‘Me a ba le mamello hoba a tsebile hore o tla tseba Messia eo, hoba Messia o ne a tla jara pontšo. ‘Me kajeno re bona

lipontšo, lipontšo tsa Messia ea tlang, tse hatellang li kena. Joale mamelang ka khutso joale.

¹⁵⁷ Mohla mosali enoa oa Mogerike, mohla a utloileng ka Jesu, “Tumelo e tla ka kutlo.” Joale, e ne e le Mogerike, mohetene, eaba o a utloa 'me a tla. Le a tseba ke'ng? Tumelo e fumana mohloli oo ba bang ba sa o boneng. Tumelo e fumana mohloli oo ba bang ba sa o boneng.

¹⁵⁸ U re, “Oh, ke hofe holimō mane? Ho joang tlase mona? Ho joang mane? Nthoana eo ke'ng. . . Oh, ke mishone o monyenyane. Ke *hore-le-hore*. Hola Molimo o ne o tla etsa letho, O ne o tla tla boholong ba Roma e Katolike, A ka tla ho arekabishopo oa kereke ea Methodise, O ne a tla tla ho—ho—ho bontate ba Anglican, kapa ba bang ba bona. O ne a tla tla. . .” E, ke seo ba neng ba se nahana qalong. Empa O hlahetse kae? Setaleng. O fumane barutuo ba Hae kae? Nokeng, batšoasi ba lihlapi, ba maemo a tlase, ba se na thuto. Le a bona, Molimo o etsa seo O se batlang, empa le a Mo tseba.

¹⁵⁹ Phapang e ne e le efe mona, ea Moabe holimo mona, mohla Iseraele a fetang? Moabe o hlahisitse lipoho tse supileng, hantle feela seo Iseraele e se entseng. Moabe o hlahisitse mahlabelo a supileng, lipheleu, hantle feela seo Iseraele. Ho latela motheo, ba ne ba tšoana hantle. 'Me hantle-ntle e ne e le baena, Moabe o tsoile ho morali oa Lota. 'Me Balake e ne e le enoa holimo mono a nyehela sehlabelo se tšoanang, se entsoe ka mokhoa oa motheo kamoo a neng a ka khona. Empa phapang e entsoe ke'ng? E mong oa bona o ne a tšoere Lefika le teiloeng, Topallo ea Mollo, puo ea Khosi liahelong, sehlopha sa mekha ea malumeli. Ba se na lehae, ba se na tulo eo ba e bitsang ea bona. Ba ne ba lelera, baeti le bafeti, baphaphathehi hohle, ba ipolela e le baeti le bafeti. Ba ne ba batla motse.

¹⁶⁰ Ho joalo le kajeno. Ha se khokahano e itseng le mokhatlo o itseng o moholo. Etsoe ho itoketse, empa, hoo, ha ke tsotelle hore u setho sa mokhatlo ha kae, eba setho sa hohle moo u batlang. Empa, ntho ea pele, ngola lebitso la hau Bukeng Mono, e re Molimo a le ngole Maling a Jesu Krete, amohela Moea o Halalelang, ka tumelo ea ho lumela Lentsoe le leng le le leng leo A le ngotseng, hore Ke 'nete. Ke moo he. Eaa.

¹⁶¹ Joale, mosali enoa e ne e le Mogerike, le ho qaleng, empa tumelo e fumana mohloli oo ba bang ba sa tsebeng letho ka oona.

¹⁶² Joale, hopolang, Lentsoe la Hae—la Hae ke Sabole. Bibe le itsalo. Ke Sabole. Baheberu, 4, 4:12, haeba le batla ho e ngola fatše. Baheberu 4:12, e Mo boletse, “Lentsoe la Molimo le bohale le fetisa sabole e leolitsoeng ka nqa tse peli.” E reng ke khefutse mona motsotso feela. Mamelang. “Lentsoe la Molimo le bohale le fetisa sabole e leolitsoeng ka nqa tse peli, le hlaba ho isa mokong oa lesapo, le joalo-joalo, mokong, le Mosenoli oa mehopollo ea pelō.” Na ho joalo? Hoo—hoo, ha re emeng motsotso feela,

nahanang joale, “Ke Mosenoli oa mehopolō ea pelo.” Na Lengolo le bua leshano? Le ke ke la etsa joalo. Haeba Le Itoantša, ha le lokeloe ke pampiri eo le ngotsoeng ho eona, ke mothetsi. Haeba litšepiso tsa Molimo li ikhanyetsa, ebe—ebe u tla lumela’ng?

¹⁶³ Joaloka moshanyana oa Moindia ea sa tsoa etela Ngaka Morris Reidhead le bao, mopresidente oa Sudan Mission, ’me a ema mono ’me a re, “Hopola,” ho re, “rea tseba Jesu o a phela,” a re, Ngaka Reidhead a re—a re, “hobane O phela pelōng ea ka. Ke hantle.”

¹⁶⁴ A re, “E, le Mohammede o phela pelōng ea ka, hape.” A re, “Re ka hlahisa saek’holoji hakaalo ka ho Mohammedane joaloka Bokreste.” Empa ho re, “Be, ke batla ho bona lipontšo tseo tsa pontšo, lipontšo tsa Mareka 16 li phethisitsoe.”

¹⁶⁵ A re, “Oh, hoo,” a re, “u a—u mpa feela . . .” A re, “U a bona, monghali, ho qala ka khaolo ea 9 . . . temana ea 9 ea khaolo ea 16 ea Mareka, ha e a bululeloa joaloka tse ling tsohle. Seo se sa tsoa beoa mono ke Vatican.”

¹⁶⁶ A re, “Mohlomong kaofela ha Eona ha e a bululeloa. Ka baka leo u bala Buka ea mofuta mong?” A re, “Korane eohle e bululetsoe.” Ke lihlolong tse kakang! Ke lihlolong tse kakang ho kereke ea Bokreste! Leo ke Lentsoe la Molimo kapa ha Se Lentsoe la Molimo. ’Me ha u ka beha tumelo holim’a Lona feela, u Le shebelle ha le sebetsa. U a Le lumela, ho Le amohela. E, monghali. Re a Le lumela.

¹⁶⁷ Eng? Mosenoli oa mehopolō ea pelō. Joale shebang, “Lentsoe le ne le le tšimolohong, Lentsoe le ne le le ho Molimo,” Santa Johanne 1, “’me Lentsoe le ne le etsoe nama, Krete.” ’Me eitseha A fihla mona, A sheba holim’a batho. Mosali e monyenyanane a ama seaparo sa Hae, A reteleha, ho re, “Ke mang ea Nkamileng?” Petrose a Mo khalemela. A qamaka a re, “Ke mang ea Nkamileng?”

A re, “Motho e mong le e mong o a U ama.”

¹⁶⁸ Ho qamaka le ho re, “Empa ke a lemoha Ke ka felloa ke matla.” Ho sheba kantle. “Phallo ea hau ea mali e khaolitse.” Eng? Lentsoe la Molimo le lemoha mohopolō.

¹⁶⁹ Bafarisi bao ba re, pelong tsa bona, ba itse, “Ke Belsebule. Le a bona, Eena, ke seo A leng sona. Ke hantle feela.”

¹⁷⁰ A retoloha a re, “Ke tla le tsoarela seo.” Jesu a talima bamameli ’me a bona mehopolō ea bona. E ne e le eng? Lentsoe, Lentsoe le entsoeng nama, le senola mehopolō le merero ea pelo. Ke seo Lentsoe la Molimo le leng sona joale. Ke oa maobane, kajeno, le kamehla. Le a bona?

¹⁷¹ U tlameha ho kenya Lentsoe le phelang ka ho uena ho ba le Molimo o phelang ka ho uena, hoba Lentsoe mona ke Molimo ha Le etsoa nama ka ho uena, ho etsoa Moea, Bophelo ka ho uena. Ha Le kena nameng ea hau le tumelong ea hau, le ho

fetoha Bophelo, eba u mohlala o phelang. U lengolo la Molimo, le baloang ke batho bohle. U ke ke oa ba le Eona joaloka Kreste, e seng botlalo, hobane E arotsoe ka Tsatsi la Pentekosta.

¹⁷² Joale, lona batho ba lumelang hore le tlameha ho bua ka lipuo ho fumana Moea o Halalelang, ke batla le mamele sena motsotso feela. Ha Moea o Halalelang o ne o theoha, ka Letsatsi la Pentekosta, E ne e le maleme a mollo. E ne e le Topallo ea Mollo e tsamaisitseng bana ba Iseraele, e ne e Ikarotse 'me e lutse holima e mong le e mong oa bona, Molimo ka hara Kereke ea Hae. E, monghali, Moea o Halalelang. Ke hantle. Ke hona moo ba amohetseng Moea o Halalelang, mohla ba buileng ka lipuo. E ne e se leleme le sa tsejoeng, ba ne ba bua le batho kantle mono ba ba utloisisang. Evangeli e tlameha ho tsoa nakong eo. Ba ile ba kena har'a letsoele, ba ntoo tsoela mabaleng ba qala ba bua ka lipuo, e seng tse sa tsejoeng. U bea koloi ka pel'a pere ha u nahana hore u tlameha ho bua ka lipuo tse sa tsejoeng. Che, monghali, ba buile ka lipuo. Batho ba utloisisa e mong le e mong, "Ho ea ka'ng ha re utloa e mong le e mong ka puo ea rōna eo re tsoaletsoeng ho eona?" Ketso ea Molimo ho romela Moea o Halalelang. Hakaalo bakeng sa seo.

¹⁷³ Lentsoe lena la Molimo le bohale le fetisa sabole e leolitsoeng ka nqa tse peli, esita e le Mosenoli oa mehopolo ea pelō. 'Me eng? E ka tsoaroe ke letsoho le le leng feela. Sabole e a laola. Eona—ha e na letho ho eona haese ha e tsoaroe ke letsoho. 'Me ha letsoho la tumelo le ka phahamisa Lentsoe la Molimo, le tla etsa seo Jesu a se entseng. "Mesebetsi eo ke e etsang le tla e etsa le lona."

¹⁷⁴ Mohlomong u ka ngoapa hanyenyane, mohlomong letsoho la hau la tumelo le a fokola, u ka ngoapa ho lekana ho re, "Be, ke bona leseli le lekaneng la letsatsi ho bona hoba ke bolokehile." Empa ho ka thoenng ka litšepiso tse ling? Haeba u tsoere letsoho le matla la tumelo, phahamisa Lentsoe la Molimo le tletseng 'me u phunye lefifi ka leng, amen, ho fihlela Leseli la Molimo le chaba kahare, le ho shebana sefahleho le sefahleho le Molimo, ho ema Lentsoeng la Oona. Amen.

¹⁷⁵ Litšitiso tsa hae li ne li ngata, mosali enoa e monyenyanane oa batho. O fumane litšitiso tse ngata, empa tumelo ea hae e ne e se na letho. Che, che. O ne a utloile. Tumelo e ne e tsoere. O ne a utloile 'me tumelo ea hae e ne e tsoere. Joale, ba ka be ba 'moleletse sena, "U a tseba u Mogerike. U a tseba u ke ke ua fumana letho, hobane khethollo e teng, u a bona. U ke ke ua fumana letho mona." Empa na o ile a tsotella hoo? Che, monghali. A ena le tumelo, 'me tumelo eo e le phetho seo a neng a se hloka, hoba o tsebile leo e ne e le Lentsoe la Molimo le emeng mono. O ne a e-na le tumelo. Ekaba ba bang ba buile le eena tjena, "Empa bea butle motsotso!" Sechaba sa habo ka sebele, kereke ea habo e ka ba e itse, "Joale bea butle motsotso, matsatsi a mehlolo a fetile. U se ke ua theohela mono. Matsatsi a mehlolo a fetile." Empa ntho e 'ngoe hape e teng ka tumelo, e fumana mohloli o sa

natseng hoo, 'me ha natse hoo feela. A se a thonakile Lentsoe leo. Ke Lentsoe. O ne a fumane tumelo ho Le tšoara. A tsoelapele. Ba ka be ba mo tšehile, ha thoe, “Be, motho e mong le e mong o tla u tšeha, hobane morali oa hau o tla kula isao joaloka ha a kula selemong sena. O sa ntse a tla ba le liabolosi eo, o tla kula hakaalo feela.” Empa ha a ka a tsotella hoo. Tumelo e ne e tšoare, ua bona. “U tla khaoloa kerekeng ea hau ha u ka kena ho e 'ngoe ea tseo. Hopola feela, ba tla u leleka. Ba tla u khaola.” Hoo ha ho a bolela letho ho eena. Tumelo ea feta holim'a eona. A ikemiselitse ho fihla ho Jesu. Ke eona.

¹⁷⁶ Joale, ho boloka nako, re ka nkaq thero ho e 'ngoe le e 'ngoe ea tseo ra lula ho eona, empa joale ho boloka nako. Eitseha a fihla ho Jesu, a fihlela masoabi, ka bo-eèna, empa e seng tumelo ea hae. Eitse ha a fihla ho Jesu, A re, “Ha ke a romeloa morabeng oa lona.” Tatolo e kakang! “Ha ke a romeloa ho lona batho ting.” Nahanang feela, Eo a hopotseng tumelo ea hae e ne e le ho eèna, 'me A mo hana. “Ha kea romeloa ho lona batho ting, ke rometsoe ho Iseraele feela. U Molichaba, ha kea romeloa ho lona. 'Me, ntle le moo, ha le letho le lintja feela.” Shuu! Hoo ha ho a sitisa tumelo eo, ea 'na ea tsoelapele feela. E, ho re, “Ke rometsoe feela linkung tse lahlehileng tsa Iseraele.”

¹⁷⁷ Joale, hola e ne e le e mong oa rona, oho, khili, ho ka be ho felile. “Bolumeli ba hau, ha ho letho ho bona.”

“Oooh, o buile ka bolumeli ba ka, ha ke sa tla Mo utloa hape!” Uh-huh, ke moo. Tsoelapele, u a bona, u ke ke ua fumana letho. Lula le Lentsoe leo feela. Moo Lentsoe leo le leng teng, u tsamaea le Lona hantle. Tumelo e ne e ankoriloe!

¹⁷⁸ Ekaba ba bang ba itse, “Be, joale, ke tla u bolella taba, ba tla u tšeha. Ba tla u ntša kerekeng ea hau.”

“Ba mpe ba nteleke. Le a bona, ho itoketse.”

¹⁷⁹ Jesu o itse, “Ha kea romeloa morabeng oa lōna, ha kea tlela lōna batho ting ho hang. 'Me ha le letho le mpa le le lintja, ha Kea tšoanela ho nka bohobe ba bana ho bo lahlella lona lintja.” Shuu!

¹⁸⁰ Holane e le e mong oa lona Mamethodise, e mong oa lona Mabaptise, Mapresbeteriene, e mong oa lona Mapentekosta? Oh, khili! U ka be u itse, “Khele, moikaketsi eo! Ke tla bolella Ngaka *Sekete-kete* le *Sekete-kete* o—o ne a nepile.” Ua bona, ha u na tumelo ea letho.

¹⁸¹ O tsebile hoba thuso e robetse mono. O ne a utloile. Tumelo e tla ka kutlo. Ho utloa eng? Lentsoe. O tsebile ntho ea makhonthe e le teng mono. E. A 'na a tiisetsa. Ho sa tsotelehe haeba a . . . O itse, “Joale, hopola, ha Kea romeloa ho lona. Ntate ha a Nthomella lona Balichaba, lona sehlopha sa lintja. Le nahana Nka nka bohobe ba bana ka bo lahlella lona sehlopha sa lintja tse se nang tokelo? Ha Kea romelloa lona.” Empa tumelo ea hae ea tiisetsa hantle.

182 Moena, e ne e se semela sa ntloana-karubetso, se neng se loketse ho nenesoa, ho bokotsoa joaloka sejalo sa kajeno, “Oh, khili, be, ha ke sa tla ea hape, ke phetho se leng teng.” Oh, khili. Ha ho makatse ha u sa khone ho tsoara Sabole eo ea tumelo, ha ho makatse ha u qeka ka Lentsoe. U ea kae moo u ka utloang nthoana e itseng e salifetseng e kopantsoe hammoho. Uena semelanyana sa ntloana-karubetso, uena. Kokoanyana ea pele e u otlang, e a u bolaea, u tlameha ho nyanyatsoa ka linako tsohle. “Oh, le se ke la lumela ntho tseo, matsatsi a mehlolo a fetile,” ke senyanyatsi sa liabolosi. Setlabocha!

183 O ne a se joalo. Moena, o ne a tiile. O ne a hlile a tsoere ho hong. A tiisetsa. O ile a etsa'ng? A lumela hore O ne a nepile. Kamehla o . . . 'Me tumelo ea makhontho ea sebele, mamelang, leha e hlaba mokhatlo oa hau kapa che, e tla amohela 'Nete. E, monghali, 'Nete, tumelo. Ha u ena le tumelo, 'me e le Lentsoe la Molimo le tšepiso ea Molimo, ho sa tsotelehe seo ba bang ba se buang, u a Le lumela, u a Le amohela. A re, “Ke 'Nete, Morena. Ke Mogerike, ha ke na tokelo. Ke—ke ntja, ha ke . . . Ha ke—ke na tokelo ea letho, empa ke mpa ke batlana le marathana feela.”

184 Ke setsomi sa makumane, ka bonna, lona ha le joalo? Ke batla makumane feela, Morena. Nke ke ka fumana kereke e kang ea bona ka Letsatsi la Pentekosta. Haeba ke sa khone, Morena, nke ke khaketse makumane a oang. Petrose o itse, ka Letsatsi la Pentekosta, “Hona ke Hoane.” 'Me esale ke boletse, haeba sena e se Sane, ke tla boloka sena ho fihlela Sane se fihla, le a bona. Yaa. Yaa. Ke tla boloka sena ho fihlela Sane se hlaha. Ua bona? Lena ke Lentsoe. Ha motho . . . Ha ke . . . Mohlomong ha ke—ke—ke a rua tumelo e lekaneng ho falla joaloka Henoke, le ho nka leeto la thapama le ho nyolohela hae le Molimo, empa ke tla u bolella ntho e le 'ngoe, nke ke ka ema tseleng ea mang ea nang le tumelo e kaalo. E, monghali. Haeba a e tsoere, ho bokoe Molimo, ke e lebohela haholo. Lentsoe leo le ankore ka mono. Ke tšepa E ankora ka ho 'na joalo mohla lefu le fihlang, ke bona tsela e bulehileng koana, ho tsoelapele hantle feela. Ke hantle. E, monghali. Oh, ke mpa ke batlana le makumane.

185 Empa, ha u leka ho bolella batho ba bang bana ba mehla ena kajeno, u nke makumane feela. “Oh, che!” Haeba ba sa fumane setulo sa pele, ha ba batle letho ho hang. “U theohela ho 'na kapa . . .” Joaloka Naamane ka lepera la hae, “U tla theoha u mphathatse ka matsoho le ho mpoelilla lintho tsena tsohle tse fapaneng, le joalo-joalo, kapa ha ke E lumele ho hang. Ke eona tsela. Khele, ha ke sa tla hlola ke khutlela morao.” Ke ka hona le sa fumaneng letho. Le a bona?

186 U tlameha ho ikemisetsa ho nka makumane. Na le a e utloa? Nka makumane, moena oa ka, nka makumane, khaitseli ea ka, ho sa tsotelehe seo A u fang sona, ako E amohele feela. E re, “Molimo,” Mo lebohe, “ke na le tumelo e nyenyane feela, empa ruri ke tla tiisetsa ho eona 'me ke U lebohe ka Eona. Ke lumela

hore nka fola. E, Monghali. Ke lumela Lentsoe la Molimo le lokile, 'me ke tla tiisetsa ho Sena hantle. 'Me ke tla fola.' U shebe se etsahalang. Nka lerathana feela, lerathana le le nyenyane ho fetisa. Ehlile.

¹⁸⁷ Hopolang, o ne a eso bone mohlolo. E ne e le mohetene. Ha eso 'Mone a etsa mehlolo ea letho. A eso Mo tsebe e le Molimo. A eso tsebe, haese ka kutlo feela. Empa eitseha a fihla mono, mohlomong, 'me a bona seo A se entseng, keha ho fapane. Ua bona, ba ba utloile ba re, "Be, u a tseba Bibeleng ea bona E re Morena o tla hlahisa Moporofeta, 'me O tla etsa mehlolo le ho tseba makunutu a pelō, le ho bolella batho lintho tsena, 'me ho tla etsahala lintho tse khōlō." "Na ho joalo?" Ha eso e bone e etsoa, empa a e lumela leha ho le joalo. Ke moo he. Ke moo he.

¹⁸⁸ Ke nahana ka Rahaba seotsoa, a eso bone Iseraele le ka mohla, empa o utloile, 'me a pata lihloela. O ile a hana ea hae—kereke ea hae, batho ba habo le ntho e 'ngoe le e 'ngoe, 'me a pata lihloela, hoba a utloile. Ha a re, "Emang ho fihlela ke utloa Joshua a rera ka nako e 'ngoe. A nke ke rale mohopolo oa ka hoba ke mo utloe a rera. E re ke bone Molimo o phetla Leoatle le Lefubelu kae-kae, kapa e re ke Mo bone a etsa ntho e kang eo. Mohlomong nka be ke le patile bohle hola ka bona ntho e kang eo." A se ke a emela hoo. A re, "Kea lumela. Re utloile. Re utloile."

¹⁸⁹ Oho Molimo, ke utloile, ke a tseba hore Jesu Krete esale eena maobane, kajeno, le kamehla. Ke a tseba Ke Molimo o bonahetseng nameng. Ke a tseba O phela kajeno ka Kerekeng ea Hae. Kea tseba O teng mona joale. Kea tseba. Kea tseba e ne e se setšoantšo sa ka seo A se katlalitseng, kea tseba E ne e le sa Hae. Ke a tseba ke eona Topallo ea Mollo e nang le rōna kajeno, hoba E etsa mesebetsi e tsoanang, lipontšo tse tsoanang, meeka e tsoanang, lintho tse tsoanang le tseo A li entseng. Ke eona Topallo ea Mollo e tsamaisitseng Iseraele. Athe, Jesu, mang le mang ea tsebang Biblele ea hae o Mo tseba e ne e le Lengeloi la Sele Kane, Lengeloi le ba eteletsenseng pele felleng. Na Krete ha a . . . Moshe o lekantse sekhobo sa Krete e le matlotlo a fetisang a Egepete ka boholo? Ho sala Topallo ea Mollo morao ho kena lefeelleng.

¹⁹⁰ Jesu, mohla A neng a . . . Topallo eo ea Mollo e ne e bonahatsoa, O itse, "Ke tsoa ho Molimo 'me Ke khutlela ho Molimo." O khutletse ho Ntate.

¹⁹¹ Ka mora lefu la Hae, kepele, le tsoho, le nyolohelo, Pauluse, Saule oa Tarese mohlango, tseleng e theohelang Damaseka, a otloa ke eona Topallo eo ea Mollo, eo ho seng motho ea E boneng. Bohle ba eme ka mathoko, ha ba ka ba E bona, empa Saule o E bone. 'Me Puo ea re, "Saule, Saule, u Ntlhorisetsang na?"

A re, "U Mang, Morena?"

A re, “Ke ’na Jesu.” Le a bona? “Ke tsoa ho Molimo, Ke ea ho Molimo.”

¹⁹² Joale, ha nka le bolella hoba bophelo ba John Dillinger bo ahile ka ho ’na, u ka lebella hore ke be le lithunya tse kholo kantle mona ho le thunya. Ke u boleletse hore bophelo ba setaki bo ne bo ahile ka ho ’na, u ne u ka lebella hore ke take setšoantšo sa setaki. Mamelang, kereke! Ha ke le omanyane. Shebang, haeba Bophelo ba Krete bo le ka kerekeng, bo tla etsa. . . Haeba Moea o Halalelang o le ka kerekeng, haeba Topallo ena ea Mollo eo mahlale a katlalitseng setšoantšo sa eona, le joalo-joalo, seo re se bonang mona kerekeng ka mehla, haeba hoo e le Moea oa Krete, O tla etsa mesebetsi ea Krete. Jesu o itse, “Ekare ha le sa lumele ho ’Na, le lumele mesebetsi eo Ke e etsang. Ke eona e Mpakang.” Haeba Moea o Halalelang e sa le oa ’nete, ke moo Moea o Halalelang o tlang ho Ipakela. Lumelang mesebetsi ea Moea o Halalelang.

¹⁹³ Ho hlahile boikaketsi bo bongata le boetsisi. U lebeletse hoo. Molimo o itse e tla fihla. Empa e leka ho etsa ’ng? Efela ha dolara ea moshagane e le teng, e tlameha ho qopitsoa ho ea makhonthe. Le bone batho ba itlalehang ba ruile Moea o Halalelang, le ho phela bohloeng, le ho noa, le ntho eohle esele, ha ba na Oona. Ba leka ho O etsisa. Empa motho oa sebele oa makhonthe ea nang le Oona o teng, ea nang le Moea o Halalelang, ’me Molimo o thasisetsa Mantsoe a Hae ka mehlolo e latelang. Seotsoa se utloile, sa E lumela.

¹⁹⁴ Joale, mosali enoa, mosali enoa oa Moserofenisia, o lumetse le eena, Mogerike enoa. A re, “Morena.” Pele a re, “Uena Mora Davida.” Molichaba ha a na tšoanelo ho Krete ka Mora oa Davida; e ne e le ka Khosi Davida, morabe oa Bajuda. A se ke a mo natsa. Empa eitse ha a reteleha a re, “Morena, nthuse!” Amen, hoo ha Mo tšoara. E ne e le Morena oa hae; e seng Mora oa Davida, empa E ne e le Morena oa hae. “Morena, nthuse!” Hoo ha Mo tšoara. ’Me eèna. . . A retoloha. A re, “Ke ’nete lintja li ja makumane a oang tafoleng ea benghali. Ke ’nete.” Shebang eng, mosali eo o ne a atametse neo ea Molimo ka tšoanelo. O itseng? O ’moletse a e atametse ka tšoanelo.

¹⁹⁵ A mo hlabisa lihlong, A re, “Uena u. . . Ha Ke a romeloa ho uena. Le lintja molokong oa lona. Merabe ea lona ha se letho haese lintja. Ha kea romelloa ho lona.”

¹⁹⁶ ’Me a re, “Ke ’nete, Morena.” Lentsoe ke leo. Amen. Lula le Lentsoe. Kamehla tumelo e tla elelloa Lentsoe. “Empa lintja li ja makumane a tlas’a tafole ea beng ba tsona.” Hoo ha Mo tšoara. “Morena, nthuse!”

¹⁹⁷ A retoloha ’me A re, “Ka polelo ena, oho mosali, tumelo ea hau e kholo. ’Me, ka polelo ena, liabolosi o tlohetse morali oa hau.” Eng, o ile a fumana eng? O ile a atamela neo ea Molimo ka tsela e nepahetseng. U loketse ho atamela. . . ’Me, le hopole,

e ne e le Molichaba oa pele eo mohlolo o kileng oa etsoa ho eena ke Mora oa Davida. Hopolang, ke mohlolo oa pele o etselitsoeng Molichaba, ke hantle, pholiso ena ea mosali oa Moserofenisia. Ke hantle. O ne a atametse neo ea Molimo ka tsoanelo. Tumelo e lumela Lentsoe le lokile. Tšabo, boikokobetso. Ua bona?

¹⁹⁸ Ha u potolohe u re, “Huh! Ha ke—ke lumele nyee eo. Haeba katekisima ea rōna e sa e bue, uh-huh, ha ke bone.” Ho sa tsotelehe seo katekisima ea hau e se buang, u bea katekisima kapa ntho efe holim’a Lentsoe la Molimo? Lentsoe la Molimo le lokile. Ntho efe esele ke leshano. Ua bona?

¹⁹⁹ ‘Me a tla ka tšabo, ka khotso, ka tšabo, ka boikokobetso. U tlameha ho ikokobetsa. Tsela e eang holimo ke tlase, kamehla. “Ea ikokobetsang o tla phahamisoa, empa ea iphahamisang o tla kokobetsoa.”

²⁰⁰ Shebang Maretha tsatsing leo. Oh, kea tseba ke le tsoarella halelele, empa ke—ke tla lefetsa khetlo le leng e be khutšoane haholo. Mamelang, ke sa lokela ho bua lintho tse ’maloa hona joale, ke tla ea. Kea tšepa ha ke phephetse mamello ea lona. Maretha, o ne a hlile, a ena le mamello e ngata ka pela Sefahleho sa Jesu. Shebang, o nyolohetse mono ’me o itse, “Morena.” Joale, hopolang, o rometse ho Eèna ho tla rapella moena oa hae, ’me ha A etsa joalo.

²⁰¹ Joale, ho Johanne 5:18, Jesu o itse, Johanne 5:19, kea kholoa ke eona, Jesu o itse, mohlā A fetang letšeng la Bethesda mono, ’me A bona, O tsebile monna e mong a kutse ka bofokoli lilemo tse mashome a mararo a metso e robeli. Bonang, batho ba ka bang likete tse peli ba eme mono, masea a hlooho tsa metsi, lihlotsoa, lifofu, liqhoala, ba omeletseng, ba sothehileng. Jesu a feta letšeng, a qamaka hohle, a tletse lerato, a tletse lereko. Le a bona, ha re tsebe seo lerato le se bolelang. Re le nka ka lehlakore la motho. O kutloelobohloko, ehlile, le bua ka kutloelobohloko ea motho. Kutloelobohloko ea makhonthe ke ho etsa thato ea Molimo. Ua bona? Ke eona.

²⁰² “Oh, nke ke ka bua letho ho eena, hobane ke moshanyana ea lokileng. O—o—o a noa, o etsa *sena*.” O hloka Krete. “Nke ke ka ’molella eona, hobane esale e le setho sa kereke eo nako e telele. Nke ke ka bua ka pholiso ea Khalalelo ho eena.” Oh, moena, ha u tsebe seo kutloelobohloko e leng sona.

²⁰³ Jesu o fetile mono, O tsebile thato ea Molimo. Hopolang, O mpa feela—O sa tsoa tsosa monna ea shoeleng. ’Me le hopole se hlahlileng mona. A feta letšeng leo mono, a feta pel’a letša lena, bommè ba tsoere masea. Ba ne ba leka ho emela Lengeloi la Morena ho fuluha metsi. A feta mono, A ea ho monna ea bofokoli, ha re re bothata ba proseteite. O bile le bona lilemo tse mashome a mararo a metso e robeli. E ne e le kholofalo. E sa tlo ’molaea. A re, “Na u rata ho fola?” Ho ka thoeng ka lifofu tlena, liritsa, lifofu, ba shoeleng litho, ba omeletseng litho? A re, “Na u rata ho

fola?” Ua bona, O tsebile moo a eang teng. Molimo, Lentsoe, la Mo tataisa. Joale, O itse, “Na u rata ho fola?”

204 A re, “Monghali, ha ke na motho ea ka nkenyang letšeng.” A khona ho tsamaea. A re, “Ha ke theoha, motho e mong o nketa pele.”

205 A re, “Nka liphate tsa hau u kene tlung ea hau.” A botsoa. 'Me ba tlisa Jesu lekhotleng ho 'Motsa.

206 'Me hola A ka etsa hona hoo kajeno, O ne a tla botsoa. Hantle. “O siile likete tse peli, ho ka thoeng ka bona? Ke tseba motsofe Moena *Sekete-kete* tlase mono. Khaitsemi *Sekete-kete*, ke mosali ea lokileng. O se a robetse mono lilemo tse mashome a mabeli. Hola Molimo o le teng ho Eëna, A ka be a theohile a etsa hoo.” Liabolosi eo oa khale o bua ntho e tšoanang le kajeno. “Ha U le eena. Haeba hona ho le joalo. Haeba hoane ho le teng.” Liabolosi eo oa khale, le a bona, eona ntho ea khale.

207 Ka baka leo Bafarisi bana ba ne ba 'Motsa holimo mono ka lintho tse. Mo shebeng, “Kannete, nete, Ke re ho lona, Mora o sitoa ho etsa letho a Inotši haese seo A bonang Ntate a se etsa.” O—O bone pono. Pono e Mo bontšitse. “Seo ke bonang Ntate a se etsa, le Mora o se etsa joalo.” Jesu Krete esale eena maobane, kajeno, le kamehla. Le a bona, 'ona Molimo oo.

208 Joale, Maretha, ka pel'a Sefahleho sa Hae, o ne a eme mono. A re, “Morena, holane Ua ba teng mona.”

209 Joale, hobaneng A sa tla? Hobane Ntate o ne a Mo bontšitse pono ea hore Lazaro o tla shoa. Joale, shebang, ba—ba rometse, 'me A ea motseng o mong. 'Me ba boela ba romela, A ea motseng o mong. Eaba qetellong O re, “Lazaro o robetse.” Oh, bao . . . Ke lipehelo tsa Hae tseo. Ha ho lefu ho Mokreste. Re tseba seo.

“Oh,” ba itse, “haeba a robetse, o etsa hantle, o phomotse.”

210 A re, “Empa o shoele,” a ba bolella ka puo ea bona. “Empa ke tla ea mo tsosa.” Oh!

211 A nyolohela moo a neng a le teng, oh, ke bona sena. Ha u kena motseng, ke utloa Bajuda ba re, “Uh-huh! Mofolisi oa Khalalelo ke eo! Uh-huh. Ba tlohetse kereke ea bona, ntho eohle esele, ho Mo latela. 'Me mohla mathata a makhonthe a hlahang, esita le motsoalle oa Hae, O ile a thoba a tsoa motseng. Ho romela, joale O khutlile.” Jesu a tsoelapele.

212 Empa Maretha e monyenyanane, ntho e 'ngoe tlase pelong ea hae, ntho e 'ngoe. A batla a le lesisitheho kamehla, a batlile ho boloka ntlu e hloekile le ntho eohle, 'me Maria a mamela Lentsoe. Empa mona ke hona moo a bontšitseng 'mala oa hae, a nanya a tsoa hantle a theohela mono. Joale, eena, le tseba seo ke se lumelang, o ne a balile ka mosali eo oa Moshuneme, Moshuneme, le a tseba, ka Bibeleng. Joale, o ile a reng? O ile a tsoa, a re, “Morena.” Ke seo A neng a le sona. Ea ka o na le tokelo ea ho Mo khalema, ho re, “Hore'ng U sa tla? Khele, re ke ke. . . Joale re

U lumela u hlile u le mohalaleli mothethehi.” Le a bona, mohlolo oo o ka be o sa etsahala.

213 'Me ke ka hona e sa khoneng ho etsahala kajeno. Oh, O mona ka sebopeho sa Moea, e seng hore u a 'Mona, empa eng: Ke Moea o leng Lentsoeng la Hae. Le a bona? Oh, ehlile. U rapella tsosetso, 'me e qhoma ka hare ho kereke, ho etsahala ntho e 'ngoe kapa e 'ngoe, 'me motho o a hooeletsa “khanya ho Molimo, allelua,” u ka koala kereke. Ha le tsebe seo tsosetso e leng sona. Kreste o tla kerekeng, 'me esita le sa Mo amohele. Ho etsa mohlolo le ho folisa motho, le ho re, “Be, mohlomong e ne e le ho bala mohopolo.” Ha ho makatse ha A sa khone ho sebetsa hara lona. Ha ho makatse ha kereke ea Laodisea, A le ka ntle, a kokota, a leka ho khutlela kerekeng ea Hae ka Sebele. Ke mongoaha oo re phelang ho oona joale. Mekhatlo ena ea liphutheho e Mo ntšelitse ka ntle ho fihlela A le ka ntle, ho leka ho khutlela ka hare. Ke hantle, ho ntšetsoa ka ntle!

214 Joale, re fumana Maretha a nyolohetse ho Eèna, ho re, “Morena, holane Ua ba teng mona, khaitsetsi ea ka a ka be a sa shoa. Empa esita le joale, sohle seo U se kōpang Molimo, Molimo o tla U nea sona.”

215 Mo shebeng, O mo lekile. O itse, “Khaitsetsi ea hau o tla tsoha hape.”

216 Ho re, “E, Morena. E ne e le moshanyana ea lokileng, o tla hlaha tsohong ea bohle. O tla tsoha letsatsing la bofelo.”

217 Ho re, “Ke 'na Tsoho le Bophelo.” Mono teko ea hlahisoa. Monna ea emeng mono a re . . . E le Monna a le mong ea kileng a phela, Monna a le mong ea tla phela le ka mohla ea ka buang seo, Mora oa Molimo, o itse, “Ke 'na Tsoho le Bophelo.”

218 Bibe e itse, “Ha ho botle bo ka re khahlisang ho Eèna.” Ekaba mahetla a Hae a manyenyane a ne a kobame, a pulufala, athe O ne a le lilemo tse mashome a mararo 'me A lekanyetsoa ho mashome a mahlano.

219 A re, “U lilemo li mashome a mahlano feela, athe U re u bone Abrahama. Joale rea tseba U a hlanya.” Ua bona? Ekaba mosebetsi oa Hae o ile oa Mo katla.

220 A re, “Pele ho Abrahama, Ke teng.” Amen. Ba ne ba sa e tsebe. Ke eo O ne a siretse kahara nama ea motho.

221 Ho re, “Ke 'na Tsoho le Bophelo. Ea lumelang ho 'Na, leha a shoele, o tla phela. Ea phelang 'me a lumela ho 'Na a ke ke a shoa le ka mohla. Na u lumela see?”

222 A re, “E, Morena. Ke a lumela hobane U Mora Molimo ea neng a tla tla lefatšeng.”

“Le mo patile kae?”

223 Ke tšoare nthoana mona eo esale ke e bua, le a tseba, ke a tšepa ha ke thonkhe maikutlo a motho ha ke e etse ka boomo.

Mosali oa Christian Science o mpoleletse khetlo le leng, a re, "Moena Branham, u ithorisa haholo ka Jesu."

²²⁴ Ka re, "Oh, che, che." Ka re, "Ha ke ithorise ka ho lekana. Ekare nka be ke fuoe puo ea ho ithorisang ka Eëna." Ua bona?

'Me a re, "Be, u Mo etsa Molimo."

Ka re, "E ne e le Molimo! E sa ntse e le Molimo. E tla ba Molimo kamehla."

A re, "E ne e le motho ea shoang. E ne e le motho."

Ka re, "E ne e le Motho le Molimo 'moho."

²²⁵ A re, "Ke tla u kholisa hoba E ne e le motho ea shoang feela, ka Bibehe ea hau."

Ka re, "E re ke u utloe u etsa joalo."

²²⁶ A re, "Santa Johanne, khaolong ea 11, Jesu o ile lebitleng la Lazaro 'me A lla."

Ka re, "Na leo ke Lengolo la hau?"

A re, "Ee."

²²⁷ Ka re, "Khaitse!" Ha ke a ikemisetsa ho thunthetsa borapeli. Ena ha se nqalo ea metlae, empa ke mo boleletse eona feela. Ka re, "E sesane ho feta moro o entsoeng ka seriti sa khoho e bolailoeng ke tlala." Ka re, "Khele, u tseba hantle le ka ho hlaka hore e ke ke ea ba ntho e kang eo." Ka re, "E re ke u bolelle taba."

²²⁸ Ke enoa A tloha, mahetla a kobame, a lla, O lla le uena ha u lla. O utloa mahlaba a hau. Ke Moprasta e Moholo ea ka angoang ke maikutlo a mefokolo ea hau. A lla, a theohela lebitleng, a tseba seo Ntate a 'Moleletseng sona. Hoba O itse ha A etse letho pele Ntate a Mo bontša. Ke eo moo A neng a le teng, le a bona, a tsamaea. O ne a tla mo tsosa, empa A ka lla joaloka motho le batho. A ea lebitleng, a lla. Empa eitseha A ema mono, oh, khili, a re, "Tlosang lejoe."

²²⁹ Ho re, "O a nkha!" Nko ea hae e se e hohlometse kahare. Lihora tse mashome a supileng a metso e 'meli, ua bona, kapa matsatsi a mane le masiu. Le a bona, sefahleho sa hae se putlame, o bolile, o bolile.

²³⁰ A re, "Tlosang lejoe." A ema morao mono a re, "Ntate, ke a U leboha ha U Nkutloile kamehla, empa Ke—Ke buile sena feela," ua bona, O ne a se a 'Moleletse, O itse, "Ke mpa ke bolella bana ba emeng mona: Lazaro, tsoa moo!" Amen. 'Me monna ea neng a shoele matsatsi a mane, a ema ka maoto a hae 'me a phela hape. E ne e le ea fetisang motho. E ne e le ea fetisang motho. Ehlile bo.

²³¹ Eo e ne e le motho ea fetisang monna ea theohileng thabeng bosiu bo bong, a lapile, a batla seo a ka se jang. E ne e le Motho, O ne a lapetse ho ja. Empa mohla A nkang hlapa tse hlano, kapa libasekeiti tse hlano le lihlapa tse peli, a fepa likete tse hlano, e ne e le ea fetisang motho. Ke hantle. Ke 'nete. E, monghali.

232 E ne e le Monna mohla A robetseng motšeo ho mokoroana oo bosiung boo, a khathetse hona, molemo o tsoile ho Èena, thero le pholiso, 'me liabolose a nyoloha, 'me mohlomong matemona a likete tse leshome a leoatle, a re, "Re tla Mo qoelisa joale, O robetse." Joaloka ha ba entse Pauluse kantle mane sefefong. "Re Mo fumane joale, re Mo chehetse leraba. O robetse, re tla tebisa sekepe seo." Liabolosi a bululela moea oa hae mono, 'me sa tlolela holimo-le-tlase joalo. Maqhubu ha a ka a Mo tsosa. E ne e le Monna ea robetseng morao mono, a khathetse, a robetse.

233 Empa hang hoba A phaphame, oh, khili! "Oh, e-eang le tsose Jesu!" Ho beha leoto la Hae. . . Oh, kereke, ke seo u lokelang ho se etsa. Ekare nka be ke fumana nako ke rera joale, le a bona, ka taba eo. Le a bona? A bea leoto la Hae holim'a morumo oa sekepe, a lelala, a re, "Khotso, khutsa." Le a bona? 'Me maqhubu le meea tsa Mo utloa. E ne e le ea fetisang motho, ho nkile Molimo ho etsa hoo.

234 Eya, A lla sefapanong, ho kopa mohau. Ke hantle. Ho nyoroa sefapanong. A shoa joaloka motho. Empa hoseng ha Paseka, ha Lengeloi le phikolosa lejoe, 'me Monna ea neng a shoele, a hlola lefu, lihele le lebitla, ho tsoa, a hlotse lefu, lihele le lebitla. A re, "Ke 'Na ea neng a shoele, 'me Ke phela kamehla le mehla." Eo e ne e se motho feela. E ne e le Molimo ka ho Monna eo. E, monghali.

235 Tumelo ha e latole 'Nete ea Hae le ka mohla. Oh, ntho e kang ho re, "Topallo ea Mollo, e ne e sa loka. 'Me mehlolo ea Moshe e ne e sa loka," ba rialo kamehla. Ho sa tsotelehe bosaoana ba eona, e tiisetse Lentsoe hantle. Hantle. Oh, u ka ba—u ka ba le mamello. U ka phehella ha u hlile u tšoara Lentsoe la Molimo, ha u itšoarella ka Lona.

236 Joaloka Mikea, Mikea hantle mono, mohla baporofeta ba makholo a mane ba emeng mono, ba re, "Nyoloha, Akabe, nyoloha." Mikea o tsebile pono ea hae e khema le Lentsoe la Molimo. O buile Lentsoe leha ho le joalo. Ba itse, "Re tla u hlahlela chankaneng, re u nose metsi a mahlomola le bohobe ba mahlomola."

237 A re, "Le ka nkharameletsa kahare ha le batla." E ne e le eng? O ne a phehelletse. O tsebile Lentsoe la Molimo. O tsebile thato ea Molimo. O bone pono. O tsebile seo e neng e le sona. Pono e tsoa ho Molimo, hobane lipono li ne li bapisoa le Lentsoe la Molimo. Kajeno, molumeli e mong le e mong o tlameha ho loana, le uena u tlameha ho loana, hape.

238 Monna o na ntsa mpoella mona nakoana e fetileng, a re o ne a ile ho. . . a re, "U a tseba, e—e liabolosi e monyenyanane ea ka *bang* mokana o kile a ema mabapa le 'na torong." A re, "Liabolosi eo o itse, 'boo'; 'me ka re, 'umph.' 'Me," a re, "nako le nako ha ke qhomela morao, o ne a hola 'me 'na ke nyenyefala." A re, "Ntho ea pele u a tseba, 'boo,' 'me ke qhomele morao. 'Me eena. . . nako

le nako ha a re, 'boo, boo,'" ho mo qhomela. A re o ne a checha, ho checha, ho checha. Ho re, "A 'na a eketsa ho mpheta ka boholo." 'Me ho re, "Ka tseba ke tlameha ho mo loantša. Ka hona ha ke—ke a fumana letho, ka hona ka nka Bibeletse feela, 'me ka . . . a re 'boo'; ka re 'boo,' le 'na." A re, "A qala a nyenyefala." Ke hantle.

²³⁹ Ke seo u tlamehang ho se etsa, nka Lentsoe la Molimo. Ha u a tlameha ho re "boo," empa ho re "HO RIALO MORENA!" Phehella, ema Lentsoeng! Ke 'Nete. Re lumela Lentsoe kajeno. Re Le lumela joalokaha Mikea a Le lumetse. Re Le lumetse joalokaha ba bang bohle ba lumela. Ho sa tsotelehe ba bakae ba reng E fosahetse, E sa ntse e le 'nete. Jesu Kreste esale eena maobane, kajeno, le kamehla. "Ea lumelang ho 'Na, mesebetsi eo Ke e etsang o tla e etsa le eena." Na motho a ka u folisa? Che, monghali. E se e entsoe, u se u folisitsoe. Na motho a ka u pholosa? E se e entsoe. Ba e lumelang ba bakae? "Athe O *ne* a hlabele litlolo tsa rōna. O *ne* a tetekoe ka baka la bokhopo ba rōna." Na ho joalo? Hantle. "'Me re *ne* re folisoetse ka maqeba a Hae," lekhathe le fetileng. Sohle seo A ka u etsang sona se se se entsoe.

²⁴⁰ Joale O beile ka hara kereke, ho baballa kereke e tsepame le Lentsoe, eng? Baapostola, baporofeta, baruti, balisa, baboleli, liofisi tsa kereke. Ba romiloeng ke Molimo, e seng ba bitsitsoeng ke motho. Banna ba rometsoeng ke Molimo, ba bululetsoeng ho boloka kereke e tsepame. Joale, ke eng? Lineo tsa Moea ka kerekeng. E seng mpho ea bohlang, empa ruri lineo tsa Moea ka kerekeng. Ke hantle, ho boloka kereke. Ha kereke ea 'nete e tlotsitsoe ke Molimo, e tlatsitsoe ka Moea o Halalelang ruri, ha sebe se ka hlaha kerekeng, e tla ba e mong ea kang Ananiase le Safira. Ha kereke ea makhonthe . . . Ke rata ho kena ho e 'ngoe, ho bona basali bohle le banna ba le tlasa Matla a Moea o Halalelang. Ha motho a entse phoso, Moea o Halalelang o ema hantle 'me o e senole. Ba tla lokela ho hloekisoa. Tseo ke lineo tsa Moea ka kerekeng. Oho Molimo, re romelle kereke e joalo, re romelle e kang eo. Le a e lumela? Kreste, na O shoeloe? O a phela.

O ne a le joang? O boletse mosali mono . . .

²⁴¹ O itse, ha Mofarisi a Mo botsa ka pontšo, O itse, "Lona moloko o mofebi le batla pontšo." Na ho joalo? O khopo le o mofebi! A re, "Ba tla e fumana. Ba tla fumana pontšo, ba khopo le ba mofebi." Moloko o khopo le o mofebi ho feta hona joale o kile oa fihla neng? Sebe se se ngata ho feta se kile sa fihla neng? Re fumana batho ba bangata lefatšeng hona joale, ba re bolella, batho ba bangata lefatšeng hona joale ba kileng ba ba lefatšeng ho tloha ho Adama, ba holima lefatše hona joale. Ona ke moloko o khopo oo le o mofebi. Lihomosekualo, likhopamiso, ntho e 'ngoe le e 'ngoe, e eketseha ka likete le likete. Likereke li a oa, "Bahalefi, bakaki, ba ratang menate ea nama ho feta ho rata Molimo, ba se nang ho tšepaha, baetselisi, ba sa tsebeng ho itšoara, ba hloang ba molemo, ba nang le sebopelo sa borapeli,"

joaloka ha Moea o boletse, “’me ba latola Matla a jona. Le ba joalo u ba furalle!” Le a bona? Bibeletse e itse, “Siroha!” Re phela letsatsing leo.

²⁴² Joale, hopolang, batho ba teng ba tsamaeang hohle, ba re, “Ke na le matla a ho u folisa.” Thaka leo le u bolella leshano. Ha A na matla a ho u folisa. Krete o se a e entse! Oh, ka maipolelo a libe, le joalo-joalo, le moprista ea itseng kapa ho ba moreri ea tsoarelang libe tsa hau? Che, monghali, libe tsa hau li se li tsoaretsoe. Mohla Krete a na a shoa sefapanong, O itse, “Ho phethehile.” Eng? Leano le tletseng, ntho e ’ngoe le e ’ngoe. Krete o e entse sefapanong. U se u pholositsoe. Moetsalibe e mong le e mong o pholositsoe, empa ho ke ke ha u thusa ka letho pele u e amohela. U fihla tlase mane aletareng ’me u hoeletse, o lla ho fihlela u eba moriri o moputsoa ’me moriri oa hau o foforeha, ho ke ke ha thusa letho pele u lumela, ho lumela hobane Krete o u shoetse, ’me u . . . O shoetse pheko ea libe tsa hau, ha u Mo amohela joaloka Mopholosi oa hau. Poloko e tla ho uena. Ho joalo le ka pholiso. “O hlabetsoe makhopo a rona, ka maqeba a Hae re folisitsoe.”

²⁴³ Krete a ka etsa ho le hong feela kajeno ho supa hobane O teng. Ntho ea pele, ke hore, u tlameha ho lumela holim’a motheo oa Lentsoe la Hae. Ke hantle haholo, ’nete ea Lentsoe. Empa Jesu o itse, “Mesebetsi eo Ke e etsang!” Joale, ha A re, “Ke folisa” mang kapa mang. Haeba Jesu a itse, “Ha se ’Na ea etsang mesebetsi, ke Ntate oa Ka ea ahileng ka ho ’Na,” joale holane Jesu a sa nka lebitso la “mofolisi ea Khethehileng,” ho ka thoeng ka sethoto se futsanehileng se kang ’na, kapa motho e mong, kapa mang feela, ’me a leka ho ba mofolisi oa Khalalelo? U ka ba mofolisi oa Khalalelo joang athe e se e entsoe, mang le mang ea ka folisoang o se a folisitsoe? U tlameha ho e amohela, ho e lumela. Joale, na ke ’nete? Ke seo re batlang ho se tseba. Na ke ’nete?

²⁴⁴ Joale, ha u sa khone ho nka lentsoe la ka, u tla tlameha feela ho tsamaea, kapa la hau. . . Ha ke khone ho nka lentsoe la hau, e tla tlameha ho tsamaea. Empa Molimo ha o joalo, O romela lineo kerekeng, baapostola. Moapostola ke’ng? Moromuoa. Moromuoa, lentsoe *moromuoa* le bolela “ea romiloeng.” *Moapostola* e bolela “ea romiloeng.” *Moporofeta*, ke “seboni.” Molisa, moruti, ’moleli, lintho tseong tsohle, ba arola Lentsoe la Molimo ka tsoanelo, ho Le theola, e ntoo ba e—e lineo tsa Moea ho sebetsa kahare ho kereke, ho thasisetsa Lentsoe, ho bontša hore Jesu Krete o phela kahara kereke.

²⁴⁵ Joale, bohle re tloaelane, sena ke sehlopha sa kereke ea rōna feela. Ha ke tsebe haeba ho na le. . . Ha ke mona khafetsa ho tseba haeba e le baeti kapa haeba e se baeti, le joalo-joalo. Empa, metsoalle, kajeno, lōna batho ba kulang joale, hola nka etsa letho ho le thusa, nka e etsa. Hola ke tsebile motho ea kulang mona, haholo khaitseli enoa mona eo ke ’monang moalong, haeba ke

tsebile nka etsa ntho, joaloka ho nka, ho hula ka falese mona motseng, ka mathoko, nka e etsa. Ke ne ke tla tsoela mono hantle 'me ke re, "Le se nkhumetse ka sambrella, ha pula e ka na, e reng ke sututse feela. Ke batla ho bontša Molimo hore ke tšepahetse." Joale, hoo ho ke ke ha thusa letho. Nkile ka etela Afrika, 'me ke tseba moo ba robalang holiom'a lithakhisa India, le lintho tsa mefuta eohle, ba etsetsa melimo mahlabele, le ho fepa likoena bana ba bona, le ntho eohle esele. Ha se eona; ke botšepahi boo, empa motho a ka noa asiti ea carbolic ka botšepahi e le moriana. Ua bona? Ua bona, u—u tlameha . . . Seo e leng 'nete ke seo re batlang ho se tseba, 'me Molimo o paka 'Nete ea Hae. "Ea lumelang ho 'Na, mesebetsi eo Ke e etsang o tla e etsa le eena." Baheberu 13:8, "Jesu Krete ea tšoanang!"

²⁴⁶ E ka eng kajeno ha u ka Mo batla? Ha nka le bolella hoba Krete o ka ho 'na, Krete o ka ho lona, re ka batlana le eng? Na u ka batla monna eo lepetu la hempe le hetlileng morao, le ntho e 'ngoe? Che, che, O ne a sa itšoare joalo, O ne a apara joaloka batho ba bang bohle. Hola a ena le mehoabali letsohong la hae? Motho mang le mang a ka etsisa mehoabali letsohong la hae, mehoabali ea meutloa. Ho ne ho le litosene tsa bona naheng eohle joale, baipehi, le mali le mollo le mosi, ntho e 'ngoe le e 'ngoe. Leo ha se—leo ha se Lentsoe! "Mesebetsi eo Ke e etsang!" Jesu o itse, "Ekare ha le sa lumele ho 'Na, le lumele mesebetsi eo Ke e etsang. E tla paka ka 'Na. Ke Eona E bolelang hore Ke Mang."

²⁴⁷ Joale ha re rapeleng nakoana feela. Likopo tsa lona li be pelong tsa lona. Ntate ea Maholimong, ke a tseba sena se khohlahetse se thata. Ke U rapela ho hauhela. Ha ke a ikemisetsa . . . U tseba pelō ea ka, Morena, empa ke U rapela feela ho nthusa joale. Ke U rapela ho lumella mantsoe ana, leha a khaohane 'me a le likotoana, 'me—'me ha se joaloka ha moreri a loketse, Morena. 'Me 'na mona, ha kea ruteha, ha ke tsebe mokhoa oa ho bua le batho, empa sohle seo ke se tsebang ke hore U tšepisitse feela hore ha nka bula molomo oa ka U tla u tlatsa. Ke U tšepile lilemo tse mashome a mararō a motso o mong. Ka baka leo, Ntate, kae-kae, ekaba batho ba bang ba phuthile Mantsoe a 'maloa, bao ba kulang, kapa bao ba hlokanang Krete. Ba—ba ka ntle mono kae-kae. Ba—ba U hloka, Morena, 'me ke tšepa ho buile ho tlang ho phahamisetsa tumelo ea bona litšepisong tsa Hau. Ke U rapela ho aba lehlohonolo leo.

²⁴⁸ Joale re sa inamisitse lihlooho tsa rōna, ba teng ka mona ba sa tsebeng Krete joaloka Mopholosi, ea ka reng, "Moena Branham, ha ke—ke batle ho shoa tjena. Ha ke—ke a lokela ho shoa. Ha nka shoa, ke tla lahleha. Ha ke eso tsoaloe labobeli. Ruri ke—ke lakatsa thapelo ea hau hona joale. Nthapelle, ke moetsalibe"? Phahamisa letsoho la hau feela, na u tla etsa joalo, ho re, "Hopola feela . . ." Molimo a u hlohonolofatse, uena, uena, uena. Molimo a u hlohonolofatse. Ako ikemisetsa seo ho tsoa pelōng ea hau. Molimo a u hlohonolofatse. Tosene kapa tse peli tsa matsoho

sehlotšoaneng sena sa batho mona. Bathoana bana ba tlang seatla mona, ba ka bang lekholo kapa a mabeli, ntho e kang eo, 'me matsoho a tosene ke ana. Hantle moo u leng teng. Lialetare li tletse bana. Ha ho mokhoa ho 'na ho le nyollela aletareng, empa, hantle moo le leng teng, le rapele le 'na.

²⁴⁹ Ntate ea Maholimong, ke tlisa ho Uena batho bana ba phahamisitseng matsoho a bona. Ke lumela ba e entse ka botšephehi bo tebileng. Ba ke ba tsebe hobane ba robile molao o mong le o mong oa mahlale hantle mono. Mahlale a tlaleha matsoho a rona a loketse ho leketla fatše, hobane khoheli ea lefatše e re kokobetsa fatše. Empa hoo ho supa Moea o laolang ka ho bona, matla a sephaka seo, hore ba se phahamiselitse ho 'Mopi ea se entseng. Hoo ho bontšitsoe hantle mono. E ke ke ea kholisoa ka mahlale, hobane Moea o tsebjoa feela . . . Ke tumelo. Re lumela ho Eona. 'Me mona Moea o tlile ho bona oa ba laela ho phahamisa matsoho a bona, hore ba batla ho bolokeha.

²⁵⁰ Joale, Ntate Molimo, ke a reco- . . . Ke qotsa litšepiso tsa Hau. Morena Jesu Krete o itse, mohla A ne a le lefatšeng mona, "Ha ho ea ka tlang ho 'Na a sa huloe ke Ntate oa Ka pele. 'Me bohle bao Ntate a 'Neileng bona, ba tla tla ho 'Na. Ea utloang Mantsoe a Ka 'me a lumela ho Ea Nthomileng, o na le Bophelo Bosafeleng. Ea jang Nama ea Ka 'me a noa Mali a Ka, o na le Bophelo Bosafeleng, 'me Ke tla mo tsosa letsatsing la bofelo." Tsena ke litšepiso. Joale, batho bana ba ka be ba sa phahamisa matsoho a bona haese ha Moea o le teng mono o ba boleletseng hore ba fositse. Ba ka be ba sa etsa sena haese ha U ba khethile esale pele. "Tsohle tseo Ntate a nang le tsona," *neng*, nako e fetileng, "a 'Neileng tsona, e tla tla." Re reretsoe Bophelong Bosafeleng. Bao A ba tsebileng pele, O ba bitsitse; bao A ba bitsiseng, O ba beile ba lokileng; bao A ba beileng ba lokileng, O bile o ba tlotlisitse mahlong a Molimo. E mpa e le pono e kholo ea Molimo e haolang, e phethahatsoang. Batho bana, pele ho theoa lefatše, Uena Ea mohlokapheletso u tsebile kopano hoseng hona, 'me u tsebile ba tla phahamisa matsoho a bona, 'me joale ba phahamisitse letsoho la bona.

²⁵¹ Ke phetho seo ke tsebang ho se sala morao, Morena, ke Lentsoe la Hau. Ka hona, ka Lebitso la Jesu Krete, ke U neha bana ba phahamisitseng matsoho a bona, e le likhau tsa Lentsoe la Hau. Ba boloke, oho Morena Molimo, ha ho ea ka ba utlang letsohong la Hau. Ba fe Bophelo Bosafeleng. Ba ke ba fumane kereke, kapa ba lule mona hoseng hona le ho kolobetsoa tšoareleng ea libe tsa bona, kapa maipolelong a tumelo ea bona. A bona, ha ba tsoa metsing, joaloka ha Moea o Halalelang tšimolohong o tsamaile holim'a metsi, Moea o Halalelang o be teng mono ho tlatsa lipelō tsa bona le meea. Aba sena, Morena. Ba ke ba phele ka borapeli matsatsi 'ohle a bophelo ba bona, 'me ba hlahisoe e le likhau le mahakoe moqhakeng oa Hau ka letsatsi leo. Ka Jesu Krete Morena oa rona, re a e kopa. Amen.

252 Morena a le hlohonolofatse. Joale, ke tlamehile ke be ke tsamaile hora e fetileng. Empa joale re tla bitsa mola oa thapelo. Ema, na ho abiloie likarete tsa thapelo? Ho na le motho ea nang le likarete tsa thapelo? Billy o kae, na Billy o teng? 'Ngoe ho fihla ho mashome a mahlano? O itse o abile litlankana tsa thapelo tse mashome a mahlano. Be, joale, ha re khone, ba bangata haholo ba emeng. Joale, na le ka re fa nakoana feela joale? Haeba u . . . Joale, sohle seo ke se buileng . . . Joale, nakoana feela—feela, kea tseba tinare e ke ke ea cha. Emang hanyenyane, *Sena* se feta, *Sena* se molemo ho feta lijo tsa mantsiboea (se loketse joalo): Lentsoe la Molimo.

253 Mamelang metsoalle, ke batla ho le botsa potso ena pele ke bua sena. Re ea kerekeng ka morero ofe? Hona hohle ho bolela'ng? Haeba tsoho ea bafu e le sieo, haeba tsoho e le sieo, joale a re jeng, re noeng, 'me re thabe, hoba ha re letho haese likoqo, lintja, le joalo-joalo, le hona. Ha re lumele seo. Re a tseba Molimo o phelang o teng. Ruri. Be, haeba E le Molimo o phelang, ke batla ho le botsa taba. Ka hona Mantsoe ana ao ke a buileng, le ka lumellana le 'na, le ka tšoha le sa lumellane le 'na. Empa ha u lumellana le 'na, koana u—u ka e belaela ho fihlela u e bona e bonahatsoa. Ke hantle. Haeba e le Lentsoe la Molimo, Molimo o tlameha ho boloka Lentsoe la Hae. Haeba A sa Le boloke, be, etlabe e se Molimo, joale ke—ke bile leshano, ke bile a . . . Ke hlakisitse ponahatso ea bohata, ke—ke bile moporofeta oa bohata. Empa ha Molimo o itsalo, Molimo o boloka Lentsoe la Hae. Efèla ha Molimo o boloka Lentsoe la Hae, Lentsoe le le leng, u ka ba le mamello ke hona. U ka itšoarella tšepisong ea hau oa e boloka. Na ho joalo?

254 Joale, shebang, na ke itse nka le folisa? Che, monghali. Nke ke ka u bolella hore nka u pholosa hoba u pholositsoe mohlang oo. Ke a lumela u bolokehile. U ka be u sa phahamisa letsoho la hau haese ha Molimo a u laela joalo. Joale metsi a teng mona, u ka kolobetsoa nako efe ha u batla. Ha u batla ho kolobetsoa ka ea hau . . . kerekeng ea hau, tsoelapele hantle, eng feela. Mona ha re na lengolo la botho ho hang, le a bona, re mpa feela—re mpa re le kereke mona. Molisa oa rōna ea lokileng mona, Moena Neville, e ne e le Methodise, 'me o teng mona feela . . . Ha re kheme le malumeli. Re . . . mang le mang o amohetsoe. Re mpa re kenya phutheho feela. Re a rera, ho rapella bakuli. Re lumela ho etsetsa Krete barutuo, e seng ho hlophisa letho. Le a bona? Ha re lumele ho eona. Che, monghali. Joale, ha u batla ho organ- . . . ha u batla mokhatlo oa hau, tsoelapele hantle. Hoo—hoo ho itoketse ka ho phethahala, empa u se ke oa itšetleha ka eona. U se ke oa itšetleha ka eona. Che, monghali. U ea mono ho kenela botsoalle, empa u tšepa Molimo.

255 Joale, joale, ntho e le 'ngoe ke ena. Haeba Krete a sa phela . . . Joale, ha re nkeng Lengolo le le leng le le nyenyane hape joale. Re batla ho kholiseha joale hore ntho eohle e hlakile.

Nthoana eo ke neng ke tla e bua nakoana e fetileng, O itse, “Moloko o khopo le o mofebi o tla—o tla fua pontšo.” E ne e le pontšo ea Jonase eo, tsoho. Na ho joalo? Ke ba bakae ba lumelang hore hoo ke 'Nete? Joale ke batla ho bona feela. Moloko o khopo oo . . . Na le a lumela ona ke moloko o khopo, o mofebi? Be, pontšo ea Jonase e tla ba efe? E tla ba tsoho ea Kreste. Na ho joalo? Tsoho ea Kreste, e tla kholisa moloko o khopo ona hore Kreste o sa phela, etsoe, O tsohile joale lilemo tse likete tse peli, e tle e be bopaki ba tsoho.

²⁵⁶ Be, bongata ba rōna Maprotestanta naha ka bophara ha re lumele tsoho ea nama. Makholo a likereke ha a lumele nthong eo, ho khutla ha nama, kapa ntho efe feela. Le a bona? Ke lumela tsoalong ea sebele, lefu, kepele, tsoho, ho Khutla Labobeli, Kreste Jesu kaofela. E, monghali. Ke lumela hore Ke Kreste ka botlalo. Eena Jesu ea nyoletsoeng holimo, ke eena Jesu ea tla khutla. 'Me ke lumela Bothong ba Moea o Halalelang, O teng mona joale, Moea oa Hae, Bophelo ba Hae bo tsamaea ka har'a Kereke.

²⁵⁷ Joale, haeba ena e le taba ea Kreste . . . Joale ke tla etsa taba ena ka 'na. Ke tšepa le sa—le sa e nke joalo. Ke tlii'o e lebisa ho 'na joale, ka neo e abiloeng. Etsoe, Sena, Leseli lena le leketlile Washington, Topallo ea Mollo esale e nêtefatsoa lilemo lefatše ho pota, le joalo-joalo. Joale, haeba Moea oo o le ka mona, joale O tla . . . Haeba E le Moea oa Kreste, O tla etsa mesebetsi ea Kreste. Joale, leo ke Lengolo. 'Me Le lokile. Haeba Lentsoe leo le tliile, joale Lentsoe lena leo ke le boleletseng lona hoseng hona ke 'Nete. Hobane Kreste a ke ke a kena ka ho 'na joaloka . . .

²⁵⁸ Ha ke—ha ke some—some lona batho ba Katolike, empa le re moea oa Petrose o ne o ahile kerekeng ea lona morao mane. Le nahana hore Mojuda a ka hloma lisêto? Le nahana Mojuda a ka latola Moea o Halalelang 'me a etsa sengoathoana sa bohojana bo robetseng aletareng, athe litoeba le likhoto li ka bo nka, 'me le re hoo ke Molimo? Molato ke'ng? Le a tseba eo ha se Molimo. Moea o Halalelang ke Molimo o theohang Leholimong, Moea. U namalla pel'a lisêto, ho leka ho reba e—e bophelo ka ho eona. Uena u sesêto, Molimo o kenya Moea oa Hae ka ho uena 'me u lenqosa la Hae le phelang. Ua bona, Molimo o ka ho uena, ho busetsa lefatše ho Oona.

²⁵⁹ Joale re tliilo bitsa mola oa thapelo. O itse u abile hokae, ho tloha ho 'ngoe ho fihla ho mashome a mahlano? Ha re qaleng, ha re qaleng ka 'ngoe. Ka hona le reng? Ho lokile, re tla tlameha ho bitsa ba 'maloa ka nako, hobane ea bona . . . Ha re boneng, ha re bitseng ba robeli kapa ba leshome ka nako. Ke mang ea tsoereng setlankana sa thapelo ea nomoro ea pele? Joale u se ke . . . Feela, ema feela ha palo ea hau e bitsoa, hobane ena ha se arena joale, ena ke kereke. Ho lokile. Ho thoeng? A—A, nomoro ea pele. E tsoeroe ke mang? Na u ka tla koano, mofumahali, kapa hantle mona nqa e 'ngoe? Hantle mona feela, emang hantle mona ka

pela aletare. A, palo ea peli, ke mang ea tšoereng palo ea peli? Setlankana sa thapelo sa nomoro ea bobeli. Joale, phahamisa letsoho la hau ka potlako re tle re—re tle re . . . Ho lokile, ema ka mora mofumahali, ha u rata. Palo ea boraro, palo ea boraro. Be, khaitsele, ha u khone ho ema, robala mono feela, 'me ke tla tla u rapella hantle mono. Palo ea bone, A, palo ea bone, phahamisa letsoho la hau. A, palo ea bone, palo ea bone. Motšeo koana, motšeo koana, motšeo koana. Ho lokile, le a bona, ba theohela mona feela, 'me mang le mang ea li batlang, ba tsoaka litlankana tseba ba li abela batho ka mokhoa ona, moo le li batlang. Ha re tsebe. Ho lokile, palo ea bone, tloo koano, mofumahali. Palo ea bohloko, ke mang ea tšoereng palo ea bohloko? Setlankana sa thapelo sa palo ea bohloko, na u ka phahamisa letsoho la hau ka potlako. Joale re ke ke ra nka nako e ngata joale, u tla fosoa ke monyetla oa hau. Palo ea bohloko, palo ea botšelela, ho lokile, palo ea bosupa.

²⁶⁰ Joale, ha re boneng, e reng—e reng—e reng—e reng—e reng ba bang bohloko ba tle. Re ka kenya bana ka mokhoa ona. Palo ea robeli, setlankana sa thapelo sa palo ea robeli, ke mang ea tšoereng palo ea robeli? Na u setlankana sa thapelo sa borobeli, mofumahali, u tšoare robeli? Ho lokile. Phahamisa letsoho la hau ke tle ke u bone, ua bona, neng. Palo ea robong, ke mang ea tšoereng palo ea robong? Ho lokile, ke botle, mofumahali. Palo ea leshome, setlankana sa thapelo sa palo ea leshome, ke mang ea tšoereng palo ea leshome? Na u ka phahamisa letsoho la hau, e ka bang mang . . . Ho lokile. Ke masoabi. Ho lokile, monna enoa ka mona. Ho lokile, monghali, tloo koano. Palo ea leshome le motso o mong, palo ea leshome le motso o mong. Phahamisa letsoho la hau hle, palo ea leshome le motso o mong.

²⁶¹ U se ke ua amohela setlankana haese ha u tla se sebelisa, metsoalle, hobane haeba u—u—u—u . . . U a bona, haeba u ema 'me u tsoela kantle, 'me u sa sebelise setlankana sa hau sa thapelo, joale uena—uena ke hona—u . . . ha u lokela ho etsa joalo. Palo ea leshome le motsoo mong, palo ea leshome le metso e 'meli. Ho lokile. Hantle ka mona, khaitsele, pota ka morao hantle. Palo ea leshome le metso e meraro, hantle pota ka mono. Palo ea leshome le metso e mene, palo ea leshome le metso e mehlano. Ke botle, e sebetsoa joalo. Palo ea leshome le metso e tšeletseng. Joale le ntse le e etsa. Palo ea leshome le metso e supileng. Nkang malulo a lona morao mane. Leshome le metso e supileng. Ha re boneng na re saletsoe ke ba bakae joale. Ho thoeng? Pota ka mane ha u rata, moena, rea ferekana ka mona. Palo ea leshome le metso e supileng, palo ea leshome le metso e robeli, leshome le metso e robong, mashome a mabeli, mashome a mabeli. Ho lokile. Ke nahana hore hoo ho batla ho lokile hantle feela moo, bakeng sa—bakeng sa nakoana. Ha re boneng kamoo re theohelang tlase mona moleng, re tla bona. Mashopeli, mashopeli—ngoe, mashopeli-peli, mashopeli-tharo,

mashopeli-'ne, mashopeli-hlano. Joale ha re boneng ka bona, ho bona ba bakae ka mono joale. Palo ea mashome a mabeli a metso e mehlano. Me ke lumela re tla batla re tletse ka ntle mona, na ha le nahane joalo? Mashome a mabeli a metso e mehlano, ke nahana, mashome a mabeli a metso e mehlano. Ho lokile, joale re sa saletsoe ke mashome a mabeli a metso e mehlano hang hoba sena—sehlopha sena se fete. Re sa na le mashome a mabeli a metso e mehlano a tlang. Ho lokile, mashome a mabeli a metso e mehlano.

²⁶² Ho lokile, joale ha re boneng ba tšoereng litlankana tsa thapelo ba bakae ka mona. Ba sa tšoarang litlankana tsa thapelo ba bakae ka mona 'me koana le sa batla Molimo a le folise, phahamisang matsoho a lona. Lumela. Hore le na le . . . Ha le na litlankana tsa thapelo empa le batla Molimo a le folise, phahamisa letsoho la hau.

²⁶³ Joale, ha ba ntse ba hlophisa bao, mpheng maikutlo a lona joale, hoba ha le fosa sena joale le—le ke ke la tseba hore le etseng. Joale, re tla nka nako ea rōna, re nke nako ea rōna feela. Joale, le se ke la potlaka. Ke tlameha ho ikhutsetsa, ka bonna, hobane Moea o Halalelang linthong tse kang tsena o ke ke oa tlotsa ka mokhoa oo.

²⁶⁴ Joale, ba bakae ka phaposing ena, kapa moleng ona oa thapelo ba emeng mona, ba tsebang hore—hore . . . Ke tseba batho ba bang bana. Kea kholoa ke etsa joalo. Kea tseba hore ke tseba mofumahali enoa hantle mona, mofumahali enoa mona. O kena kereke mona, ha ke hopole lebitso la hae. [Khaitseli o re, “Baker.”—Mohl.] Baker, uh-huh, ke a mo tseba. Ha ke na bonnete, ha ke . . . Kea kholoa thaka le leholo lena le lelele le emeng mona hantle, kea kholoa kea mo tseba. Ha ke tsebe lebitso la hae, empa ke 'mone mona.

²⁶⁵ Be, leha ho le joalo, e mong le e mong oa lona moleng, le e mong le e mong oa lona kantle letšoeleng le kulang, ba tsebang ke sa tsebe letho ka lona, phahamisa letsoho la hau, ho ntseba ke sa tsebe. Yaa. Ua bona? Che. Ha ke tsebe letho ka lona. Ke molata. Joale ha re boneng mola oa thapelo hape, phahamisa letsoho la hau, ho tseba ke sa tsebe letho ka bothata ba hau joale. Ho lokile, ho lokile, ho lokile, lipheresente tse ka bang lekholo feela, kea kholoa. Ho lokile, 'me har'a letšoele joale, joale phahamisang matsoho a lona, uena ea kulang 'me u phahamisitse letsoho la hau 'me sa ntse u re ke . . . “Ha a ntsebe kapa letho ka 'na.” Lea bona, ho na le batho ba bangata mona. Kea kena kea tsoa, 'me batho ba bang kea ba tseba le ba bang bao ke sa ba tsebeng. Le a bona? 'Me ha ke—ke tsebe. Empa bao ke ba tsebang, ha ke tsebe hore molato ke eng ka bona.

²⁶⁶ Joale ke batla ho le botsa taba. Joale haeba . . . Joale, shebang, mosali e monyenyanane o ne a le teng. Lona batho ba sa tli'l'o kena moleng oa thapelo, le a bona, lona batho ba sa tli'o kena moleng

oa thapelo. Joale, mosali e monyenyane, ka nako e 'ngoe, le eena o ne a sa tlo kena moleng oa thapelo, 'me na le phallo ea mali. Empa o lumetse hoba Motho eo e ne e le morapeli. Joale, mamelang ka hloko joale, le se ke la e fosa. A lumela hoba Jesu e ne e le Kreste, 'me a re "Ha nka ama qola ea seaparo sa Hae feela." Joale, o ne a se na Lengolo la eona, ua bona, mohlomong joaloka Elia ea nkileng. . . kapa ea nkileng lere la hae a le robotsa holima ngoana, kapa ho hong, ua bona, kapa ho ama masapo a Elia hoba a shoe. Empa o lumetse ha a ka Mo ama o tla fumana seo a se kōpileng. A nanya hara letšoele a nanabela. Joale, ha motho a kile a fihla Palestina, ba na le seaparo sa ka hare le seaparo sa ka holimo, 'me se leketla se lokolohile. Ke ka hona ba hlatsoang maoto le lintho, lerole le boborana maotong a bona. 'Me a ama qola ea seaparo sa Hae. Joale, haeba a amile baki ea ka, *joalo*, nke ke ka e utloa, athe e leketlile hantle haufi le 'na. Empa o amme tlase ntlheng, moeling, o neng o le bohole *boo* mohlomong ho tloha maotong a Hae, kapa, 'mele oa Hae. A ama qola ea seaparo sa Hae, a khutla a lula fatše, kapa seo a se entseng. Jesu a ema.

267 'Me, hopolang, letšoele lohle le ne le tšoare matsoho a lona. . . "Lumela, Rabbi!" "Ke thabetse ho U bona!" "Na U Moporofeta?" "Re—re thabetse ho U bona." "Oh, moikaketsi tooe!" "U Monna ea lokileng!" Oh, litlhaloso tse fapaneng feela.

268 Joale mamelang ka hloko ruri. Eaba mosajana enoa, o ama seaparo sa Hae, 'me a khutla hobane a khotsofetse hore o amile Molimo. Jesu a ema, ho re, "Ke mang ea Nkamileng?"

269 Petrose a Mo khalema, ho re, "Bohle ba U ama. Hobaneng U bua ntho e joalo?"

270 A re, "Empa Ke a lemoha Ke felile matla, molemo o tsoile ho 'Na." A qamaka hohle holim'a letšoele ho fihlela A fumane mosali e monyenyane eo, 'me A 'molella ka phallo ea hae ea mali, 'me e khaolitse. Na ho joalo? Joale, joale, joale e tšoareng. Joale, u re "amen" ho seo, hoo ho bolela "ho be joalo." Joale, lemohang joale, na Bibe e a bolela, ho lōna babali ba Bakreste, hore Jesu Kreste joale ke Moprsta e Moholo ea ka angoang ke maikutlo a rona? Ke ba bakae ba tsebang Bibe e boletse seo? Be, haeba E le oa maobane, kajeno, le kamehla, na A ke ke a itšoara joaloka ha A entse mohleng oo? Be, ka hona, haeba uena ea lutseng kantle mono u ka Mo ama holimo mono, 'me haeba ke le moemeli oa Hae, Puo ea Hae mona joale, na A ke ke a bua seo A se buileng mohleng oo? Na ha e utloahale e khema le Mangolo? Na ha e a loka? Ua bona? U tseba joang hore u Mo amile haeba A sa itšoara ka ho tšoana? Le a bona? "Mesebetsi eo Ke e etsang le tla e etsa le lona."

271 Ho lokile, joale lōna ba sa tšoarang litlankana tsa thapelo, le rapele feela le re, "Morena Jesu, ha ke a fihla mona ka nako ho fumana setlankana sa thapelo, empa ke—ke rapela Uena, 'me ke lumela seo monna enoa a se buileng e le 'Nete. Ka hona ke tla. . .

Na U ka ntumella ho ama seaparo sa Hau hle, Morena Jesu? U Moprista oa ka e Moholo. Ha ke a sheba monnana eo ea lefatla ea emeng holimo mono kalaneng. Ke shebile ho Uena, 'me ke a U ama, 'me ke lumela hore U tla mpholisa. Ka baka leo, ke ntse ke U ama, U bue le Moena Branham le ho etse eona ntho eo mona joaloka ha U entse ho mosali eo. 'Me ke tla U lumela ka pelō ea ka eohle." Na u tla etsa joalo? Ba bakae ba tla etsa joalo, phahamisa letsoho la hau, ho re, "Ke—ke tla e etsa." Ho lokile, u rapele feela. Joale mona ke hona moo u ka beang tumelo ea hau tšebetsong. U e lumele, u se ke ua e belaela. U e lumele ka pelō eohle ea hau. Amen.

²⁷² 'Me lona ba moleng oa thapelo, joale ke . . . Motho oa pele ke mang? Tloo koano motsotso feela. Joale, ema hantle mono feela. Hoo—hoo ho lekane, ua bona, ema hantle mono. Kea kholoa, nakoana e fetileng, u phahamisitse letsoho la hau, ke ne ke sa u tsebe. Ke hantle. Ha re tsebane. Ho lokile.

²⁷³ Joale ke batla ho botsa letšoele lena taba. Matsoho a ka ke ana a phahame pela Molimo, 'me o phahamisitse letsoho la hae hore ha re tsebane. Joale, na sena ha se setšoantšo sa Bibeletse sa Santa Johanne 4, mohla Jesu a kopanang le mosali selibeng? Monna le mosali ba kopane khetlo la pele. 'Me Jesu o ile a etsa'ng? A qala a qoqa le eena. O ne a etsa'ng? Joale, O itse, "Ntate. . ."

²⁷⁴ O ne a hloka ho nyolohela Jerusalema, kapa holimo Samaria. Joale, le a bona, e—e Bajuda ba bone pontšo eo, hoba E ne e le Moporofeta 'me O bontšitse pontšo ea moporofeta. 'Me ho na le—ho na le merabe e meraro feela ea batho, ke Kama, Sema, le batho ba Jafeta. Joale, Bajuda ba ne ba bone pontšo ea bona, hobane ba ne ba shebeletse Messia. Ba e bone. Joale Basamaria ba tlameha ho e bona, hobane ba ne ba shebeletse Messia.

²⁷⁵ E seng Balichaba, ha ho mohla A kileng a etsa joalo ho Molichaba, empa O porofetile, "Matsatsing a qetelo," joaloka ha A entse, "joaloka matsatsing a Nohe le matsatsing a Lota," mohla Lengeloi leo le tšileng la bua le Lota, ho bolella Sara seo a se entseng ka tenteng ka mora Hae. Jesu o e boletse e tla iphetha hape letsatsing la ho qetela. Babali ba Bibeletse ba bakae ba tsebang seo? Ua bona, hantle. Ua bona? Joale re matsatsing a qetelo, ke nako ea Balichaba. Haeba A . . . Le a bona, ke boletse qalong ea thero ea ka, haeba Molimo o etsa letho, ho Itsebisa khetlo le leng, O tlameha ho itulela a le joalo.

²⁷⁶ Ka hona ebe—ebe Nathanaele o Mo tsebile joang hore e ne e le Mora oa Molimo? Hobane O 'moleletse moo a leng teng, ntho e amanang le eena.

²⁷⁷ Mosali enoa o tsebile joang? Shebang, ha re nkeng puisano ea hae, ho bona kamoo—kamoo a tsebileng ho feta bareri bao bohle tlase mono. A tsoela mono. E ka ba e ne e le mosali e motle. A tla kha nkho ea metsi. A nyolla nkho ea metsi. E ne e le Mojuda, e ne e le e—e Mosamaria. 'Me ka hona, ho hula nkho ea metsi, 'me

hape pela tšenola e nyenyane moo seliba se leng teng. Se sa le teng mono Sikare. Ka hona A lutse mono joalo, A re, “Mosali, Mphe metsi.” A retoloha. Joale, e ne e le mosali ea mekhoha e mebe, le a tseba, o ne a nyetsoe khafetsa. Le ho re, “Mphe metsi.” A . . .

278 A re, “Ha se moetlo ho lona Bajuda ho kopa mosali oa Mosamaria tse joalo.”

279 Moqoqo, le a bona. Ntate o ne a Mo rometse holimo mono. Joale hopolang, O ne a sa etse letho pele Ntate a Mo bontšitse. Le a bona? Ka hona joale O ne a lutse mono, ka hona O ne a etsa'ng? O ne a leka ho fumana bothata ba hae, a tle a ise molaetsa bathong bao. Ho re . . . Ho batla ho fumana bothata ba hae, le a tseba. Ho re, “Mphe metsi.”

A re, “Ha se moetlo.”

280 A re, “Empa holane u tsebile Eo u buang le eena, u ka be u kopile metsi ho 'Na.”

281 A re, “Be, seliba se tebile, ha U na letho ho kha ka lona. Metsi U tla a kha joang mona?”

282 'Me a tsoelapele a bua, puisano ea hlaha, mabapi le ho rapela Jerusalem. O ne a etsa'ng? O ne a leka ho fumana moea oa hae, ho bona se phoso. O o fumane. Na le tseba seo e neng e le sona? O ne a e-na le banna ba bahlano. 'Me A re, “Tsamaea u late monna oa hau le tle koano.”

A re, “Ha ke na monna.”

283 A re, “U buile hantle, u buile hantle, hoba u bile le ba bahlano le eo u phelang le eena joale ha se monna oa hau.”

284 Joale shebang. Joale, ha a re, “Ke senohe,” joaloka bareri bao. Ha a re, “Ke Belsebua.” A re, “Monghali,” mamela, “kea lemoha hobane U Moporofeta. Rea tseba Messia mohla a tlleng O tla re bolella lintho tse.” E ne e le pontšo ea Messia eo.

Jesu a re, “Ke 'Na ea buang le uena.”

285 A matha a kena motseng, 'me a re, “Tloong le bone Monna ea mpoletseng tseo ke li entseng. Na enoa ha se eena Messia?”

286 Be, haeba e ne e le pontšo ea Messia ho Bajuda, ho Basamaria, na e ke ke ea eba pontšo ea Messia ho Balichaba? Na ebe Messia, haeba A tsohile bafung 'me a phela ka Kerekeng ea Hae, ho Iponahatsa ka eona, na A ke ke a etsa mesebetsi e tsoanang athe O tšepisitse A tla e etsa?

287 Joale 'na ea emeng mona ke qoqa le uena, ha ke u tsebe, ha ke eso u bone bophelong ba ka. Ua bona? Empa ha Morena Molimo a ka mpoella seo u se tletseng mona, u tla tseba haeba e le 'nete kapa che. Ua bona, ho mpoella seo u se entseng, seo u nong u sa tlameha ho se etsa. Haeba A ka u bolella seo u se entseng nakong e fetileng, ruri O tla tseba bokamoso. Na ho joalo, haeba A ka u bolella seo? Ehlile. 'Me ha A ka mpoella morero oa hau mona, na u tla Mo lumela e le Mora Molimo, ho e lumela? Ba

bakae letšoeleng ba tla e lumela? 'Me 'na le mosali enoa mona re phahamisitse matsoho a rōna, ha re—re . . . rōna, ua bona, ha re tsebane. Ha ke na le mohopolo, u a tseba ha ke na oona. U eme mono, u le osele ho 'na feela. Empa ha Morena Molimo . . . Ke bua le uena ho qalisa hore Moea o tlotse batho, u a bona, 'me ebe e phunyeletsa hantle feela. 'Me ke—ke u shebile feela ho bona seo A tla mpoella sona, hoba ha ke tsebe letho ka eona. Empa ha A ka u bolella ho hong, joale u tla tseba haeba e le 'nete kapa che, na ha ho joalo? Na e mong le e mong o tla lumela, haeba A ka e etsa?

²⁸⁸ Ntata rona ea Maholimong, nke ke ka hlola ke etsa letho joale. Ke ho fihlela nakong ena, ho tla nka Uena ho tloha mona ho tsoela pele, Morena. Ke tlišitse batho Lentsoeng la Hau. Ke phetho seo ke se tsebang. O tšepisitse lintho tsena. 'Me ho ka nka liveke le liveke, re ka lula ho eona, ho bolela litšepiso tsa Hau tsa tsona lintho tsena tsa matsatsi a qetelo. Esale re pota lefatše makhetlo ana ohle, ha U eso re soabise, Morena. Joale mona ho eme letšoele la batho. Kea tseba e 'ngoe ea lipono tsena e tla re fokolisa. Kea e elelloa. Matla a tsoile ho Uena, Mora oa Molimo, Mora oa Molimo ea sa silafatsoang. Hakakang e tla etsa joalo ho 'na, moetsalibe ea pholositsoeng ka mohau oa Hau?

²⁸⁹ Ke a rapela, Ntate, hore U tle u e lumelle ho etsahala joale, hore Molaetsa oona hoseng hona o se ke oa tsoa o se na tholoana, empa basokolloa ba bacha bana, mohlomong ba mashome a mabeli kapa ba mashome a mararō ba sa tsoa phahamisetsa matsoho a bona ho Uena, ba tle ba khotsofale, Morena, hore Molimo oa bona o tshohle bafung 'me O phela kamehla eohle, ho Itsebisa, 'ona Molimo o tsebang lekunutu la pelō, le ho tšepisa matsatsing a qetelo e tla boela e etsahala. Ke rona bana, nako ea qetelo. 'Me Balichaba ba qetile lilemo tse likete tse peli, joaloka Bajuda ha ba entse, ho ithuta ka Molimo, 'me joale ba fumana pontšo eona eo 'me ba E hana joaloka ha Bajuda ba entse. Bajuda ba latotse Messia oa bona, hoba ba ne ba e hlophisitse kaofela. 'Me le kajeno ba entse hona hoo, Morena, ho etsa hona hoo. Empa re ke ke ra e tšehetsa. Re mpa re tlameha ho paka, Morena. Joalo feela ka nku, ha e fehle letho, e bea boea hobane ke nku. 'Me, Morena Molimo, re me re behe Moea oa Molimo, hobane re Bakreste. Re lumela ho Uena. Re lumela ho Mora Molimo. Joale, Morena, ha ke na tokelo, empa nka . . . Ke mang ea nang le tokelo? Ke mang ea nang le tokelo, Morena? Ha ho le a mong oa rona. Bohle re tsoaletsoe sebeng, re bopetsoe bokhopong, re tlile lefatšeng re bua mashano. Re tšoarele litšila tsa rōna—tša rōna, Morena. 'Me joale re sebelise letsatsing lena la ho qetela leo U sebetsanang le moloko oa batho ka lona. Ka Lebitso la Jesu. Amen.

²⁹⁰ Joale, ka Lebitso la Jesu Krete, ke beha moea o mong le o mong tlas'a mona, ka mona, tlas'a taolo ea ka. Le a bona? Joale le apare tšabo. Ha ke u tsebe, ha ke tsebe letho ka uena. Ke neo.

Ka moo u ikhulelang teng feela, pel'a Molimo, ho ikhokhotha. Ho Mo lumella ho sheba. Ha ke tsebe, empa ke a tseba O teng mona. Ke a tseba O eme mona. E, mofumahali, bothata ba hau ke bona. U batla ho rapelloa ka mofetše. Mofetše oo o sefahlehong sa hau; ha o lemohuoe, joalo, empa o holimo pela leihlo la hau. Ke hantle, phahamisa letsoho la hau.

²⁹¹ Ke utloile hoo ho kena ho tsoa kantle mono har'a letšoele, u itse, "O e hakantse kapa o e shebile sefahlehong." Ha kea etsa joalo. Emang feela. Ntumelle. . . Satane, u fositse. Ema, khaitsemi. U etsa hore a qale, haeba a qala, joale o tla tsoela pele a hlafafetse. Re khalema liabolosi eo, ka Lebितso la Jesu Krete, le ho mo hlabisa lihlong.

²⁹² Tse phoso ka uena li ngata ho feta moo. U na le bothata ba pelo, hape. Mathata, maemo ohle a linerefe, ho bile joalo ka lilemo. Ke hantle haholo, ho khathala, maikutlo ho tepella, le ntho eohle. Hoo ke. . . Haeba e le 'nete, phahamisa letsoho la hau. Joale u folile. Tumelo ea hau e u pholositse. U ka ea hae joale 'me oa fola. Ho felile. E-ea feela, u lumela, ke phetho seo u tlamehang ho se etsa. Leboha Molimo.

²⁹³ U a lumela na? Ema hantle mono feela, mofumahali, sheba ka nqa ena. U a lumela ke mohlanka oa Hae? Na Molimo a ka folisa bothata ba pelo? [Khaitsemi o re, "E, A ka khona."—Mohl.] Ho lokile, O folisitse ea hau, ke hona, ha u ka lumela. E-ea, lumela.

²⁹⁴ U a lumela O folisitse mofetše? Khutlela setulong sa hau ke hona, u re, "Kea U leboha, Morena Jesu."

²⁹⁵ Ho thoe'ng haeba ke ne ke sa bue lentsoe le le leng ho uena empa feela. . . Na u tla lumela ha nka re u folisitsoe ha u nyolohela mono moleng? Na u tla nka lentsoe la ka ka eona? U joalo, 'me ha ho hlokahale hore ke u bolelle sena, u se u folile. Ha kea ama motho.

²⁹⁶ Ha u khone, ha u a tlameha ho etsoa oporeishene ha u ka lumela Molimo. U e lumela ka pelō eohle ea hau? Lethopa le nyametse. E-ea hae 'me u tla phela.

²⁹⁷ Sheba ka mona, khaitsemi. U a lumela ke mohlanka oa Hae? Nakoana feela. Joale, monna o lula a hlaha ka pel'a ka mona, o tšoeroe ke seo mosali enoa a tšoeroeng ke sona, nqa e 'ngoe letšoeleng. 'Me le bona Leseli leo setšoantšong, Le emeng hantle mona. Na ha le bone seo? Ke monna enoa ea lutseng hantle mona. U na le karete ea ho rapelloa, monghali? Mohlankanyana, ke a kholoa u Moena Hupp, ha ke re? Ke sa tsoa u eelloa. Ha ke—ha ke tsebe se phoso ka uena, Moena Hupp. U a tseba ha ke tsebe. U a lumela Molimo a ka mpoella bothata ba hau ke bofe? U na le bothata. U ne u lutse mono, u lumela. U tlameha ho lumela ka baka la morali oa hau mona haufinyane. U a lumela, ha ke re? Mosali enoa o jeoa ke ramatiki; le uena, hape. Haeba e le 'nete, phahamisa letsoho la hau. U lumele ka pelō eohle ea hau 'me bobeli ba lōna le ka folisoa. Molimo a le hlohonolofatse. Satane

o hopotse a tla phomella le monna eo, o e fositse. Eba le tumelo joale. U se belaele. Joale, monna enoa mona, le ka mohla. . . Moena Hupp, ha u na setlankana sa thapelo, ha ke re, Moena Hupp? Yaa, u lutse mono feela, u lumela. U shebe se u hlhelang. Lumela feela joale ka pelō eohle ea hau.

²⁹⁸ Motho e mong le e mong o thapelong. Le a lumela joale? Joale, le a eelloa lintho tsena li mphokolisa hona ke mpa feela. . .

²⁹⁹ Na u lumela ka pelō eohle ea hau? Ha nka u bolella hore u tla fola, na u ka—na u ka nka lentsoe la ka ka eona le ho e lumela? Ikele ke hona 'me Jesu Krete o a u folisa. E lumele ka pelō eohle ea hau.

³⁰⁰ U nahana Molimo a ka folisa linerefe le ho u phelisa? E-ea, u e lumele. Ke a lumela ke. . . Ha ke na bonnete, ke ne ke nahana hore ke tseba mosali eo. Ke ne ke se na bonnete. Pono ea hlaha holim'a hae empa ka—ka e emisa, ka hetla morao nqa e 'ngoe; hobane ke lumela ke—ke tsebile mosali eo, empa ke—ke ne ke sa kholiseha.

³⁰¹ Joale le apare tšabo, e mong le e mong. Na le a lumela? Le a bona, ke na le mola o moholo, o molelele oa thapelo mona, ha ke batle. . . Ema feela. 'Me, hona joale, ke le reretse lihora tse ka bang peli kapa tse tharo, empa hona joale ke fokola habeli ho feta thero eohle. Ua bona, e monya bophelo ba ka feela. Empa, tsena, re ka lula re qoqa le batho, ho ka itokela, ha e etse phapang ea letho. U ka ema, ua bua halelele kamoo u batlang ho batho, hore na ho ntse ho etsahala eng hape, empa eaba ke emisa ho boloka matla a ka nakoana bakeng sa ba bang ba tlang moleng. Le bona seo ke se bolelang? Ke ba bakae ba kileng ba e bona moo hangata ke emang 'me ke bua le batho, E ba bolella tsohle ka bona, le hore ke bomang le moo ba tsoang teng? Khili, le kile la etela likopano 'me la e bona, lea tseba.

³⁰² Enoa—enoa ea latelang, ke uena ea latelang? Ho lokile, monghali, u lumela ka pelo eohle ea hau? Be, ke botle. Re balumeli, ho lumela ka pelō eohle ea rōna. 'Me ha ke u tsebe, ha Morena Jesu a ka mpoella bothata ba hau, u tla tseba haeba e lokile kapa che, ha ke re, monghali? E, monghali. Ereka ha lena e le la rōna. . . Kea kholoa ha re tsebane. Ha ke hopole sefahleho sa hau. Re bareri 'moho, 'me re a. . . empa ha re tsebane joaloka metsoalle. Ho lokile, monghali. Joale u shebe ka mona, monghali, 'me u ntumele ke le mohlanka oa Krete ka pelō eohle ea hau. Ho lokile, monghali. Monna enoa o jeoa ke colon. E ka hara colon ea hae. U boetse u jeoa ke pelō. U moreri, ke 'nete, u setho sa Kereke ea United Brethren. U tsoa Ramsey, Indiana. Lebitso la hau ke Mongh. Beanblossom. Moruti Beanblossom, ke 'nete. Na ho joalo, phahamisa letsoho la hau. E-ea hae u phele, monghali. Jesu Krete o a u phelisa. U lumele ka pelō eohle ea hau.

³⁰³ Ramatiki ha se mosebetsi oa Molimo. U a lumela A ka u folisa? U lumela hore O tla u folisa? E-ea u Mo lumele ka pelō

eohle ea hau 'me u ka e fumana ka sohle. . . lumela feela ka sohle. . .

³⁰⁴ Moena, kea u tseba, ke tseba maemo a hau. U a lumela hona joale, ke sa lutse tlas'a tlolo ea Moea o Halalelang, hore Molimo o tla u folisa a u phekole? E-ea u e lumele, Moena Collins, 'me u fole. Ho lokile.

³⁰⁵ Ke—ke. . . ekare ke u bone, empa ha ke na bonnete. Empa ha Molimo a ka mpoella bothata ba hau, na u tla ntumela ke le moporofeta oa Hae, kapa mohlanka oa Hae—Hae? U a e lumela na? Ho lokile. U jeoa ke maemo a lineref. Ke sona seo u batlang thapelo ka sona. Na ho joalo? Phahamisa letsoho la hau haeba e le 'nete. E-ea hae, u phele. E lumele. E kalle joale. Eba le tumelo e nyenyane eo e hlileng e folisang.

³⁰⁶ U a lumela Krete o tla u folisa hona joale u sa eme mono? E lumele, 'me u ee hae u re, "Jesu Krete o a mpholisa hona joale." Lumela ka pelō eohle ea hau. U tlameha ho lumela, ho phela. U tseba seo, ha ke re, khaitsetli? Ha u sa etse joalo, u tlameha ho shoa. Le tseba seo. Empa O folisa maloetse a mefuta eohle, mofetše, ntho efe esele, le ho u phelisa. U lumela seo ka pelō eohle ea hau? E-ea u lumele ka pelō eohle ea hau, 'me u fole, ka Lebitso la Morena Jesu Krete.

³⁰⁷ Ho lokile, moena, u a tseba ke a u tseba, 'me ke mpa ke leka ho tšoara, leha ho le joalo. Empa na u a lumela Jesu Krete o tla u folisa hona joale u sa le tlasa tlolo e Mokhethoa ea Moea o Halalelang? E-ea u e lumele ka pelō eohle ea hau.

³⁰⁸ Joale eng? Ho lokile. Nakoana feela joale. Ke emisitse kae, ke emisitse kae nakoana e fetileng? Mashopeli-hlano, mashopeli-tšelela, mashopeli-supu, mashopeli-roboli, mashopeli-robong, mashotharo, nyolohang hantle le kene moleng. Mashotharo, mashotharo-'ngoe, mashotharo-peli, mashotharo-tharo, mashotharo-'ne, mashotharo-hlano, mashotharo-tšelela, mashotharo-supu, ho fihla ho mashome a mahlano, theang mola hantle mono joale, ba tšoereng litlankana tsa lōna tsa thapelo, kahoo u li nehela ho mosireletsi kapa barab'eso ha ba ntse ba feta.

³⁰⁹ Joale ha re nke nakoana feela ho phomola, motsotso feela. Na le a lumela? Tsohle li lokile, lumela feela.

³¹⁰ Moena le Khaitsetli Spencer, ke le tsebile ho tloha ke sa le ngoana. Ke tseba bothata ba hau, le ho tseba seo u se emetseng mono. U a lumela Jesu Krete o tla u folisa, u eme mono? Oho Molimo oa Leholimō, aba mahlohonolo a Hau holim'a bathoana bana ba holileng, ho ba romela ho fola, Ntate. Holimo koana lilemong mona, empa ba sa ntse ba U sebeletsa. Ke ba hlohonolofatsa ka Lebitso la Morena Jesu Krete. Amen. Khutlela ho ea hau. . . Molimo a u hlohonolofatse, khaitsetli. O tla etsa mashome a robeli a metso e merarō, u saletsoe ke lilemo tse ngata tse tlang, e lumele ka pelō eohle ea hau 'me Molimo o tla

ba le uena. Le uena, hape, Moena Jess. Molimo a u hlohonolofatse mona.

³¹¹ U lumela joale ka pelō eohle ea hau? Bea butle, kea kholoa ke tlotse khaitselinyana enoa tlase mona. Ho lokile. Re na le mealo e 'meli, re tlameha ho fihla ho eona motsotsong feela. Ha u tsotelle ho ema motsotso feela, khaitseli mono, kapa motho e mong e ka bang mang?

³¹² Joale le apare tšabo ea ruri le eme le khutsitse, e mong le e mong a apare tšabo ea ruri. Ua bona, u tsoanela ho apara tšabo ea ruri, ruri. Joale ha re phomoleng nakoana feela, le a bona, ho tsoa liponong, motsotsoana feela. 'Me le apare tšabo ea ruri. Joale e mong le e mong a shebe nqa ena, 'me ha re bineng ka khutso, *Lumela Feela*, joale. Bohle 'moho joale. (Ntumelleng.)

Lumela feela, lumela feela,
Tsohle li lokile, lumela feela;
Lumela feela, lumela feela,
Tsohle li lokile, lumela feela.

³¹³ Joale, o nkopile ho ea ba rapella joale, empa ke batla ke phomotse nakoana joale. E reng ke qale mola hape, ke tla emisa motsotsong feela. Joale, ba hokae batho ba loketseng ho rapeloa, mofumahali eo ea setulong? Ho lokile, nakoana feela, ke tla—ke tla fumana. . . Ke tla tla ho eëna, ua bona, motsotso feela. Ho lokile, nakoana feela. Joale, mang le mang a apare tšabo ea ruri. Ke tiile hore le—le eelloa seo ke leng tlasa sona mona. Ua bona? E seng mona feela, empa, linaheng lisele, ka linako tse ling likete tse atisoang ka likete.

³¹⁴ Ke utloile nthoana, ke utloile ho ntho e hlabehileng nakoana e fetileng, ha ho bitsoa lebitso la motho. Na ha le lemohe hobane Jesu o tseba lebitso la hau? Na ha le a bona seo? Mohlomong ho na le baeti ka mona, ha ba eso e bone. Khele, khele, ka linako tse ling mona kalaneng O bolella batho libe tsa bona tsohle, le ho li utulla hantle. Le tseba seo. E mong le e mong. . . Na Jesu ha a bolella Petrose, “Lebitso la hau u Simone. Lebitso la ntatao e ne e le Jonase. Mora oa Jonase?” Le a bona? Ho bontša feela hore O teng mona. Joale, mang le mang o a tseba, mang le mang mona o tlamehile ho tlaleha Moea oa mofuta o etsa hoo. Joale, u ka re, “Ke Belsebule,” kapa u ka re, “Kreste.” Molimo o tla ahlola seo e ka bang sona. Ua bona? Ke le bolella hore eo ke tšepiso ea Bibe, Bibe ea Molimo e Halalelang mona e fana ka tšepiso.

³¹⁵ Joale, joale le apare tšabo ea ruri motsotso. Joale, nakoana feela. Na enoa ke monna ea latelang? Ho lokile, tsoa ka mona, monghali. Ha ke tsebe monna eo. Molimo o a mo tseba. Empa, monghali, ha Molimo o ka mpoella morero oa hau mona, be, e tla etsa hore u lumele. Na e ke ke ea etsa joalo? Ehli e tla etsa joalo. E tla thusa ba ba kae kantle mono ho lumela? Batho ba babeli ke bana ba kopana, monna o monyenyanane ho 'na. Molimo o mo fepile bophelo bohle ba hae. O eme mono mahlo a hae a

koetsoe. Empa ha Molimo o ka ntšenoletla morero oa monna eo mona, kapa ntho e amanang le eona, e loketse ho thusa e mong le e mong oa lona ho lumela ka pelo eohle ea lona. Ha le nahane joalo?

³¹⁶ Mona, nakoana feela, hantle morao mona, ea lutseng moleng hantle morao mona, ke monna, ea rapelang. O na le ntho e hlolang haholo. Ke bona lehalima. Eya, o otliloe ke lehalima. Eya. E ba le tumelo, moena oa ka. Ke molata ho uena, monghali. Haeba e le 'nete, phahamisa letsoho la hau, ha re tsebane. Molimo o a u tseba. Eba le tumelo joale.

³¹⁷ Joale u re, “U etsa’ng, Moena Branham?” Ke shebile Leseli leo. Le ntse le tsamaea.

³¹⁸ Bothata ba pululana ea nyooko, ea lutseng mono a rapella . . . bothata ba pululana ea nyooko, monna ea nchebileng. Ha re tsebane, ha ke re? Mpoelleng seo monna eo a se amileng. Bothata ba hau ba senya bo nyametse, monghali. O amme eng? O maoto a mashome a mararo ho tloha ho 'na. O amme Moprista e Moholo ea ka angoang ke maikutlo.

³¹⁹ Monna eo ea lutseng pela hau, o a rapela, le eena. Seo a se rapelang ke sena, “Morena, e ke e be 'na ea latelang.” O sa tsoa rialo hona joale. Ke hantle. Ke tsebile joang seo u se rapellang? Ea arabelang thapelo. Hernia eo u e rapellang, ke seo u nang le sona, hernia. Ha ho le joalo, phahamisa letsoho la hau. Ho lokile, ha u ka lumela ka pelō eohle ea hau, ntho eo e tla fola.

³²⁰ Ke phephetsa tumelo ea hau. Ka Lebitso la Jesu Krete, u lumele! Oh, khili, maikutlo a makakang! O teng mona. E. Joale e ke e etsahale. Joale le tla bona hore Mong'a lona ke Mang. Ke Mampoli. Mosalumele a bue taba joale, mosalumele. Morena Jesu Krete, ho le pakela hore nako ea bofelo e fihlile, oo ke Moea oa Hae holim'a ka. Ke Eena eo. Ha se 'na, ha ke u tsebe. Ke Eena. U lumele feela ka pelo eohle ea hau.

³²¹ Monna enoa, ke a kholoa e ne e le ea latelang, monna enoa mona. Monghali, ke—ke loketse ho sheba kamoo Hoo ho tsamaeang kateng. Ha ke u tsebe. Ha Molimo o ka ntšenoletla morero oa hau mona, na u tla lumela hoba ke moporofeta oa Hae, mohlanka oa Hae? U motho ea khabane. U emetse motho e mong mona, ke hantle, o tsamaea le uena kerekeng, lialsa. Ke hantle. Ha u tsoe mona. Lena ha se lehae la hau. U tsoa hole haholo. U a lumela A ka mpoellana moo u tsoang teng? Missouri. Ke hantle haholo. Mongh. Friels, joale ha u lumela ka pelō eohle ea hau, u ka ea lapeng oa fola, le lintho tsohle tseo u li kōpang. E-ea u lumele Morena Jesu Krete.

³²² U a lumela? Eka ke loketse ho u tseba. Ke u shebile nqa e 'ngoe. Oh, ke entse joalo, ke tseba moo u neng u le teng. U a . . . Joale, bea butle motsotso. Ha ke lahleheloe ke kelello, empa ena ke tlolo. U a . . . Joale, bea butle motsotso. U folisitsoe Louisville, Kentucky, kapa khaitseli ea hau o folisitsoe. U seo . . . Hupp,

ngoanana oa Khaitsemi Hupp. Ke hantle. Na u lumela ka pelō eohle ea hau, ho folisoa joaloka khaitsemi ea hau? E-ea hae, e amohele, Jesu Kreste o a u folisa.

³²³ Moena, lumela linerefe tseo li nyametse ka botlalo, 'me u ee hae feela, ho re, "Kea U leboha, Morena Jesu, ke ea hae, ho fola." 'Me O tla e etsa.

³²⁴ U lumela ka pelō eohle ea hau, monghali? Ho ka thoeng ha nka theoaha ka u beha matsoho, ka tlolo ena? U tla e lumela e tla etsahala, ho u hlahela? Ke tla theoaha ke e etse, ka Lebitso la Jesu Kreste. U tla shoa u robetse mono, u kula haholo, haholo, ha ho letho le ka etsoang. U tšoeroe ke sefuba matšoafong. Ke hantle. U tla shoa u robetse mono, ruri joaloka lefatše. Joale, hobaneng u sa Mo lumele ka pelō eohle ea hau? Ema, ka Lebitso la Jesu. . . ? . . .

[Moena Branham o rapella batho ba 'maloa, mantsoe a hae a mangata ha a utloahale—Mohl.] Molimo, aba sena. O utloile thapelo ea ka ka Lebitso la Jesu. Molimo, aba sena.

Se mphete, oho uena ea mosa . . .

³²⁵ Rapelang, e mong le e mong, joale, ka botlalo, re tlii'o bea matsoho. Tlolo ea Moea o Halalalang e teng mona, ke tlii'o bea batho matsoho. Bibe e itse, "Mehlolo e tla tsamaea le ba lumelang ke eona ena." Ho lokile.

[Moena Branham o tsoelapele ho rapella batho, mantsoe a hae a mangata ha a utloahale—Mohl.] . . . ? . . . Tsoa ho eèna, Satane, ka Lebitso la Jesu Kreste. . . ? . . . Ka Lebitso la Morena Jesu. . . ? . . . Ka Lebitso la Morena Jesu. . . ? . . . Ntate oa Leholimo. . . ? . . .

³²⁶ Ha re rapelleng masela ana mona. Ntata rona ea Maholimong, ba nkile ho Santa Pauluse, lisakatuku, kapa liaprone, 'me E itse "Meea e litšila ea tsoa ho bona." Re a eelloa ha re Santa Pauluse, empa re a tseba esale Uena Jesu eo, hoba U ntse o phela kajeno joaloka ha U ne o phela matsatsing a Santa Pauluse. Ke rapella likopo tsena, Morena, tseo lisakatuku tsena li li emetseng. Masela a manyenyane le lisakatuku, le libutšunyana tsa masea. Molimo, ke U rapela ho e aba.

³²⁷ Re rutoa hore Iseraele e ne e le leetong la eona le eang lefatšeng la pallo, Topallo e kholo ea Mollo e ba eteletse pele, moporofeta a ba emetse, a emetse Molimo, lefatšeng. 'Me bao . . . moporofeta enoa o ba isitse Leoatleng le Shoeleng, 'me la koala tsela. Ntho ea ba eta pele tseleng ba le leetong la kutlo. Molimo oa sheba fatše o le Maholimong ka Topallo eo ea Mollo, 'me leatlle la tšoha, 'me la checha la bula tsela e haolang leoatleng, hore Baiseraele ba tsamae ka tsela e loketseng, 'me ba ea lefatšeng la pallo.

³²⁸ Molimo, ha lisakatuku tsena li beoa holima bakuli le ba mahlomoleng. . . Satane o parotse moeli oa bona, o ba thiba tseleng ea kutlo. A Matla a tsositseng Morena oa rona, Ea leng

teng joale, a theohele holima lisakatuku tsena. 'Me, nako le nako ha li ama bakuli, liabolosi a tšohe, A sa sheba fatše ka Mali a Jesu Kreste, 'me e mong le e mong oa bona a folisoa a tsoelepele tseleng ea kutlo. Aba sena, Morena. Re a U leboha. Boteng ba Hau bo teng mona. Oh, tlolo e tlotlehang ena ea Moea oa Hau e re tsukutlang rōna batho ba shoang, Morena. Re U leboha hakakang ka molemo oa Hau! Hlohonolofatsa bana joale, ka Lebitso la Jesu.

³²⁹ Ka lihlooho tsa lona tse inamisitsoeng, motho e mong le e mong ka mona. Le se ke la inamisa lihlooho tsa lona feela, joale ke tla le kopa ho inamisa lipelō tsa lona le eona. Molimo o ka hlola o etsa 'ng ho le bontša hore O teng mona? Joale nka lentsoe la ka. Tlolo ena e phahame haholo joale ho fihlela ke batla ke tsekela mona. Ha ke mocheseheli ea feteletseng. Lea tseba ha ke joalo. Ha kea inehela ho thetsa. Ke mpa ke le bolella 'nete. E khema le Mangolo. Leseli leo le hlile le hasane hohle, ekare Le hohle hohle mona. Tlhokahalo e kholo hakana! Nkholoeng.

³³⁰ Bible e boletse, ho Mareka 16, “Mehlolo e tla tsamaea le ba lumelang ke eona ena.” Ke balumedi ba bakae mona? E reng, “Amen.” [Phutheho e re, “Amen.”—Mohl.] Be, Bible e itse, “Mehlolo e tla tsamaea le ba lumelang ke eona ena.” Le tle le tsebe hoba ha se 'na, le le kahare ho eona hakaalo ka 'na. Ena ke neo e tsoang ho Molimo feela, ho Mo bonahatsa, E bolela lintho. 'Me ke nka rekoto efe, ho theosa le lilemo, na E kile ea bolela letho haese se etsahetseng hantle feela? Ke 'nete e phethahetseng, nako le nako. E—e loketse joalo, hobane ke Molimo. Joale, o se ke oa habanya feela, batla ntho e 'ngoe koana. Sheba, O teng mona joale, hona joale!

³³¹ Joale, ha u le molumeli, bea letsoho la hau holima motho ea haufi le uena, 'me ba tla bea letsoho la bona holima hau. U se ke ua ithapella, u ba rapelle hobane ba tla be ba u rapella. Joale le tle le tsebe, 'me—'me ha le ka etsa sena, ke tla le tiisetse. Be, ha ho a sala liphate kapa mealo, tsohle li nyametse. Empa le bile mona mohla mealo le liphate li robetseng mona, liritsa, ba shoeleng litho, ba holofetseng, lifofu, ha ho khetlo le le leng haese karoloana e 'ngoe le e 'ngoe ea eona. Joale, kamoo u rapelang kerekeng, ha u le Methodise, rapela joaloka Mamethodise. Ha u le Mobaptise, rapela joaloka Mabaptise. Ha u le Mopentekosta, rapela joaloka bona. U ka bang eng, rapela. Empa u rapelle motho eo u 'mehileng matsoho. U ntano lumela.

³³² Joale, hopolang, Bible e boletse, “Mehlolo e tla tsamaea le ba lumelang ke eona ena. Ha ba bea bakuli matsoho, ba tla fola.” Joale u rapelle e mong, joaloka batho ka bomong. Ke tli' o le rapella, 'moho, ho tsoa kalaneng. Joale, e mong le e mong ka mokhoa oa hae.


³³³ Ntata rona ea Maholimong, re atamela mehauhelo ea Hau. Re ke ke ra tla ka lebitso la rona, ha re a fuoa tšepiso ea hono.

Empa re filoe tšepiso ke Mora oa Hau ka Sebele ea ratehang, ho re, “Ha le kopa Ntate ntho ka Lebitso la Ka, Ke tla e etsa.” E ne e le tšepiso ea Hau eo. Joale, Ntate, ke U rapela ho Iponahatsa le balumeli bana. Ba behile matsoho holim’a bakuli, e mong holima e mong, ’me joale re atamela terone ea Molimo, ho ba tlisa. Ka Bibeleng, ho Mareka, khaolo ea 11, temana ea 23, e re, “Ha u ka re ho thaba ena, ‘Sutha,’ ’me u sa belaele pelōng ea hau, u mpa u lumela seo u se boletseng se tla etsahala, u ka fumana seo u se boletseng. Ekare ha le lula ho ’Na le Mantsoe a Ka ho lona, kopang seo le se batlang, ’me le tla se neoa.”

³³⁴ Joale, Ntate, holim’a molao o mong le o mong oa Lentsoe la Hau, ke Le amohetse ho sa tsotelehe seo ba bang ba se buang. Ke Le lumetse kamoo Le ngotsoeng. Hobane ha E a tla ka boithalosoetso ba motho, re a bolelloa, empa kamoo E ngotsoeng kateng feela. Haeba U tla re ahlola ka Buka ena, ruri U bone hore E tlile ho rona ka sebopeho se nepahetseng, hobane re tla ahlola ka Buka. ’Me joale, Ntate, ke E lumela ka pelō ea ka eohle, le ka nqane, esita le neo ea Moea oa boporofeta eo U e tsebisang. ’Me ke ka hona ke tsebang hore Ke Uena, hobane kamehla E lumellana le Lengolo hantle. Joale rea tla, Morena, ’me re U leboha ka Lona. ’Me re tlotse joale. Re atamela libaka tsa sera.

³³⁵ Oho Satane, u sebopuo se hlotsoeng. Ha u na matla. Mora Molimo o nkile matla a hau, a u hlobolisa sohle seo u neng o ena le sona, Kalvari; ho paka hore O na le rona, ka tsoho. ’Me joaloka bao ba tsoang Emmause, O ipontšitse rōna hoseng hona le ho etsa ntho kamoo A e entseng pele ho thakhiso ea Hae, ka baka leo re a tseba hore O tshile bafung. ’Me, Satane, re tla ka Lebitso la Hae, Lebitso la Jesu, ka Matla a Krete. ’Me u hlotsoe, ’me u mothetsi feela. ’Me ha re ka amohela bothetsi oa hau, u tla re bolaea pele ho nako. Empa u ke ke ua khona. Re a tla, re phephetsa hoo ka Lentsoe la Molimo, ka mahlomola a Jesu a phapanyetso. Re hlola thetso ea hau. Rea u qholotsa, Satane. ’Me re sala nku eo morao, joaloka tau matsatsing a Davida. Re tlela ho busetsa nku eo bophelong bo atlehileng le matleng. Ba lokolle, ka Lebitso la Jesu Krete! Tsoa tulong ena! Tsoa bathong bana, Satane! Rea u khalema, ka Lebitso la Jesu Krete. Ba tlohele, hobane ka Lebitso la Krete, re ba khutlisetsa Teroneng ea Ntate hoseng hona, ka bophelo bo botle le matla, ka Lebitso la Jesu Krete.

³³⁶ Lona batho bohle joale ba lumelang hore thapelo ea tumelo e rapetsoe, hore u beile motho e mong matsoho, hore u lumetse, le ho lumela hore Krete o ba folisitse, ’me u lumela hore u folile hobane motho eo o u rapeletse, ’me u e amohela hona joale hore u folile, ha ke tsotelle u holofetse hakae, u fufetse hakae, u setholo hakae, u ka bang eng, u fokola hakae, u kula hakae, ema ka maoto a hau, ka Lebitso la Jesu Krete, ’me u e amohela. Amen. Emang, hohle, ho sa tsotelehe se phoso. Emang ka maoto a lona, phahamisang matsoho a lona le rorise Molimo ka molemo oa

Hae. Amen. 

62-0218 Mamello
Branham Tabernacle
Jeffersonville, Indiana U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org